



BIBLIOTECA NAZ.
Vittorio Emanuele III

XX


B

60


NAPOLI

XX.
B
60.









ARNOLDI VINNII J.C.

DE

P A C T I S
TRACTATUS,

EDENTE

SIMONE VINNIO A.F.

Philologo.



LVGD. BATAVOR.

Ex Officinâ Elzeviriorum.

MDCCXLVI.





Nobilissimis & Amplissimis

D O M I N I S

Almæ Academiæ Lugduno-Batavæ

C U R A T O R I B U S,

Eorumque Collegis Urbis inclytæ

C O N S U L I B U S;

N E C N O N

Magnifico & Consultissimo Viro,

D. IOANNI à WEVELINCKHOVEN I. C.

Urbis Syndico, & DD. Curatoribus
à Secretis.

Nobilissimi, Amplissimi, & Magnifici Domini,



D T S I patri meo parum
animi fuit ad eden-
dum, quem dudum
de pactis conscripserat
tractatum, eumque certas ob cau-
sas suppressere maluit, quam vul-
gare: tamen cum intelligeret mi-
rari

D E D I C A T I O.

rari nonnullos, cur tanto tempore non prodiisset in lucem, quod propediem se emissurum jam ante annos aliquot scripto publico promississet, audiretque insuper varios de ea re sermones haberi, non sine sugillatione existimationis suæ, quasi in certamine cum illis novarum opinionum monstris, quæ profligaturum se jactaverat, animo succubuisset; tandem ut fidem liberaret, ostenderetque nullo se metu debilitatum fractumve opus destituisse, mihi illius tractatus recensendi edendique copiam fecit, eo quod ipse aliis occupationibus & gravioribus districtus vacare huic negotio nequibat. Hoc cum ego quasi imperasset accepissem, statim schedas patris lituris plenas, relectas atque emaculatas in mundum redegi, atque ut hoc opus typis quam emendatissime excuderetur, diligenter

D E D I C A T I O.

genter curavi. Adjeci etiam, quò
comitatius exiret, singulorum
capitum breves summas, & re-
rum & verborum copiosum in-
dicem. Multum in hoc opere ut
in disputatione Academica &
magnam partem *Γεωρηλική* pater
meus usus est auctoritate *Βασι-
λικῶν*, & Græcorum Iurifconsul-
torum, Theophili, Constantini,
Michaëlis Attaliatæ, & aliorum,
quorum nomina vulgo ignota.
Horum ego verba cum iis, quæ
pater transcripsit, bona fide con-
tuli; aliosque locos omnes, quos
vel ex corpore juris, vel ex scrip-
tis interpretum produxit, patre
viam commonstrante, revisita-
vi. Quoniam autem officii mei
est, certe esse putavi, testatam,
quantum in me est, facere &
observantiam & gratitudinem
meam erga eos, qui patri meo
benefaciunt, eumque singulari
favo-

D E D I C A T I O.

favore ac benevolentia semper
sunt profecuti, arripui hanc oc-
casionem, quæ mihi facultatem
suppeditabat etiam symbolo ali-
quo id ipsum palam ac publice
testificandi. Hoc itaque animi
proposito vobis, Nobilissimi &
Amplissimi Domini, hæce pa-
rentis mei curas, sic ut diximus,
à nobis instructas & convestitas
hic offero nuncupoque, submis-
se etiam atque etiam rogans, uti ne
hoc, quicquid est, muneris à no-
bis accipere gravemini. Hoc
idem & pater meus obnixè ro-
gat, & non ingratum vobis fore
confidit. Me certe de eo bene
sperare jubet, cum eximia vestra
humanitas, tum tenella ætas
mea, annum plenæ pubertatis
vixdum egressa, per quam fit, ut
studium atque officium meum
alio vobis argumento in præsens
probare nequeam. Deum Op-
timum

DEDICATIO.

timum Maximum precor & veneror, ut vos, Nobilissimi atque Amplissimi Viri, & communi omnium & proprio hujus Aca-
demix nostræ bono quam diu-
tissime incolumes atque florentes
conservet. Lugduni Batavorum
ex Museo nostro IV. Idus Majas
CICLO ID C XLVI.

N. & A. V.

Additissimus

SIMON VINNIVS.

Ad Ampliſſimum, Conſultiſſimumq; Virum
DOMINVM
ARNOLDUM VINNIUM,
cuni librum
DE PACTIS
ederet, procurante, ac maturante
editionem

SIMONE VINNIO, FILIO.



*VM Batava Gentis miracula
ſuſpicit Orbis,
Inque ſinu minimo ſequē,
ſuumque, capi:
Monſtra cano: totum Iurā com-
plecteris orbem,
Immenſosque ſinus mens ſpatioſa
colis.*

*Et Themidis vultum meliori lumine ſtringis:
Et ſatis in ſcenā Virginis unus eras:
Dum nova Pactorum de te ſpectacula ſurgunt,
Quaque tibi pactos credo fuiſſe Deos.
Et tamen hac forſan fuerant caligine preſſa;
Nec fuerant ſcriptis digna theatra tuis.
Ni Themis ipſa Themis, ni Pallada Pallas amaſſet,
Et Batavos nollet publica damna pati.
Ni quoque Vinniades, qui ſpes Patriaque, Patriſque
In lucem Patrium progenuiſſet opus.
Scribite Scriptores. Nobis pro millibus unus
Vinnius, & lectus non magis unus erit.*

Ex tempore ſcripſit.

ANDREAS DV PRE.



SYLLABVS CAPITVM.

I.



Vid pactum, pactio, conventio, pactum conventum.

II.

De pactis seu conventionibus publicis.

III.

An fides hostibus, praeonibus, piratis data servanda sit.

IV.

De pactis legitimis.

V.

De conventionibus nudis.

* 5

VI. De

VI.

De vi nudarum conventionum.

VII.

Aliarum gentium, & hodie moribus nostris, & Canonum jure ex nuda conventionē actionem dari.

VIII.

De conventionibus non nudis, quæ vulgò pacta vestita.

IX.

De pactis in continenti contractibus adjectis.

X.

An pacta in continenti adjecta contractibus stricti juris ex parte actoris similiter insint, ut bona fidei judiciis.

XI.

Quanam actio detur ad petendum id, quod pacto in bona fidei contractu interposito cautum.

XII. De

XII.

De pactis tacitis.

XIII.

De pactis in rem & in personam, deque eorum vi ac potestate.

XIV.

Qui cum quibus pacisci possunt.

XV.

An quis pactione sua alteri nocere, aut prodesse queat.

XVI.

Quatenus pactum debitoris fidejussori, aut fidejussoris debitori profit. & de pacto unius è duobus reis.

XVII.

De pactis majoris partis creditorum.

XVIII.

De quibus rebus pacisci possumus.

XIX.

De pactis circa successiones.

XX. De

XX.

De pactorum caterarumque conventionum interpretatione.

XXI.

De effectu & potestate pactorum.



ARN.



ARN. VINNI

TRACTATUS

DE

PACTIS.

CAP. I.

Quid pactum, pactio; conventio,
pactum conventum.

1. *Pacti & pactiois definitio.*
2. *Pactum & pactio idem. & N^o. 5.*
3. *Pactum generali significatione idem,
quod conventio. & N^o. 7.*
4. *Actu plus est in specie, quam in genere:
genus, symbolum communis specierum
essentia.*
6. *Generali appellatione pacti etiam con-
tractus nominatos contineri.*
8. *Pratorem edicto de pactis edicere de
conventionibus omnibus.*

A

9. Pacta

9. *Pacta conventa quomodo prator servet.*
10. *Cur in definitione mentio fiat duorum aut plurium.*
11. *Quid sit illud in idem.*
12. *Pactum speciali significatione passim pro pacto nudo.*
13. *Pactum conventum, nihil aliud quam pactum per se positum.*
14. *Pactum conventum proprie non est pactum ἐξ ἑαυτοῦ.*
15. *Quod nostris pactum conventum dicitur, Græci Iurisconsulti reddiderunt σύμφωνον simpliciter.*
16. *Si quando pactum, aut pactum conventum pro instrumento pacti usurpatur, tropica locutio est, non propria.*

I. **P**ACTVM five pactio est duorum vel plurium in idem placitum & consensus. Placitum & consensus. Constant. Harmenop. lib. 1. tit. 9. c. 1. *δέσινδα καὶ συγκατάθεσις*, Synops. Attaliata tit. 6. *δέσινδα καὶ συναίνεσις*. In Pandectis Florentinis legitur, in idem placitum consensus. Cæterum parum refert, utro modo legas. Ita definitur

nitur pactio ab Ulpiano in *l. 1. §. 2. hoc tit.* & eodem modo ab eodem auctore pactum in *l. 3. de pollicit.*

2. Unde apparet utrumque idem esse, atque æquè late vocis utriusque significationem patere, contra quam existimat Duarenus ad *d. l. 1. §. 2. hoc tit.* In una *l. juris gentium. 7. §. sed cum nulla. 4. & aliquot §§. seqq. eod.* plus sexies promiscuè pacti & pactionis verbo idem Ulpianus utitur. Sunt qui putant pactum proprie dici jus, quod ex pacto existit, sive obligationem ex actu paciscendi natam: sed sine ulla auctoritate, ullave vel in speciem probabili ratione. Nam in *l. 1. §. 1. eod.* tantum grammatica quædam affertur deductio.

3. Sed & pactum generali significatione non minus late patet, quam nomen conventionis, & contractus quoque omnes continet; quod & ipsum definitio pacti evidenter ostendit. Et enim si contractus quoque omnis est duorum vel plurium in idem consensus, necessariò unum ex his tribus sequitur, ut aut contractus idem sit, quod pactum, aut genus pacti, aut pacti species; atqui nec idem est, quod pactum,

nec genus pacti, ac de eo inter omnes convenit: necesse igitur est pacti esse speciem.

4. Nihil officit, quod plus est in contractu, quam in pacto generaliter sumpto: nam semper actu plus est in specie, quam in genere. Quippe genus non est particeps differentiarum, & μετέχῃ τῷ Διαφορῶν, ut docet Aristoteles *Philosf.* 7. 12. & ut Porphyrius c. 3. Διαφορῶν ἐστὶν, ἣ ἀπὸ τοῦ εἶδους τῶν γένους. & mox, ἡ δὲ δύναμις μὴ πᾶσας ἔχει τὰς τῷ ἐν αὐτῷ Διαφορῶν, ἐν ἐσχάτῃ δὲ ἰδιότητι. Id est, genus quidem potentia omnes habet differentias, quae sub ipso sunt, actu vero nullas. Et si autem tota essentia speciei non est in genere: tota tamen generis essentia equaliter inest in singulis speciebus; semperque genus, ut latius patens, de specie sua praedicatur, & non convertitur. Ut ecce, homo est amplius quid, quam animal seu corpus animatum sentiens; omnis tamen homo est animal: è converso verò non omne animal est homo. Similiter contractus est aliquid amplius, quam pactum in genere sumptum, seu duorum vel plurium in idem placitum: omnis tamen contractus est pactum

pactum siue plurium in idem placitum. At vero ex contrario non omne pactum est contractus: verbi causa partitiones ad liberandum comparatae, placita de contrahendo, puta emendo, permutando, &c. conventiones legitimæ, nec non negotio alicui adjectæ, licet sint pacta, contractus tamen non sunt. Unde Græci Jurisconsulti pactum, quod σύμφωνον vocant, fieri dicunt ἐπὶ τῇ συστάσει, ἢ ἀφελυθλήσει, ad contrahendum vel distrahendum: contractum verò ἐπὶ τὸ συνίστασθαι ἐνόχλῳ, καὶ τὸν ἕτερον τῷ ἑτέρῳ ποιῆσαι ὑποδύθωρον, ad constituendam obligationem, & alteri alteri reddendum obnoxium.

5. Hoc quod dicimus, verum esse manifestè quoque arguunt hi loci, *l. s. domus 8. l. solent. 15. de præscript. verb. l. legem. 10. C. hoc tit.* ubi inter pactum nudum & non nudum hæc distinctio ponitur, quod illud actionem non pariat, ex hoc autem nascatur actio præscriptis verbis. item *l. 6. C. de jur. dot.* in cujus specie matris pactum dicitur actionem præscriptis verbis constituere. Constat autem inter omnes actionem præscriptis verbis non dari, nisi ἐκ συναλλάγματος, ex contractu,

d. l. 7. §. 2. hoc tit. & pass. tit. de præscr. verb.

6. Adhæc non modo contractus in-nominatos, verum etiam certo nomi-ne ac forma distinctos generali pacti appellatione contineri apparet ex *l. duo. 71. pro soc.* quo loco contractum de societate habitum palam est nomi-nari pactum conventum societatis; & mox iterum pactum conventum de societate. Idem quoq; evincitur ex eo, quod in *l. si unus. 27. §. 2. vers. idem di-cemus. hoc tit.* Paulus scribit, consen-su contractam obligationem, & re in-tegra contrario pacto sublatam, veluti empti, novissimo pacto non resuscita-ri; sed id pactum proficere ad novum contractum. Quid enim hoc aliud est, quam si dixisset, posterius pactum no-vum esse contractum, novam emptio-nem? Sanè sic idem ille hoc explicat *l. pacta conventa. 72. pr. vers. an idem. de contr. empt.* Item ex *l. traditionibus. 20. C. hoc tit.* ubi cum traditio opponatur cuilibet conventioni & pacto nudo à traditione, etiam contractibus nomina-tis opponitur, veluti emptioni & ven-ditioni; ac proinde illic appellatione pactorum, certum est etiam contractus

no-

nominos intelligi. *fac. §. 3. Inst. de empt.* Denique cum ususfructus & servitutes prædiorum dicuntur constitui pactionibus & stipulationibus, §. 1. *Inst. de usufr. §. ult. Inst. de serv. præd.* per pactiones necesse est, ut intelligamus contractus quoslibet juris gentium comparatos ad dominium aut jus aliquod in rem transferendum. Ex his facile occurri jam poterit objectionibus Borcholte *c. 1. de pact. n. 6. & seqq.* nec non eorum quoque errori, qui asserunt in usu juris nostri non tantum pactum, pactionem, conventionem, sed etiam contractum pro eadem re summi, nihilque interesse, contraxisse aliqui dicantur, an pacti esse vel convenisse: hoc enim non minus absurdum est, quam si quis dicat, idem significare genus & speciem, animal & hominem: pactio enim & conventio nomina sunt generis, contractus nomen speciei. Itaque etsi qui contraxerunt, etiam pacti esse & convenisse rectè dicuntur, quod solum probant: tamen ex converso non omnes, qui dicuntur pacti, dici possunt inisse contractum, ut non multò ante demonstratum est, & plenius demonstrabitur inferius.

Venditant illi quidem opinionem
 suam etiam pro communi interpre-
 tum sententia: sed falsò; ac ne unum
 quidem reperiri credimus, qui idem
 asserat, aut qui neget, quod illi negant,
 ea quę sub diversis vocibus idem signi-
 ficient, esse synonyma aut ἰσοδυναμῶντα.

7. In edicto prætor conjunxit hæc
 duo, *pacta conventa. d. l. 7. §. ait præ-
 tor. ff. hoc tit.* Ulpianus interpretes edi-
 cti definivit pactionem & conventio-
 nem, quæ verba in edicto non sunt:
 quod & ipsum certum argumentum
 est, pactionem, pactum, conventio-
 nem, conventum idem valere & de-
 clarare; quemadmodum etiam conve-
 nire & pacisci plerumque pro eodem
 dicimus. Sic promissum & promissio,
 præceptum & præceptio, jussus & jus-
 sio, inventum & inventio, & sexcenta
 hujuscemodi idem valent & signifi-
 cant: estque in hisce omnibus eadem
 analogia & ratio. Sed hic quæret ali-
 quis cum D. Cujacio, cur si pacti aut
 pactionis nomen æquè generale sit,
 atque conventionis, Ulpianus in *l. 1. §.
 3. ff. hoc tit.* tantum de verbo conven-
 tionis dicat, generale id esse? Respon-
 deo perperam ex eo colligi pactionis
 aut

aut pacti verbum generale non esse: nam ex definitione, quæ præcedit, satis intelligitur hoc verbum generale esse: sed Jurisconsultus docere voluit etiam conventionis verbum generale esse, de quo prima fronte dubitari poterat propter verbi originem, quod non videtur pertinere ad eos, qui de negotio transigunt; quorum consensus & factum discessio potius, quam conventio videri potest, ut bene Donell. *ad Rubr. C. hoc tit. n. 10.*

8. At dices, huic sententiæ consequens est, prætorem hoc edicto etiam de contractibus edicere: quod tamen & alienum esse videtur a sententia prætoris, qui pollicetur se pacta conventionis servaturum, cum contractus satis jure valeant sine tuitione prætoris; & ἄτοπον, argumento collocationis edicti: quippe quod non aliam ob causam positum sit inter cæ, quæ judicium antecedunt, quam quia pacta ad litem remorandam pertinent: sola autem eò pertineant pacta, quibus id agitur, ne petatur. Hinc denique esse, quod post edictum propositum omnis ferè hoc titulo tractatio Jurisconsultorum sit de iis pactis, quibus quid remittitur;

quamquam subinde alia miscentur. Ita disputat Duarenus *comment. ad l. 1. ff. hoc tit. & lib. 2. disput. c. 8.* Respondeo; hoc edicto edicens prætor, de pactis conventis, edicere intelligitur de conventionibus omnibus, ac proinde etiam de contractibus, *arg. d. l. 1. §. 3. l. 7. pr. §. 1. & 2. eod.* quod quidem videri poterat huic loco minus convenire; si hoc solum prætor polliceretur se pacta conventa servaturum: nunc autem excipit ea, quæ dolo malo & contra leges facta sunt; quod est ejusmodi, ut de contractibus fere solis statui necesse fuerit. Nam cum nudæ conventiones actionem non pariant, adversus has reus satis munitus est ipso jure. Porro illa exceptio doli aliave defensio, qua repellitur ex contractu agens, æque ad moram judicio afferendam & tuendum reum pertinet, atq; illa, quæ datur ex pacto convento de non petendo. Quod si vera esset sententia Duareni, non hoc efficeretur, contractus non esse pacta; sed illud potius, non alia esse pacta, quam quibus paciscimur, ne petatur, ut recte Baro *ad l. 7. §. quinimo. ff. hoc. tit.*

9. Ergo, inquis, verba hæc prætoris,
pacta

pacta conventa servabo, sic interpreta-
 ris, data aut actione, aut exceptione,
 prout hac aut illa ad servandum pa-
 ctum opus erit? Quid ni verò? Sic enim
 & alibi prætor dicitur tueri ad judica-
 tiones, exceptiones aut actiones dan-
 do. *l. inter coheredes. 44. §. 1. fam. ercisc.*
 Contractus igitur servat prætor dando
 actionem: nam & actiones civiles so-
 lent prætores edictis monitoriis pro-
 ponere, & dare petentibus. *l. 1. ff. com-
 mod.* Servat conventiones alias seu
 pacta nuda, siquidem ad liberandum
 comparata sunt, dando exceptionem:
 si verò ad obligandum, non aliter
 actionem dat, quam si specialiter jure
 civili aut honorario confirmata sint,
 aut contractibus bonæ fidei in conti-
 nenti adjecta. *l. 6. l. 7. §. quinimo. l. si
 tibi. 17. §. 2. ff. hoc tit. l. 1. ff. de pecun.
 constit.* Etenim verba prætoris cum hac
 moderatione accipienda sunt, *Quod
 ejus per leges &c. licebit. arg. l. 1. in fin.
 ff. ex quib. caus. maj.* Si vero dolo ma-
 lo, adversus leges, aut bonos mores
 conventio facta fuerit, eam neutro tue-
 rur modo. Illud non magni ponderis
 est, quo tamen nonnullos in contra-
 rium moveri video, quod in jure no-
 stro

fero plerumque pacta contractibus opponuntur, atque identidem negatur ex pacto obligationem aut actionem nasci: nam tunc pacti verbum in specie sumitur pro pacto nudo, quomodo & passim absolutè positum à veteribus accipitur. *d. l. 7. §. quinimo. s. ff. hoc tit. l. 10. C. eod. l. solent. 15. ff. de præscr. verb. l. 1. C. de pact. conv. tam sup. dot.* Non enim novum est, ut idem verbum & generis nomen sit, & speciei, quod nomina adoptionis, cognationis, notionis &c. satis probant.

10. Quod in definitione mentio fit duorum aut plurium, hoc eo pertinet, ut hinc removeantur ultimæ voluntates, & itidem vota ac pollicitationes, in quibus unius tantum vel testantis voluntas, vel voventis aut offerentis promissum spectatur. *l. 12. in fin. de legat. 1. l. 2. l. 3. de pollic.* Intellego autem pollicitationem proprie dictam, id est, quæ fit reipub. Nam id nomen interdum etiam pro promissione stipulanti facta, & pro pacto convento accipitur. *l. eaque. 43. §. 1. de contr. empt. l. 1. §. pen. de dot. coll. l. 6. C. de dot. prom. l. 5. C. de contr. stip.* Votum autem est pollicitatio Deo facta. *c. 6. & 7. ext. de vot.*

vol. Cicero definit sponſionem, qua Deo obligamur. .

11. *In idem* valet in eandem rem, quæ recipitur, id eſt, in hoc, ut aliquid fiat negotiū vel contrahendi vel dirimendi cauſa : nam ad materiam ſubjectam unumquodque referri debet. Neque enim verbi gratia, ſi duo jurisperiti, de aliqua juris quæſtione conſulti, idem reſponderint, talis conſenſus pactio aut pactum rectè appellabitur. Græci expreſſe addiderunt, ἐπὶ τῇ ſυνελευσὶ καὶ ἡγυῖν καὶ ἐὰν, ἢ ἀλλοθι καὶ π.

12. Effectum igitur hæcenus eſt verba hæc, *pactum, pactio, conventum, conventio*, vi ſua generalia eſſe, ejuſdemque omnia ſignificationis. Cæterum, ut ante quoque dictum eſt, pacti nomen etiam ſpecialem ſignificationem habet, & à veteribus paſſim pro forma pacti, quod alias cum adjuncto nudum dicitur, uſurpari ſolet : atque hoc etiam uſu venit, cum duo hæc conjunguntur, *pactum conventum. l. 7. §. quicquid. l. ſi unus. 27. in fin. hoc tit. l. pacta conventa. 72. de contr. empt. l. 4. l. ult. de pignor. cum ſimilib.*

13. Atque ego quidem exiſtimo idem planè eſſe pactum conventum, quod

quod pactum per se positum, nullaque in re alterum ab altero differre. Duo hæc substantiva, *pactum conventum*, junguntur plerumque ἀσυνήτως, ut & alia quædam, veluti *aquum bonum, putum, sarta recta*; idque fit rei magis explicandæ gratiâ καὶ τῷ αὐτῷ. Aliquando etiam *pacta & conventa* veteres dicebant. Cicero in illa pro *Caccinn. Quæ judicia, aut stipulationis, aut pacti & conventi formula non infirmari aut infringi potest, si ad verba rem deflectere velimus?* Juvenalis *satyr. 6.*

*Conventum tamen & pactum, &
sponsalia nostrâ*

Tempestate paras.

Ubi non satis peritè Britannicus *conventum* interpretatur cœtum & multitudinem hominum. Seneca 3. *de benefic. Utinam nulla stipulatio emptorem venditori obligaret, nec pacta conventaque impressis signis custodirentur.* & apud Paulum *lib. 1. recept. sentent.* titulus primus inscribitur *de pactis & conventis.* Re ipsa autem nihil interest, utrumque, an alterum solummodo exprimitur.

14. Claudius Salmasius, seculi decus, putat pactum conventum veteribus

bus propriè esse id pactum, quod scriptura interveniente factum est, magistrisque juris omnibus exprobat hujus rei ignorantiam, *lib. de mod. usur. c. 12.*

Ego vero non unam habere mihi rationem videor, cur hoc doctissimo viro concedere non debeam, atque existimem injustè interpretes nostros ab eo reprehendi. Utar eadem libertate adversus summum virum, qua ille usus est adversus alios: nec abnuo, quin ille ipse mihi judex in hac causa detur. Primum illud satis constat, minimè quadrare in propriam significationem verbi *conventum*, ut id accipiatur pro scripto aut conventionis instrumento. Deinde cum in edicto prætor ait se pacta conventa servaturum, non magis hoc ad pacta scripta pertinet, quam ad cætera: quemadmodum nec illud, quod dici solet, pacta conventa in continenti adjecta inesse bonæ fidei judiciis. *l. 7. §. quinimo. s. ff. hoc. tit.* Pacti conventi exceptio nostris non est exceptio pacti scripti, sed pacti cujuscunque seu justæ conventionis, uti & passim promiscuè hæc nostri usurpant. Si quis mihi veterum scripta in hunc titulum percurrere voluerit, reperiet centies hæc.

hæc nomina, *pactum*, & *pactum conventum*, confundi atque pro eadem re sumi. Qui titulus in Pandectis inscribitur *de pactis dotalibus*, in Codice inscriptus est *de pactis conventis tam super dote*, &c. certum autem est utrumque titulum pertinere tam ad pacta dotalia ἀγροφα, quam ad ἑσροφα: nec ulla est in toto illo titulo Codicis constitutio, in qua hæc duo, *pactum conventum*, juncta invenias; sed mentio tantum fit legis aut pacti dotis dationi adjecti, dotalive instrumento interpositi.

Quinimo ipsa illa l. 4. ff. de pignorib. qua D. Salmasius utitur ad opinionis suæ confirmationem, eam perspicue evertit, aut ego vehementer fallor. *Contrahitur*, inquit Gajus, *hypotheca per pactum conventum*, cum quis paciscatur, ut res ejus propter aliquam obligationem sint hypotheca nomine obligata. Nec ad rem pertinet, quibus sit verbis, sicuti est & in his obligationibus, quæ consensu contrahuntur: & ideo & sine scriptura, si convenit, ut hypotheca sit, & probari poterit, res obligata erit, de qua conveniunt. Non ait Jusconsultus hypothecam contrahi per pactum conventum, cum quis scriptura inter-

veniente

veniente paciscitur, sed generaliter, cum quis paciscitur; ac proinde etiam cum paciscitur ἀγαφως. Et quia per pactum conventum hypotheca contrahitur, ait nihil interesse, quibus verbis fiat, & posse etiam sine scriptura fieri, ac prorsus ita contrahi, ut contrahuntur obligationes nudi consensus, in quibus, ut substantiam capiat obligatio, sufficit consensum quomocunque declarari. *l. 2. ff. de oblig. & act.* Ex hoc igitur loco Gaii non illud evincitur, quod contendit D. Salmasius, pactum conventum esse, quod scripto consignatum est, sed quod nos asserimus, pactum conventum Gajo idem esse, quod pactum simpliciter sive nudam conventionem; *fac. l. 1. ff. de pign. act. §. item Serviana. 7. in fin. Inst. de action.* Quod si per pactum conventum intelligeret σύμφωνον γυμνασμάριον, falsa esset collectio Jurisconsulti, sibi que ipse contradiceret.

15. Sed neque Græci Jurisconsulti, quod pactum conventum nostris dicitur, reddiderunt γυμνασμάριον, ut idem vir illustris existimat; verum σύμφωνον simpliciter. Titulo Codicis *de pactis conventis tam super dote, &c.* responder

det titulus apud Constantinum *τῶν
 γραμικῶν συμφάνων.* & in Basilicis *τῶν
 παλαιῶν, καὶ τῶν αὐτῶν παλίων ἢ τοι συμφ-
 φάνων.* Constantinus autem cum hypo-
 thecam hoc modo definit; *ὑποθήκη μὲν
 ἐστὶ τὸ πᾶσι μέρει τῷ χρεώτῃ· ὑποθήκῃ μὲν
 ὃ τῷ δανείστῃ εἰς τὸ γραμματεῖον, ἐνεκεν τῷ
 τῷ χρεώτῃ ἰκανώσεως, non interpretatur
 locum aut verba Gaji in l. 4. ff. de pign.
 & hypoth. sed exprimit sententiam Ul-
 piani in l. 9. §. 2. ff. de pign. act. ubi Ju-
 risconsultus inter pignus & hypothecam
 hoc ait interesse, quod pignus pro-
 priè dicitur, quod ad creditorem tran-
 sit; hypotheca cum non transit nec pos-
 sessio ad creditorem: idque ita esse pa-
 tet ex eo, quod mox apud Constanti-
 num sequitur; *ἐνέχυρον ὃ, τὸ ἐν χρεὼτι δι-
 δομένον τῷ δανείστῃ. Pignus autem est, quod
 creditori in manus traditur.* Idem alibi,
*κυρίως ἐνέχυρον λέγεται, τὸ πᾶσι μέρει
 τῷ δανείστῃ· τὸ δὲ μὴ πᾶσι μέρει, ἀλλὰ συμφω-
 νηθὲν, ὑποθήκη ἐστίν. Pignus propriè dici-
 tur, quod creditori traditur, quod vero si-
 ne traditione pacto convento contrahitur,
 hypotheca est.* Nimirum differentia pi-
 gnoris & hypothecæ non in eo confi-
 sit, quod hæc ἐκ γράφως, illud ἀ γράφως
 contrahatur: sed quod hæc pacto con-
 vento,*

vento, id est, *ἡλὼ συμφώνως*; illud non nisi re tradita. §. item *Serviana. in fin. Inst. de action. §. ult. Inst. quib. mod. re contr. obl. d. l. 9. §. 2. de pign. act.* instrumentum intervenerit, nec ne, ad differentiam pignoris & hypothecæ nihil attinet. Igitur εἰς γραμματεῖον Harmenopulo non est per pactum conventum, sed instrumento pacti conventi: quippe qui non ideo γραμματεῖς meminit; quod sine instrumento hypotheca non contrahitur, sed quia probationis causa scriptura ferè adhiberi solet. *d. l. 4. ff. de pignor. l. 4. ff. de fid. instrum. cum similib.* In Basilicis autem *lib. 25. tit. 2.* sententia Gaji in *d. l. 4. de pignor.* his verbis expressa est; ὡς ἐπὶ τῷ ἐνοχῶν τῷ ἐνοχοποιήσας τὰς ἐπὶ παντὸς συναλλάγμα-
 τῶ. συμφαινέσας, ἔτω καὶ ἡ ὑποθήκη συμ-
 φώνως στυλίσσεται, οἷοις δὴ ποτε ῥήμασι, καὶ
 ἀγράφως· τὰ γὰρ ἔγγραφα ἀπὸ τῶν ἀπόδ-
 ξιν γίνεσθαι, &c. Id est, quemadmodum in
 obligationibus fit, ut obligatio astringat
 de re qualibet consentientes, ita & hypo-
 theca pacto convento contrahitur, qui-
 buscumque verbis, etiam citra scriptu-
 ram: nam scriptura probationis causa
 fiunt, &c.

16. Planè fatemur pactum conven-
 tum

tum nonnunquam apud auctores usurpari pro instrumento, in quo pactum conventum descriptum est, uti & apud Ulpianum in *l. duo facietatem. 71. ff. pro soc.* sed tropica ista locutio est, non propria, sumptum pro metonymiam contento pro continente; ejusdemque tropi usus occurrit etiam in voce *pactum. l. 7. §. quod fere. 12. ff. hoc tit.* ibi, *quod ferè novissima parte pactorum ita solet inseri.* id est, novissima parte instrumenti de pactis confecti. Nemo tamen ob id dixerit pactum propriè esse conventionem scriptam. sic per eandem figuram lex accipitur pro tabulis legis. *l. eum debere. 33. ff. de serv. prad. urb. l. si in lege. 24. ff. locat. & passim apud alios. cautio & obligatio pro chi-rographo. l. lecta. 40. ff. de reb. cred. l. 5. ff. fam. ercisc. l. ult. C. de cond. ex leg. l. 7. C. de non num. pec.* stipulatio pro stipulationis instrumento. *l. 1. §. pen. ff. de edend.* Cicero, *partitionib. Scriptorum privatum aliud est, publicum aliud. Publicum lex, senatusconsultum, fœdus. Privatum tabula, pactum conventum, stipulatio.* Græcis quoque familiare est, ut *συμβολαία ἢ ἄλλα φα*, sive *καὶ ἀμφὰς ἢ συμφωνηθέντων*, instrumenta pactorum

torum ac conventorum, appellant *συμβόλαια* simpliciter, figuratè tamen, ut ex contento continens intelligatur. Jam etiam cæteris, quæ à D. Salmasio in contrarium afferuntur, facile, ut opinor, obviam iri poterit.

C A P. II.

De pactis seu conventionibus publicis.

1. *Publica conventio quid, & à quibus fiat. & N°. 4.*
2. *An Princeps pacem cum hostibus faciens privatorum injurias ob causam belli acceptas remittere possit.*
3. *Privata conventionis species est, cum Princeps contrahit cum subditis emendo, vendendo, &c.*
5. *Duces belli citra speciale mandatum pacem aut inducias facere non possunt.*
6. *De quibus rebus duces belli rectè paciscantur.*

P Actionum five conventionum quædam publicæ sunt, quædam privatæ.

ta. l. conventionum. s. ff. hoc tit. De conventionibus publicis parcius differemus, quoniam ista disputatio Politicorum tota propria est: Nam conventiones publicæ non tam legum civilium auctoritate, quam communium gentium jure reguntur, multumque hic valent, ac præcipuam fidem merentur judicia & sententiæ illustrium Scriptorum, cum Philosophorum & Historicorum, tum Oratorum, etiam & Poëtarum. Denique juris publici tractatio atque cognitio ferè à Jurisconsulto hodie non expectatur, si causas publicorum criminum atque alia nonnulla excipias.

i. Publica conventio, definitore Ulpiano in *l. conventionum. s. ff. hoc tit.* est, quæ fit ex causa publica. Hujusmodi autem pactorum faciendorum potestas penes eos solos est, qui summæ rei præsumunt, aut qui eam potestatem ab his, quorum ea propria est, acceperunt. Ulpianus *d. l. s.* quid sit publica pactio declarat duobus exemplis. *Publica*, inquit, *conventio est, quæ fit per Principem*, (ita enim omnino legendum est cum Russardo, non *per pacem*, quod idoneum sensum non habet.) *aut quo-*

quoties inter se duces belli quadam paciscuntur: Græci hunc locum sic reddunt, δημοσία ἢ (σύμφωνα) τὰ πρὸς ἐξουσιασῶν καὶ ἡγεμόνων ἐθνῶν, πρὸς εἰρηνίῳ τυχόν, ἢ ἄλλό τι τοιούτον. *publica conventiones sunt; quæ sunt per principes aut duces exercitus, veluti ad pacem, aut aliud quid tale.* Et quidem dubium non est, quin Princeps de negotiis ad rempub. spectantibus rectè atque utiliter paciscatur, siue pacem siue aliud quodcunque fædus cum hostibus faciat: siquidem pactiones inire etiam quæ bellum finiant, eorum est, quorum est bellum, cum suæ quisque rei moderator sit atque arbiter.

2. Sed quæritur, pacem faciendo cum hostibus, an privatorum damna atque injurias ob causam belli acceptas remittere possit? Et puto posse. arg. l. 1. §. 2. in verbis, *sunt enim quadam publicè utilia.* ff. de just. & jure. c. in nostra. ibi pro bono concordia. ext. de injur. Atque omnino concludimus remissionem favore publicæ pacis factam, etiamsi facta sit invitis subditis, valere, si aliter discordiæ sedari & pax haberi nequeat: & maximè cum occupata per injuriam bona longo tempore possella

fella sunt, quæ si à possessoribus aufe-
 rantur, multa concuti & perturbari
 necesse sit. Optimæ conciliationes
 sunt, quæ iram, & offensarum memo-
 riam delent, & ut ait Isocrates *Plataic.*
εἰρήνης ἔσσης ὁ ἀποθήκε μνηστῆρας τοῦ ἐν τῷ
τότῳ χρόνῳ, in pace non decet ante-
malorum recordari. Et omnino in fœ-
 deribus ineundis non tam cogitandum
 est de sarcienda in præsens amicitia,
 quam id curandum, ne partes, quæ non
 ad differenda, sed ad auferenda mala
 conveniunt, bello iterum implicen-
 tur, ut disputat Dionys. Halicarnas-
 sensis *lib. 3.* Exemplum habemus apud
 Val. Maximum *lib. 4. c. de animi mode-*
ratione, de Thrasybulo, qui cum civi-
 tatem Atheniensium triginta tyranno-
 rum sævitia liberasset, plebiscitum in-
 terposuit, ne qua præteritarum rerum
 mentio fieret; quæ malorum oblivio
ἀμνησία ab ipsis vocitata est. Quod
 exemplum & M. Tullius aliquando
 Romæ publico otio consulere volens
 sequendum esse censuit, *Philipp. 1. in*
princ. Bodin. lib. 2. de repub. c. 5. & lib. 5.
c. 6. Grot. lib. 3. de jur. bell. & pac. c. 20.
Duar. ad l. 5. ff. hoc tit. Gail. 2. obs. 57.
& de pace publ. n. 25. Matt. Cuno tract.
de

et. c. 22. per tot. vide & Vasq. l. 4.

Pacti verò non publici, sed pri-
species est, cum Princeps pacisci-
aut contrahit cum subditis, verbi
a, emendo aliquid, aut vendendo:
ue enim hoc facit, qua Princeps:
verissimum est, quod vulgò jacta-
, Principem in his jure privatorum
. Nam quod legibus solutus esse di-
ar, hoc non eo pertinet, ut ad con-
ctus observantiam adstringi non
beat. Lex naturalis est, quæ fidem
quare jubet: qua proinde neque po-
li consensu, neque senatus auctori-
te solvi potest.

4. Alterum exemplum publicæ con-
entionis affert Ulpianus *d. l. 5. hoc tit.*
le ducibus belli inter se paciscentibus.
Non tantum igitur Princeps, iivè, qui
sumum imperium habent, pacta
cum hostibus inire publicæ utilitatis
causa possunt: verum etiam ducibus
belli idem permissum est. Cæterum
belli duces, non nisi de iis rebus, quæ
ad administrationem belli pertinent,
deque his, quæ ipsis concessa intelli-
guntur, jure pacisci possunt. Unde pe-
tenda decisio quæstionis, quæ ab in-

terpretibus movetur, an à ducibus belli citra principis aut populi consensum, cujus nomine & auspiciis bellum geritur, pax aut induciæ constitui possint.

5. Dicendum enim est non posse, nisi hoc specialiter iis concessum sit; eumque, cui ducendi regendique exercitus, aut etiam in universum belli gerendi cura commissa sit, pacem cum hostibus faciendo, fines mandati & muneris sui excedere; neque enim belli gerendi pars est, bellum finire. Agesilai responsum ad Persas fuit, *εἰπὼνς τὴν πόλιν εἶναι κύριον*, pacis arbitrium penes civitatem esse. Eumenes apud Livium lib. 37. *Qui rata ista pax erit, quam non ex auctoritate senatus, non iussu populi Romani peregerimus?* Et Sallustius de pace inter Aulum, exercitus Romani ducem relictum, dum frater consul Albinus Romam proficiscitur, & Jugurtham Numidarum regem facta, *Senatus*, inquit, *uti par fuerat, decernit, suo atque populi injussu nullum potuisse fœdus fieri.* Ac pari de causa nec Caudina, nec Numantiana sponsio populum Romanum obligavit.

6. Planè inducias date ducum est,

acc

nec summorum tantum, sed etiam minorum, sed iis solum, quos oppugnant, aut obsessos tenent, & se suasque copias quod attinet: nam alios duces pares non obligant, quod Fabii & Marcelli historia apud Livium *lib. 24.* declarat. Manifestè igitur labitur Bartolus in *d. l. 5. ff. hoc. tit.* cum simpliciter pronuntiat, ducem belli, aut, ut ipse loquitur, capitaneum guerræ posse facere treugam seu inducias indicere. Rursum ducibus non competit homines, imperia, agros bello quæsitos concedere: qua de causa Syria Tigranè adempta, quanquam Lucullus dederat. In res alias, quæ in præda sunt, jus aliquod concedi ducibus videmus, non tam ex vi potestatis, quam cujusque populi moribus. Enimvero nondum quæsitæ condonare omnino in ducum est potestate: quia homines cum oppidis sæpe se dedunt sub conditionibus vitæ salvæ, aut & libertatis & bonorum, de quibus summæ potestatis arbitrium exquiri res plerumque non patitur. Plenius hæc exequitur Grot. *lib. 3. de jur. belli & pac. c. 22. add. Bodin. lib. 5. de repub. c. 6.*

C A P. III.

An fides hostibus, prædonibus,
piratis data servanda sit.

1. *Etiam hostibus fidem datam servandam esse.*
2. *Dolus malus est post fidem datam hostem fallere.*
3. *Explicatio l. 2. C. de commerc. & mercat.*
4. *Prædones quoque & piratas communionem habere juris naturæ.*
5. *Promissionem impunitatis factam a-
trox aliquod facinus detegentibus servandam esse.*

Fidei observatio est ex jure gentium.
l. 1. ff. hoc tit. l. cum amplius. 84. §. 1. de reg. jur. l. bona fides. 31. ff. depos. Ita-
 que cum jure gentium quælibet justa
 pactio vim obligandi habeat, apparet
 etiam hosti fidem datam servandam
 esse: nam & cum hostibus jus gentium
 colitur. *l. ult. ff. de legationib.* Utique
 enim si cum hostibus quoque sit com-
 munitio juris gentium, cum iisdem
 etiam conventionum, ac proinde &
 obli-

obligationum communio sit necesse est. Silius Italicus *lib. 25.*

Optimus ille

*Militia, cui postremum primumque
tueri*

Inter bella fidem.

Denique si fidem hostibus datam contemnere liceat, nihil aliud inde sequi poterit, quam perpetua diffidentia, cædes & bellum perenne. Sed hîc nobis occurritur ex Ulpiano *l. 1. §. 3. ff. de dol. mal.* ubi ait bonum dolum esse, & pro solertia haberi, si quis contra hostem aliquid machinetur, eumque fallat. Cui non absimile illud Augustini in *c. dominus. caus. 23. quæst. 2.* In iusto bello ad iustitiam nihil interest, aperte an ex insidiis pugnetur. Et quod apud Ammianum Marcellinum legimus, nullo discrimine virtutis ac doli prosperos omnes laudari debere bellorum eventus.

2. Respondeo, id verum esse concedo, antequam fides data est: at fides semel data servanda est, quia cum hoste jus gentium colimus. Augustinus *Epist. 1. ad Bonifacium*, cuius fragmentum relatum est in *c. noli. caus. 23. quæst. 2.* Fides, inquit, quando promitti-

tur, etiam hosti servanda est, contra quem bellum geritur. Hinc est, quod qui legatos hostium violant, eos jus gentium violare apud auctores passim legimus. *d. l. ult. de legation. Liv. lib. 15. & 38. Cic. Verrin. 3.* Quamobrem malo, turpi ac vafro commento pacta eluserunt, & perfidiæ velamentum quæsi-
verunt Thraces, qui olim pacti aliquot dierum inducias, noctu excursiones agebant. Item malè Romani, qui cum ex pactis cum Antiocho initis dimidium navium Antiocho relinquere debebant, naves dissecuerunt, dimidiumque incenderunt, altero dimidio relicto. Hic dolus quoniam post fidem datam adhibetur, malus est; cum contra si fides hosti data non sit, licita sit omnis machinatio: eoque pertinet illud Virgilii *lib. 11.*

*Dolus, an virtus, quis in hoste requi-
rat?*

3. Udalricus Zasius objicit huic sententiæ *l. 2. C. de commerc. & mercat.* Sed satis constat etiam cum barbaris juris gentium communionem esse. *l. Divus Hadrianus. 6. in fin. ff. de bon. damnat.* Deinde aliud est, aurum illis subtili ingenio & arte honesta sub-
duce-

ducere, quod licet; aliud fidem datam fallere, quod non licet. Verat ibi Imperator aurum ad illos exportare: quod & hodie in Anglia, Hispania, & alibi non licet. & ita Athenis multa erant, quæ dicebantur ἀπὸ ῥήζα, nimirū τὰ ἀπὸ ῥημύα ἐξάμαξ, quæ vetita erant è terra Attica exportari, ut πᾶσι ἡ ναυπηγῆσι μὲν ὕλη, abies, pix, stuppa, &c. Denique jubet Imperator, ut potius ingenio & arte, nempe per negotiationem aurum ex illis locis deducatur in Romanorum ditionem, dum Romani illuc merces deferunt, & pro iis aurum accipiunt.

4. Sed quid de prædonibus & piratis? Sanè hi non sunt justi & legitimi hostes. *l. hostes sunt. 24. ff. de capt. & postlim.* Cæterum idem hîc dicimus, quia etiam cum illis nobis est communio juris gentium. *l. bona fides. 31. ff. de pos.* Non habent quidem isti specialem istam communionem, quam inter hostes in bello solenni introduxit jus gentium: at tamen quia homines sunt, communionem habent juris naturæ, ex quo nascitur, ut pacta sint servanda. Cæsar *lib. 3. de bell. civil.* aperte scribit, actum à Romanis duci-

bus in Pyrenæis montibus cum prædonibus & fugitivis de compositione, legatosque ad eos missos fuisse. Belli piratici magnam partem Cn. Pompejus pactionibus confecit, vitam illis pollicitus, & sedes, in quibus sine rapto viverent: & tyranni interdum libertatem reddiderunt impunitatem pacti. Diodorus memorat Apollonio fugitivorum duci fidem servatam à Lucullo: alii id genus alia. At inquires, qui atrociter malefici sunt, neque pars sunt ullius civitatis, hi à quovis homine puniri possunt, si jus naturæ respicimus. Qui verò puniri possunt, ut vitam amittant, his etiam & res & jura sua possunt auferri: neque enim est contra naturam spoliare eum, si possis, quem honestum est necare, ut rectè disputat Cicero *lib. 3. de offic.* Inter jura autem est etiam hoc jus ex promissio quæsitum: potest igitur & hoc ei in pœnam auferri. Respondeo processurum hoc, si non tanquam cum malefico actum esset: at si quando cum tali, qua talis est, actum est, simul de remittenda, quod hanc rem attinet, pœna actum censei debet: quia semper ea sumenda interpretatio est, quæ cavet,

vet, ne actus in vanum recidat. *l. quotiens. 12. l. ubi. 21. de reb. dub.* Non male apud Livium *lib. 34.* Nabis, cum tyrannidem ei objiceret Q. Flaminius, *De nomine hoc respondere possum, me qualiscunque sum, eundem esse, qui fui, cum tu ipse mecum, T. Quinti, societatem pepigisti. & mox: Iam feceram hac, qualiacunque sunt, cum societatem mecum pepigistis.* addit, *Si quid ego mutassem, mihi mea inconstantia, cum vos mutetis, vobis vestra ratio reddenda est.* *Gröt. lib. 3. de jur. bell. c. 19. n. 3. & seqq.*

5. Quid dicendum de magistratibus, qui conjurationem in rempub. aliudve atrox facinus detegentibus impunitatem aut præmium aliquod pollicentur? Nimirum quibus fides publica ob hujusmodi causam datur, eos non decipi non modò suadere rationem naturalem, verum etiam civilem quandam, ne scilicet cæteri in futurum ad similia facinora indicanda fiant tardiores. Atque ita S. P. Q. R. de Catilinariæ conjurationis indicibus Cicerone consule faciendum decrevit. *add. Bodin. lib. 5. de repub. c. 6. Gröt. lib. 3. de jur. bell. & pac. c. 19. & 4. seqq. Hotcm. illustr. contr. c. 7. Cunon. tract. de pact. c. 29. n. 35. & seqq.*

De pactis legitimis.

1. *Legitima conventio quid.*
2. *Exempla vetera pactorum legitimorum, & in his specialis juris ratio.*
3. *Aliud exemplum vetus, cum ratione juris singularis.*
4. *Exemplum pacti legitimi recentius, sc. quo dos promittitur.*
5. *Alia nova species, pactum donationis.*
6. *Item alia, qua usura argentariis promittuntur.*
7. *Ad pacta legitima referri posse & pacta honoraria, constitutum, & conventionem de pignore.*
8. *Exempla pactorum legitimorum, quibus actio ipso jure tollitur: inter quæ & lex commissoria & addictio in diem.*
9. *Laudatur Græcorum de pactis legitimis sententia.*
10. *Stipulatio, acceptilatio, contractus literarum an species conventionis legitima.*

Privata conventio est, quæ fit ex causa & de re cujusque privata ac familiari. Eaque vel legitima est, vel juris gentium. l. 5. ff. hoc tit.

1. Legitima est, quæ manente nuda ac simplici forma conventionis, ex speciali confirmatione alicujus legis efficax est vel ad obligandum & agendum, vel ad obligationem & actionem ipso jure tollendam. Confirmationem dicimus specialem: nam & contractus juris gentium possunt dici jure civili confirmari, sed tantum in genere, scilicet hoc ipso, quod recepti sunt: quippe usus quoque vim approbationis habet. §. 1. *Inst. de obligat.* hoc tamen non obstante conventiones juris gentium appellantur. *l. juris gentium. 7. pr. ff. hoc tit.*

2. Pacta legitima, quæ quidem actionem producerent, nulla adhuc fuisse tempore Pauli, cujus est *d. l. 6. hoc tit.* existimat Antonius Faber, sed fallitur. Nam talis pacti exemplum habemus in *l. etiam. 30. ff. de usur.* item in *l. in quibusdam. 7. ff. de naut. fœn.* quarum in altera idem ille juris auctor tradit etiam ex nudo pacto civitatibus deberi usuras creditarum ab eis pecuniarum, in altera illud etiam obtinere in pecunia trajectitia, id est, ea, quæ trans mare vehitur periculo creditoris. quod ipsum, & à Scævola, qui sub Antonino Philosopho floruit, traditum

ditum est, *l. periculi. s. §. 1. d. tit.* Licet autem incertum sit, quarum legum id auctoritate sit introductum; illud tamen satis constat, contra rationem juris communis utrumque constitutum esse jure singulari; ac proinde speciali aliqua lege aut constitutione pacta ista fuisse confirmata, alterum haud dubie ob favorem reipub. alterum propter periculum, quod credirorem pecuniæ nauticæ spectat, ex quo navem navigare convenit. *l. 3. d. tit.* Regulariter enim & jure communi usuræ fœnebris pecuniæ citra vinculum stipulationis non debentur. *l. Titius. 24. ff. de præscr. verb. l. 5. §. 2. ff. de solut. l. 3. C. de usur.* atque hoc apud Paulum quoque & Scævola ostendunt particulae *etiam*.

3. Aliud exemplum pacti legitimi, jam tum ætate Pauli confirmati, nobis suppeditat *l. frumenti. 12. C. de usur.* ubi Alexander Severus, cui Paulus à consiliis fuit, rescribit, etiam ex nudo pacto accessionem sive usuras frumenti vel hordei mutuo dati præstandas esse: in quo item jus est singulare; nam regulariter, ut jam dictum est, usuræ pecuniæ creditæ peti nequeunt, nisi in stipulatum deductæ fuerint, *l. 1. l. 3. C.*

eod. Huic autem speciali juri forte causam præbuit utilitas & necessitas publica, ut invitarentur creditores ad facilius eas res mutuo dandas; quæ ad victum omnino sunt necessariae, & quarum ob id usu minus carere possumus, quam pecuniæ. Forte etiam, quod frugum tum aridarum tum liquidarum æstimatio & pretium subinde mutatur, pro varietate locorum & temporum. §. *si quis agens. Inst. de action. l. 3. ff. de eo quod cert. loc.* Utique ob hanc causam *Διὰ τὸ ἄδηλον τῆς κεραιῶν*, placuit majores recipere usuras frugum quam pecuniæ mutationem. *l. oleo. 23. C. de usur.* de quo præclara quædam apud D. Salmaf. *lib. de mod. usur. c. 8.*

4. At post tempora Pauli plura hujus generis pacta introducta sunt constitutionibus Principum. A Theodosio & Valentiniano vim conventionis legitimæ accepit pactum, quo dos promittitur. *l. ad exactionem. 6. C. de dot. promiss.* Quamquam autem Connanus *lib. 5. comm. c. 3.* & Donellus ad *l. legem. 10. C. hoc tit.* putant pactum de dote danda esse conventionem, cui subsit causa, videlicet ipsa nuptiarum coïtio; propterea quod promissioni dotis semper

per inſit hæc conditio, *ſi nuptia fuerint ſecuta. l. ſtipulationem. 21. ff. de jur. dot.* ac proinde promiſſionem talem incidere in contractum innominatum *facio ut des*: tamen magis eſt, ut id falſum ſit. Nam ſi ratio illa, qua utuntur, bona eſſet, ex eo efficeretur, omnem pene conventionem conditionalem habere in ſe negotium & cauſam, quod utique apertè falſum eſt. Sed nec quodlibet factum ad conſtituendum contractum innominatum intervenire ſufficit, verum tale intervenire necèſſe eſt, ex quo ad alium aliquid perveniat, quod ſit fundamentum *συνάλλαγμα* & actionis civilis. At tale factum non eſt, uxorem ducere aut nuptias contrahere. Accedit, quod ex cauſa *facio ut des* datur actio aut præſcriptis verbis in id, quod intereſt, aut de dolo (nihil enim nunc refert, utra detur.) Neutrum autem horum eſt in caſu propoſito, & dos plerumque exigitur conditione certi. Quid quod & poſt contractas nuptias dos promitti poteſt, ut hîc quoque pactum ſit utile ad exactionem. per *d. l. 6.* Denique novum in *d. l. 6.* juſ conſtitui ex eo ſatis apparet, quod etiam ante illam conſtitutionem ex contractu *facio ut*

ut des certo jure actio competiit. *l. 5. §. 3. l. solent. 15. ff. de præscr. verb. & rectè itaque Græci apud Harmenop. lib. 4. tit. 8. §. 13. ἀπὸ ψιλῆς ἐπαγγελίας χρεώσῃ ὁ πατὴρ ὀφείλει. i. ex nuda promissione pater dotem debet.* Cæterum hujus disputationis nulla amplius hodie videtur esse utilitas, postquam auctoritate constitutionis Justinianæ *l. un. C. de rei ux. act.* semper fingatur intervenisse stipulatio tam ex parte mariti, quam ex parte uxoris. ita rectè *DD. comm. post Gloss. Cyn. & Salicet. in d. l. 6. C. de dot. promiss.* dissentit tamen *Fortun. Garz. in l. 6. ff. hoc tit. n. 23. & seqq.* contendens stipulationem ex parte uxoris duntaxat fingi intervenisse in *d. l. un. C. de rei ux. act.* non autem ex parte mariti, ut ut verba legis expresse repugnent.

5. Constitutione Justiniani confirmatum est pactum donationis, quod in præsens conceptum est, seu quo quis in præsentia se donare dicit, veluti, dono tibi centum aureos: ex hoc enim pacto, licet nudo, Justinianus actionem dedit contra regulam juris antiqui. *l. si quis argentum. 35. §. ult. C. de donat. §. 2. Inst. eod.* Quod si pactum dona-

donationis causa in futurum conceptum sit, veluti si quis dixerit, donabo tibi centum aureos, manebit hinc etiamnum jus vetus, neque ex nuda hac pollicitatione promittens magis nunc obligabitur, quam ante, *arg. l. precipimus. in fin. C. de appell.*

6. Eiusdem Principis constitutione Novella 136. c. 4. cautum, ut usurae etiam ex nudo pacto debeantur argentariis. quod cautum propter communem utilitatem, quam in contractibus exhibent ἀργυροπράται sive argentarii, dum multis se periculis immiscant, ut ingruentibus aliorum necessitatibus medeantur. Eandemque ob causam placuit certas usuras, & quidem besles, argentariis praestandas esse, etiam si modus certus usurarum dictus non sit: quod in aliis non habet locum. *l. quod in stipulatione. 31. l. tutor. 41. §. ult. ff. de usur.* τὰς γὰρ πᾶσι χρεὼν τοῖς δειρομένοις ἐτοίμας ὄντας βοηθήσαι, ὅτε ἂν εἴη δίκαιον ὑπὲρ τοιαύτης λεπτότητος ἀδικεῖν, ait Justinianus d. Nov. 136. c. 4. lib. 24. Basil. tit. 4. c. 4.

7. Possunt huc etiam referri pacta, quæ jure honorario confirmata sunt ad actionem pariendam, cum eundem effectum

fectum edictum prætoris habeat, quem habet lex aut senatusconsultum; quo intuitu edictum prætoris etiam ab ipso Cicerone *act. 3. in Verr.* lex appellatur: maximè autem hodie postquam ex confirmatione Justiniani edicta prætorum non minus pro legibus, quam cæteræ partes juris civilis haberi cœperunt. Hujus autem generis pacta duo in jure nostro occurrunt, constitutum sive conventio, qua quis citra stipulationem constituit se soluturum, quod vel ipse, vel alius debet. *tit. ff. & C. de pecun. constit.* item conventio de pignore. *l. si tibi. 17. §. 2. ff. hoc tit.* ubi Jurisconsultus ait, de pignore jure honorario ex pacto actionem nasci, hoc nimirum significans, jure prætorio etiam nuda conventionem pignus obligari, creditorique constitui jus in re. *l. 1. ff. de pign. act.* ac pro re ista persequenda etiam actionem creditori edicto propositam esse, actionem videlicet in rem, Servianam vel quasi Servianam sive hypothecariam. *§. item Serviana. 7. Inst. de action.*

8. Posterioris generis pacta legitima, quibus scilicet ipso jure obligatio & actio tollitur, sunt, ne furti, ne injuria-

juriarum agatur. *l. si tibi. 17. §. 1. l. si unus. 27. §. 2. vers. sed si pactum. & §. 4. ff. hoc tit.* quippe quæ pacta lex duodecim tabularum confirmat, dum de furto deque injuriis pacisci expresse permittit. *l. 7. §. si paciscar. 14. in fin. ff. eod. Gell. lib. 20. c. 1.* Non obstat, quod de furto & injuriis pacti infames fieri dicuntur. *l. 4. §. ult. ff. de his qui not. infam.* Nam hoc de eo casu accipiendum est, quo quis paciscitur, postquam jam res deducta est in jus ad prætorem; quoniam ille crimen confiteri intelligitur, ut mox subjicitur ex Paulo *l. 5. d. tit.* utique si cum pretio quantocunque pactus sit. *d. l. 5. §. 3.* Nihil autem impedit, quominus actio ipso jure pacto tollatur, licet pactos sequatur infamia. Ad hoc posterius genus videntur etiam referri posse duæ conventiones in contractu emptionis & venditionis præcipue celebrari solitæ, addictio in diem, & lex commissoria; utpote quæ & ipsæ ad hunc effectum jure civili confirmatæ sunt, ut existente conditione conventionis contractus ipso jure resolvatur, etiam postquam res integra esse desit, secuta scilicet traditione, nisi aliud diserte placuerit. *l. 2. ff. de addict. in diem. l. 1. l. 2. ff. de leg. commiss.*

9. Optimè igitur Jurisconsultus Græcus responso πρὸς ψιλῶν συμφ. Τῶν ἰδιωτικῶν συμφώνων, inquit, τὰ μὲν ὑπὸ νόμου πρὸς ἢ δόγματι ἰδικῶς κυρέσθαι, καὶ πικτεῖσι καὶ ἀναιρῶσιν ἀγωγὰς, ἐκ τῶ πρὸς αὐτῶν ἐκπεφωνημένων νόμων ἢ ἀφ' αὐτῶν τινὲς ποιεῖν ἰσχυρὸν καὶ ἐνέεργον ποσὶ φέρεται. καὶ ἀφ' οὗτο ἐστ' ὅτε καὶ ἀπὸ ψιλῶν συμφώνων πικτεῖ ἀγωγή, καὶ λύει καὶ τὸ αὐτὸ δίκαιον ἀγωγή, ἅπανα καὶ λεγιέμοι καμβενέοντες ἐπικέκλιται. id est, Pactorum privatorum quædam lege aliqua vel senatusconsulto confirmantur, quæ & actiones pariunt, & tollunt actiones; atque huiusmodi vim ac potestatem acceperunt à legibus aut constitutionibus specialiter de ipsis promulgatis. Quo fit, ut interdum etiam ex nudo pacto actio nascatur, & ipso iure dissolvatur: quæ appellantur conventiones legitime. Cuiusmodi autem hæ conventiones sint, mox declarat huiusmodi θεματισμοῖς. ὅτε ἐπαγέλλωμαι ποσὶ κίξην τινὰ καὶ ὅτε πόλις δανείξεται συμφωνήσθαι λαμβάνει τέκας ὡς περ οὐ καὶ ἐπὶ τῶ ἐν ἐκχώρῳ γυρόμενον, σύμφωνον, καὶ σιωπῆρὸν ἢ, πικτὴ ἀγωγὴν τινὲν Σερβιανῶν. ἀλλὰ καὶ ἡ δωρεὰ ἀπὸ ψιλῶν συμφώνων πικτὴ σήμερον, καὶ αὐτὴ τ' ἐξ λέγει καὶ δικήκιον. id est, cum alicui me

dotem

*dotem daturum polliceor, & cum civitas pecuniam fœnori dans usuras sibi paciscitur: sicut & facta super pignore pactio, licet tacita sit, actionem Servianam gignit. Quin etiam donatio ex nudo pacto parit hodie condictitiam ex lege. Et iterum exempla proferens pactorum legitimorum, quibus ipso jure actio tollitur, οἷον, inquit, τὸ ἐπὶ συγχρησθῆναι τῷ fur-
ti, καὶ τῷ injuriarum.*

10. Stipulatio quoque legitima conventio est, quia contractus est juris civilis, à quo & formam accepit. nam cum sit conventio. *l. 1. §. 3. ff. hoc tit.* nec tamen conventio juris gentium, necesse est, aut manca sit divisio Juris-consulti in *l. 5. ff. eod.* aut cum ad conventiones juris gentium non possit, referatur ad legitimas. De acceptilatione idem judicium esto. Sed & literarum obligatio legitimam conventionem habet, nempe confirmatam constitutionibus. *Inst. de liter. oblig.* Cæterum in contractu literarum non ex nudo & simplici consensu oritur obligatio, sed ex literis, sicut in stipulatione & acceptilatione verbis contrahitur aut solvitur, non consensu solo. Nimirum jus civile interdum robur addit con-

conventionibus adjiciendo certam formam, interdum simpliciter confirmando: & hujus posterioris generis conventiones propriè in usu juris legitimæ dici videntur, nempe quæ, ut supra dixi, manente simplici ac nuda conventionis formâ speciali aliqua lege aut constitutione confirmantur; arg. *l. legitima. 6. ff. hoc tit. αὐτὰρ νόμος πρὸς τῇ δέγματι ἰδιωτῶς κυρεῖται*, ut Græci.

C A P. V.

De conventionibus nudis.

1. *Nuda conventionis definitio variis exemplis illustrata.*
2. *Eadem confirmata Græcorum auctoritate.*
3. *Pactum non desinit esse nudum interveniente scriptura.*
4. *Interdum appellatione pacti nudi etiam alias conventiones comprehendendi.*
5. *Nudam conventionem passim in libris nostris appellari pactum simpliciter.*
6. *Pactum nudum non explicationis tantum*

- tum causa dici, sed etiam discretionis.*
7. *Vox nudum quid hîc significet.*
 8. *Argumenta eorum, qui negant pactum nudum pacti esse speciem.*
 9. *Confutatio argumenti primi.*
 10. *Contradicentia esse, asserere pactum aliquod esse nudum, & negare id pactum esse.*
 11. *Vocem nudus notam esse discretionis, non alienationis.*
 12. *In pactorum materia nomine conventionis nunquam aliud significari, quam duorum aut plurium in idem consensum.*
 13. *Nunquam significari conventionem aliquam oppositam pacti.*
 14. *Nusquam indefinitè traditum ex pacto actionem nasci: sed contrarium, non nasci.*
 15. *Apud Vlpianum l. 7. §. 4. hoc tit. aliter legi in plerisque aliis codicibus, aliter in Florentino, cum examinatione utriusque lectionis, & vulgata interpunctionis.*
 16. *Quid sit, placiti fine stare.*
 17. *Pactum nudum etiam id, quod searium: alias pacti nomen non mereri.*
 18. *Remuneratoria arcani alicujus promulgatio.*

PRivata juris gentium conventio-
nis species sunt duæ, nuda una, alte-
ra non nuda, quam vestitam vulgò ma-
gistri juris appellant, & pactum vesti-
tum, verbo magis, quam sensu incon-
cinno. Divisio hæc fundata est in *l. ju-
ris gentium. 7. §. 1. 2. & 4. ff. hoc tit. l.
si dominus 8. l. solent. 15. ff. de præscr. verb.
l. legem. 10. C. hoc tit.*

1. Nuda conventio est, quæ in nu-
dis placiti finibus stat, nec certum no-
men habens, nec ullam obligandi cau-
sam præter conventionem. *dd. ll. l. si
tibi. 27. C. de locat.* ut ecce, si inter nos
convenerit, ut ego tibi Stichum da-
rem, tu mihi Pamphilum; vel ut ego
tibi darem equum, tu mihi tabulam
pingeres; vel ut ego hanc partem he-
reditatis nobis delatæ obtinerem, tu
illam; aut ut ego tibi meum, tu mihi
tuum bovem commodares ad opus
faciendum, &c. hæ conventiones &
similes nudæ sunt & dicuntur: quia
nec in aliud nomen transeunt, nec in
his ad conventionem alia causa obli-
gandi, puta datio aut factum aliquod
accedit; sed solo placiti fine stant.

2. Ad hunc eundem modum & Græ-
ci pacta nuda, quæ *ψιλὰ σύμφωνα* vo-
cant,

cant, definiunt; nempe quæ neque eis
 ἰδιὸν μετεπίπλουν ὄνομα συναλλάγμα-
 το, ἔτι ἐπὶ τῷ παροτρύπῃ ἴσαν) γήυς.
 respos. πρὸς ψιλ. συμφ. & mox iterum
 ibid. ἔδδν γὰρ ἤτοι ψιλόν ἐστὶ σύμφωνον. τὸ
 μὴ εἰς ἰδιὸν μετεπίπλουν ὄνομα συναλλάγ-
 ματο, τὸ μὴ ἐπὶ τῷ αὐτῷ γήυς. ἰσάμειον,
 ηγησαμύνης πρὸς τὸν δόσεως ἢ ποιήσεως ἐπὶ
 δόσε ἢ ποιήσε. *Nudum pactum est, quod
 non transit in proprium nomen contra-
 ctus, quod in eodem genere non stat dato
 prius aliquo vel facto, ut detur vel fiat.*
 & apud Harmenopulum lib. 1. tit. 9.
 πρὸς ψιλ. συμφ. ἡνίκα μὴ παρηγήσῃ) δό-
 σις, ἀλλὰ μόνον συστῇ ἐπὶ δόσε. *Cum non
 praecefferit datio, sed tantum de dando
 convenerit.*

3. Et quamvis igitur scriptura in-
 tervenērit, non ob id tamen nudum
 pactum esse definit, arg. l. 7. §. quod fe-
 re. 12. ff. hoc tit. quippe scriptura vim
 pacti mutare non potest, cum non sit
 causa obligandi, sed duntaxat proba-
 tionis gratiā adhibeatur. l. 4. ff. de fid.
 instrum. hoc etiam D. Salmas. ubi sup.
 c. 12. Quod si talis conventio lege vel
 senatusconsulto adjuvetur, jam qui-
 dem suo sensu non amplius nuda est,
 sed tum fit conventio legitima. l. legi-
 tima.

tima. 6. ff. hoc tit. Cæterum etiam hujusmodi pacta nuda appellari solent, respectu scilicet simplicis formæ conventionis, & ad differentiam stipulationis. *l. etiam. 30. ff. de usur. l. frum. 12. C. eod. tit.* quanquam huc non pertinent.

4. Illud obiter hîc monendum, interdum appellatione nudi pacti plus comprehendi, & nimirum alias quoque conventiones; id quod ex adjuncto & comparatione rei, cui pactum opponitur, facile intelligi poterit, puta si opponatur non conventioni diversæ, sed traditioni: tunc enim complectitur conventiones omnes, quæ nude sunt à traditione, etiam si alias nudi placiti terminos egrediantur. *l. traditionib. 20. C. hoc tit. l. quaratione. 9. §. interdum. 5. ff. de acq. rer. dom.*

5. Nuda conventio, quæ & nuda pactio & pactum nudum, sæpe etiam in libris juris nostri pactum simpliciter appellatur. *l. juris gentium. 7. §. quinimo. 4. & seqq. ff. hoc tit. l. legem. 10. C. eod. l. solent. 15. ff. de præscr. verb. l. si tibi. 27. C. de locat. l. 1. C. de pact. conv. tam sup. dot. l. 5. §. 2. ff. de solut. l. 5. C. de contr. stipul.* Ex quibus locis apparet idem valere, ex pacto actionem non

C

nasci.

nasci, atque ex nudo pacto non nasci.
 Neque tamen ideo assentiendum Cui-
 jacio ad *l. 1. ff. hoc tit.* aut Wesenb.
parat. eod. qui contendunt, pactiōnem
 nunquam nudam dici *καὶ ἀγρολῶ*, sed
 pactum omne, ut nudum est, ita etiam
 sic appellari suo perpetuo epitheto, ex-
 plicationis causa, non distinctionis,
 quasi esset aliquod pactum nudo op-
 positum & vestitum: nam quod nu-
 dum pactum etiam simpliciter pactum
 appellatur, id fit more Jurisconsultis
 usitato, quibus familiare est, idem no-
 men nunc in genere, nunc in specie
 usurpare; aperteque refelluntur Cui-
 jacius & Wesenbecius verbis *d. l. solent.*
15. ff. de præscr. verb. ubi Ulpianus ex
 proposita conventionē actionem oriri
 ait, quia non sit nuda, ne quis dicat ex
 pacto actionem non nasci. item *d. l. le-*
gem. 10. C. hoc tit. quo loco Imperator,
 quod dici solet ex pacto actionem non
 nasci, id tunc obtinere rescribit, cum
 pactum nudum est. Unde profectò
 plus quam manifestum est, pactum
 nudum non tantum explicationis cau-
 sa dici, verum etiam discretionis gra-
 tiā, quod quædam pacta sint non nu-
 da, quæ docendi causā interpretes vul-
 gò

gò appellant vestita , non tam inepto sensu , quam nomine : nec tamen nomine prorsus inepto.

7. Nudum autem hîc minimè vox est alienans , ut quidam ausi sunt asserere sine ulla auctoritate & contra perpetuum usum juris & omnium scriptorum, sed nudum dicitur per translationem solum & simplex, quod tantum pactum sit, nihil amplius, atque ut Imperatores loquuntur in *l. si tibi. 27. C. de locat.* quod nudo sine placiti stat; unde & solum pactum dicitur. *l. major annis. 23. C. de pig.* Similis translatio est, cum nudum consensum, nudam proprietatem, nudum usum, nudam notionem, nudam rationem, voluntatem, cogitationem, &c. dicimus. Sic nuda veritas, simplex, nullis velata coloribus. $\psi\lambda\omicron\lambda\omicron\gamma\omicron\iota$ apud Aristotelem 3. *Rhetor.* oratio prosa & soluta, quasi nuda ornamentis, minimeque convestita. & apud Demosthenem $\kappa\alpha\iota\ \alpha\phi\omicron\beta\epsilon$, $\psi\lambda\omicron\delta\epsilon\ \lambda\omicron\gamma\omicron$ opponitur $\epsilon\gamma\kappa\alpha\iota\sigma\kappa\omicron\upsilon\omega$ oratio nuda ornata vestitu apud Ciceronem *lib. de clar. orat.* Quamobrem cum de re constet, hoc est, esse quædam pacta nuda, quædam contra non nuda, futile sit de nomine litem movere, & offendi.

verbo *vestiti*, quo Doctores docendi gratia utuntur, ut à nudo pacto distinguant, quod nudum non est. Denique tantum non meræ nugæ sunt, quæ superiori distinctioni objiciuntur, veluti quod non quia medici morbos quosdam acutos vocant, ideo alii sint obtusi: ut enim ita non appellentur, sunt tamen quidam morbi non acuti, aut acutis oppositi; quocunque tandem nomine eos appelles. Illum sane non acutum, sed obtusum fuisse necesse est, qui in publica disputatione interrogatus à Duareno, cur non item cogitationem partiretur in nudam & vestitam, illico obmutuisse dicitur. Quoniam verò sunt, qui hanc pacti in nudum & vestitum distributionem ex alia parte vellicant, quasi pactum nudum seu pactio aut conventio nuda non sit species pacti aut conventionis, cui proinde nec pactionis definitio conveniat, etiam adversus eos supra dicta distributio munienda ac stabilienda est. Quanquam autem tam portentosa opinio satis solide nuper ab incerto quodam auctore confutata est; tamen quia id adversariis ejus minime videtur, objicientibus ei, quod

quæ-

quædam silentio præterierit, quia nihil ad ea potuerit respondere, aut quia argumenta eorum solvere non potuit, ea commento eludere; quædam etiam ab iis esse dicta, quæ à nemine unquam audiverit; credo quia sacris nondum initiatus erat, cui proinde mysteria aperire nefas: denique quia non satis bona fide cum eo agunt, è re erit ex integro causam istam hîc tractari. Defendit auctor ille omnium ætatum interpretum sententiam contra novitium commentum, idque sine ulla calumnia, sine contumelia, sine ullo convitio, sale tantum aliquo asperso, sine quo quicquid in hujusmodi concertationibus scribitur, fatuum est. Illi verò invehuntur in hominem insontem, tanquam quem agitaverit genius ex calumniandi & convitiandi libidine, cui os sine fræno, & cujus virus ipsa virtus provocet. Non sunt hæc *ἀγὰρ δὲ δαίμων*. Sed mittam ista, ipsamque rem aggrediar suscepta causa assumptaque persona tam indignè accepti mortalis, per cujus latus quinam petantur, sunt qui putant se non ignorare.

8. Cur igitur nudum pactum aut
C 3 nuda

nuda conventio non est species pacti aut conventionis ? Quoniam ajunt 1. Quicquid prædicatur de genere, id etiam prædicatur de quavis ejus specie: de pacto autem prædicatur, quod actionem pariat, de pacto nudo non item. 2. Quia conventio nuda dicitur, cui nulla subest causa propter conventionem, & quæ nudo placiti fine stat. Ex quo inferunt pactum nudum non posse dici duorum vel plurium in idem placitum consensum, nullaque pacta propriè nuda dici, quæ deliberato animo fiunt, quippe quibus omnibus subest causa propter conventionem: per causam autem intelligunt eam causam, quæ paciscentes movit ad conveniendum. Hic ego cum incerto illo auctore, cujus personam nunc gero, tot esse puto errores, quot ferme verba.

9. Nam 1. pactum nudum & non nudum disertè in jure nostro, ut diversæ pactorum & conventionum species distinguuntur, & inter se opponuntur. Respondent illi, hoc ipsum sententiam suam omnino confirmare; nam si pactum, ajunt, à pacto nudo distinguatur, ut una species ab alia, non potest

potest pactum nudum dici species pacti, non magis quam homo species bruti, aut brutum hominis. Ecce qua fide hic agant. Nos dicimus pactum nudum & non nudum diversas esse pacti species, pacto, ut generi, subjectas: illi lectoribus imponunt, quasi dixissemus, pactum & pactum nudum species esse oppositas: unde mox captant occasionem ostendendi, quam rudes parumque versati simus in arte discernendi.

10. 2. Contradicentia sunt, asserere pactum aliquod esse nudum, & negare id esse pactum. Etenim contradictio hic est in adjecto, sive oppositum in appposito. Utique enim juxta regulam Logicorum ab est tertii adjecti ad est secundi adjecti valet consequentia afirmando, v. c. ille est nudus homo, ergo est homo; illa est nuda oratio, ergo est oratio. Explodit M. Tullius Atticum dicentem mortuos esse miseros, & negantem tamen mortuos esse. Quis non etiam explodat eos, qui negent nudum assensum, nudam approbationem, nudam vocem, nudam voluntatem, nudum consensum, &c. esse assensum, approbationem, vocem,

voluntatem, consensum? Sed ajunt non eundem esse tropum in voce *nudus* adjecta rebus cæteris, qui est in eadem voce addita pacto aut conventioni; nimirum quia tum vox ista non tantum restringens, sed etiam alienans sit: idq; ex eo probant, quod definitio pacti si ve conventionis nudo pacto si ve conventioni nudæ non conveniat. Atqui hoc perinde est, ac si dicerent, orandum est pro mortuis, quia sunt in purgatorio. Nam pro argumento & antecedente sumunt, & sibi concedi postulant. τὸ ἐν ὁμοιότητι, id quod est in questione; quæ manifesta captio est: hoc enim inter nos est controversum, an pacti definitio etiam nudo pacto conveniat, quod illi soli negant, cæteri omnes affirmant. Similis petitio principii est, cum ajunt ideo pactum nudum pactum non esse, quia non habet causam, quoniam causam intelligunt, ut ipsi interpretantur, quæ impulit ad conventionem ineundam. hîc enim iterum, quod maximum vitium est in disserendo, sumunt τὸ ἀμφισβητήριον αὐτὸ τὸ ὁμολογητέον. Nam talem causam etiam pacta, quæ veteribus propriè nuda dicuntur, habere cæteri ferè consentiunt. Sed de hoc fusius infra.

II. Qua verò auctoritate freti audent dicere vocem illam *nudus* adjectam pacto esse alienantem, cum alias semper sit discernens? Velim mihi proferant locum aliquem ex ullo idoneo scriptore, ubi vox ista significet ἀλλοτρίωσιν, alienationem subjecti, cui adjungitur aut attribuitur. Est quidem vox στερητική, significans privationem alicujus rei, quæ alias subjecto attribuitur aut attribui potest; & sic etiam hic significat privationem causæ, quæ alias ad conventionem accedens pactum vestiret: at nunquam est ἀναρρητική ἢ φθαρτική ἢ καταδύμια, ut significet ademptionem aut corruptionem subjecti, cui attribuitur aut adjungitur.

12. Sedenim conventio, inquiunt, bifariam sumitur, primò ingenere pro tractatu inter duos vel plures habito, quo aliquid agitur vel fit; quo significatu etiam nudum pactum species sit conventionis: deinde in specie pro duorum vel plurium in idem placitum consensu, & ita pro tractatu, quo aliquid agitur vel fit, quod statim firmum ac efficax est, nisi quid aliud impediatis: qua notione conventio, ut species conventionis in genere acceptæ opponatur

tur pacto nudo. Quippe novum non esse ajunt in jure, ut unum idemque verbum & in genere & in specie sumatur, exemplo esse nomina adoptionis, cognationis &c. Equidem scio vocem conventionis esse *πολύσημον*, nam & conventum hominum, coitionem, concionem, adlocutionem, interpellationem, &c. significat: sed in argumento de pactis unam duntaxat, eamque generalem & perpetuam significationem habet, eandem videlicet, quam pactio, aut pactum *ῥηκῶς* acceptum, denotatque semper duorum aut plurium in idem placitum consensum. *l. 1. §. 2. & 3. ff. hoc tit.* Concedunt quidem illi conventionem significare duorum vel plurium in idem consensum, sed addunt, cum pro pacto & pactione usurpatur: sed ostendant id verbi aliter uspiam usurpari in pactorum materia. De pacto idem non dicunt, quia prior illa significatio pacto non convenit: attamen fateri debent, velint nolint, cum pactum nudum opponitur pacto non nudo, pacti verbo in genere sumpto etiam pactum nudum, tanquam speciem contineri; ac proinde etiam speciem esse conventionis significatione

posteriore, pluriumque in idem placitum & consensum: aut si non est, ne nudum quidem pactum dici potest, non magis, quam simia nudus homo.

13. Illud quoque me non latet, verba adoptionis, cognationis, aliaque nonnulla in jure nostro interdum generis nomina esse, interdum speciei; quod etiam occurrit in verbo *pactum*, quo & in genere pactum quodlibet, & in specie pactum nudum significatur, veluti cum dicitur ex pacto non nasci actionem: sed idem non contingit verbo conventionis. Ubi enim conventionis verbum usurpatur in specie pro conventionem aliquam opposita pacto? Generale esse hoc verbum legimus, & ad omnia pertinere de quibus negotii contrahendi transigendique causa consentiunt, qui inter se agunt. *l. 1. §. 3. ff. hoc tit.* nusquam autem ad speciem aliquam conventionis, quæ pactum non sit, contrahitur. Adoptio & cognatio cum sint nomina generis & speciei, rectè dividuntur, illa in adrogationem & adoptionem, hæc in agnationem & cognationem in specie dictam; estque hæc divisio rei, & generis in species. At si quis conventionem
divi-

dividat in pactum & non pactum, quid hoc monstri erit? Quis non exhibilet eum, qui pactum ita partiatur, ut dicat, pactum aliud est conventum, aliud fixum? aut qui jus distribuat in liquorem & legem? Non sunt hujusmodi ἀπολαί, distributiones rerum, aut generis in species; sed vocabuli æquivoci distinctiones in sua æquivocata.

14. Sed neque catione caret, quod ajunt de conventionibus & pactis prædicari, quod actionem pariant: nusquam enim hoc indefinitè traditum; sed quod quædam conventiones actionem pariant, & nimirum quæ vel in proprium nomen contractus transcunt, vel quæ accedente causa in speciem συναλλάγματι cadunt. *l. juris gentium. 7. pr. §. 1. & 2. hoc tit.* ex cæteris expressè negant juris nostri conditores actionem nasci, nisi vel specialiter confirmatæ sint. *l. 6. l. si tibi. §. 2. eod.* vel contractui bonæ fidei in continenti adjunctæ. *d. l. 7. §. quinimo. 5. eod.* At contra non uno loco traditum est, ex pacto actionem non nasci. Respondent adversarii loca ista accipienda esse de pacto nudo. Fatemur; sed tamen utique de pacto, id est, plurimum in idem placito

placito & consensu. Quod si hoc non concedant, jam iterum incidunt in vitium ipsis familiare, pro argumento assumentes τὸ ζητέμενον ἀπ' ἀρχῆς: & veteres juris auctores pro fungis habent, qui simpliciter & absolutè pactum appellent, quod pactum non sit, dixerintque ex pacto non nasci actionem, cum hoc significare voluerint, ex non pacto actionem non nasci.

15. Sæpe inculcant, quod nudum pactum sit, cui nulla subsit causa propter conventionem. *l. 7. §. sed cum nulla. 4. ff. hoc tit.* Cum autem ista locutio nullum omnino idoneum sensum habeat (quis enim ita unquam locutus est, conventioni nulla subest causa propter conventionem, & quid hoc significat?) illi tamen hunc, si diis placet, sensum verba ista habere dicunt, cum nihil omnino subest, ex quo qui convenerunt, moveri potuissent, ut convenirent. quanquam non videntur diffiteri; potuisse hoc exprimi elegantius. Nimirum necesse est vitiosos cum habere oculos, qui in luce tam perspicua caligat. Constat utique duplicem apud Ulpianum in *d. l. 7. §. sed cum nulla. 4. hoc tit.* occurrere lectionem; in ple-
risque

risque codicibus legi hoc modo , *Sed cum nulla subest causa, prater conventionem, hic constat non posse constitui obligationem.* In codice Florentino sic, *Sed cum nulla subest causa propter conventionem hic constat non posse constitui obligationem.* Cum verò nullæ sint omnino in Pandectarum Florentinarum archetypo distinctiones, nulla punctorum notatio, nulla dictionum intervalla, referente hoc inter alios Angulo Politiano teste oculato *misc. 41.* ac proinde ponere nobis ea, si docet ratio, & posita undecunque expungere liberum sit, auctore Augustino *lib. 1. emend. 2. q. 8.* si quis lectionem Florentinam urgeat, cum eo tantum mihi lis erit de verborum interpunctione. Gothofredus & Pacius lectionem exemplaris Florentini secuti ita locum interpunxerunt, *Sed cum nulla subest causa propter conventionem, hic constat &c.* relicta, ut verosimile est, per negligentiam nota distinctionis eo loco, ubi in aliis codicibus posita est, in quibus non *propter*, sed *prater* legitur: nam & in margine hoc notant alias legi *prater*. Franciscus autem Taurellus & Ludov. Charondas, quod & sermo-

nis

nis ratio, & mens atque sententia Jurisconsulti exigebat, locum sic interpunctum ediderunt, *Sed cum nulla subest causa, propter conventionem hic constat non posse constitui obligationem.* Sive autem legas *præter* sive *propter*, commate ante hanc particulam posito, plana erit & recta oratio, eademque Jurisconsulti sententia, nimirum hæc, cum conventioni nulla alia obligandi causa subest præter conventionem, propter conventionem solam non constitui obligationem: quod & prorsus evincitur ex tota disputatione Jurisconsulti. Cæterum & hic effugium eis paratum video: Nam dicent haud dubiè tunc conventionem apud Ulpianum *d. loco* non significare pactionem sive plurium in idem placitum consensum; sed nescio quid aliud, quod non sit pactum, nisi *καὶ τὸ λέγειν*.

16. Largimur ultro pactum nudum esse conventionem, quæ placiti fine stat: sic enim definitur *l. 27. C. de locat.* At quid hoc est, fine placiti stare? Opinor fines & terminos placiti non egredi, nihil esse amplius quam placitum; placitum tamen & conventionem seu pactionem, id est, duorum vel plurium
in

in idem consensum, aut quod duobus vel pluribus dari vel fieri placuit: hæc enim esse *ισοδυναμεία* infinitis locis ostendi potest. *l. vix certis. 53. ff. de judic. l. 4. ff. de servit. l. si filia. 20. §. 3. ff. famil. ercisc. l. si divisionem. 15. C. eod. l. si plus. ff. de evict. l. divisionis. 45. ff. hoc tit. l. 8. l. si pacto. 14. l. cum proponas. 21. l. si certis. 27. C. eod. l. 7. l. si diversa. 14. l. cum proponas. 17. l. si profundo. C. de transact. l. pen. ff. eod. l. 3. l. 4. C. de rer. permut. Sic ex converso placitum usque ad pactum stare dicitur, cum traditio secuta non est. *d. l. si divisionem. C. fam. ercisc.**

17. Cum igitur nudum pactum sit conventio, qua quid dari aut fieri inter plures placuit, licet placiti fines non excedat; tamen re vera & propriè tam pactum est, quam quod vestitum DD. appellant, pactique definitio non minus pacto nudo, quam vestito competit. Nudum vero nihilominus erit, etiamsi deliberato animo initum sit, deque eo constet, ut in specie *l. si certis. 28. C. hoc tit.* ubi ex temporaria illa præstatione satis apparet seriam fuisse promittentis voluntatem. Denique temerariæ, inconsultæ, joculari-

culatoriæ aut simulatæ, aulicæ, & officiosæ adulationis promissiones ne nomen quidem pacti merentur.

18. Bearunt illi auctorem incertum revelatione ingentis mysterii, cum eum docuerunt, qua in re pollicitatio à voto, utrumque à pacto differat; æquum igitur est, ut eos paris alicujus arcani promulgatione remuneretur. Nuper ille, cum Eleusinem reviseretur, ex phano legiferæ Cereris hæc reportavit, latere in illo Virgilii, *Ipsē pater famulam voveo* &c. nescio quid occultioris doctrinæ, & quod argumento sit eum juris fuisse peritissimum. Nam etsi votum species est pollicitationis, quam ob causam summus juris antistes sub titulo *de pollicitationibus* etiam de votis tractaverit (quod forte illi à nemine audiverunt) illud tamen in voto præcipuum esse, quod soli patresfam. ex eo obligentur tanquam actu solenni: filius autem familias aut servus sine patris dominive auctoritate non obligentur. Ecce igitur, quam recte & rationi juris convenienter Poëta. Ille verò redux vota Cereri nuncupata solvit faciens bienni verre. Hæc pro incerto illo auctore; cujus de-

fen-

fensionem & patrocinium non tam ideo suscepi, quia me eum esse, & per latus illius me palam peti quidam suspicantur, quam veritatis tuendæ gratiâ.

C A P. VI.

De vinudarum conventionum.

1. *Ex nudo pacto, quamvis serio, jure nostro actionem non nasci multis argumentis ostenditur.*
2. *Respondetur objectioni sumpta ex l. 1. pr. hoc tit.*
3. *Ius civile Romanorum quibusdam conventionibus vim coactricem detraxit. & quare.*
4. *Multa civiliter justa, qua naturaliter iniqua, si ex meris juris natura præceptis æstimentur.*
5. *Exponitur l. cum mota. 6. C. de transact.*
6. *Declaratio l. solent. 15. de præscr. verb.*
7. *Declaratur locus obscurus in l. 3. §. quinimo. 4. de condict. caus. dat. & occurritur objectioni ex eodem loco sumpta.*

3. *Si ex pacto daretur actio, cum constet de animo deliberato, etiam quando de eo non constet, danda esset.*

1. **N**uda conventio seu pactum nudum, quamvis serium, eam vim obligandi jure civili Romanorum non habet, ut ex eo actio detur. *Ex nudo pacto, inquit Paulus, inter cives Romanos actio non nascitur. lib. 2. sent. tit. 14. & Imperatores in l. si tibi. 27. C. de locat. si conventio, inquit, placiti sine stetit, ex nudo pacto perspicis actionem jure nostro nasci non posse. Seneca lib. 5. de benefic. c. 10. de lege civili & promissione non solenniter facta loquens, Quæ lex, inquit, ad id præstandum nos, quod alicui promissimus, obligat: Denique nihil in libris nostris est vulgatus hac juris regula, Ex conventionem, ex pactum nuda, ex nudo pacto, ex pacto actionem non nasci. l. juris gentium. 7. §. sed cum nulla. 4. & seq. l. divisionis. 45. ff. hoc tit. l. solent. 15. ff. de præscr. verb. l. legem. 10. l. cum proponas, 21. l. si certis. 28. C. hoc tit. l. si ve apud. 28. C. de transact. l. 1. C. de pact. conv. tam sup. dot. l. 5. C. de inut. stipul. l. 2. C. de evict. l. 3. C. de rer. perm. Et hinc est, quod passim indebitum*

bitum vocetur, quod pacto promissum est. *l. 5. §. 2. ff. de solut. l. si certis. 28. C. hoc tit. l. si non sortem. 26. pr. ff. de condict. indeb.* & quod omnibus pactis stipulatio subjici debet, ut ex stipulatu actio nascatur, auctore Paulo *lib. 2. sent. tit. 22. §. ult.* Ex his jam luce meridiana clarius apparet, non omnem conventionem, non omne pactum, quantumvis serium, licitum & honestum, jure Romanorum obligationem & actionem producere: nisi quis putet conventionem aut pactum nudum veteribus pactum esse jocularium aut lusorium, id est, conventionem aut pactum non esse; & cum veteres ajunt, ex pacto nudo, & simpliciter ex pacto actionem non nasci, hoc significare, ex non pacto non nasci actionem. quod quam ridiculum sit, nemo non videt. Tot locis, quot modò allegavi, proditum est, & proverbii vice olim jactatum, ut indicant Imperatores in *l. legem. 10. C. hoc tit.* ex pacto actionem non nasci: nullo autem juris locò traditum est, ex solo pacto licet justo, actionem nasci, nisi exceptivè, aut addito *interdum*, & nimirum tunc, cum vel speciatim jure civili aut prætorio
ad

ad efficacitatem obligandi confirmatum est, *l. 6. l. sitibi. 17. §. 2. ff. hoc tit. l. 1. ff. de constit. pecun. vel contractui bene fidei in continenti adjectum, l. juris gentium. 7. §. quinimo. 5. ff. l. in bona. 13. C. hoc tit.* Quæ pacta etiam suo sensu possunt dici non nuda. Quod si ex quovis serio pacto oriretur jure civili actio, cur prætor non alias ex pacto actionem de pecunia constituta dat, quam si constituatur, quod jam ante debitum fuerat? *d. l. 1. ff. de pecun. constit.* an quia propter debitum præcedens hic constat de deliberato animo? Quare igitur de aliis rebus constitutoriam non dedit, quam quæ pondere, numero, mensura constant? *l. 2. C. eod. tit.* aut si causa subsit constituto, quid opus fuit prætorem ex sua jurisdictione actionem comparare, cum ex conventionibus, quibus subest causa, nascatur actio jure civili? *l. 7. §. 2. ff. hoc tit.* Denique quid tam insulsum, quam quod quidam, interrogati, si pactum quodlibet ad obligandum sit efficax, quid opus fuerit speciatim ex pacto donationis necessitate juris adstringere donatorem, quod primus fecerit Justinianus, respondent, constitutione Justiniani fingi

fingi donationi subesse causam, voluntatem sc. exercendam liberalitatis. Quasi verò Justinianus etiam ubi donandi animus abest, eum finxerit adesse; ac non potius quia donator voluntatem suam aperte ac verbis in præsens conceptis declaravit, eamque gratam ac ratam habuit donatarius, jure civili quoque obstrictum esse voluerit, qui jure gentium se manifestè obstrinxerat. Imo omnis nudæ conventionis confirmatio hoc velut *συγκατατίθεσθαι* habet. *fac. l. 1. ff. de pecun. constit.* Postremo si cujuslibet justipacti ea vis esset jure civili, ut actionem pareret, etiam actionem *καὶ τὸ αὐτὸ δίκαιον* tolleret, *arg. l. 6. eod. junct. l. Arrianus. 47. de O. & A. l. prout. 80. l. Stichum. 95. §. 4. de solut.* quod tamen secus esse constat. Hæc tam aperta & clara sunt, ut qui contra disputant, non tam de veritate juris, quam de potestate conditoris disputare videantur, quasi ille ita meris juris gentium præceptis alligatus esset, ut nihil iis addere aut detrahere valeat. Videamus tamen, quæ in contrarium afferantur. Ajunt grave esse fidem fallere, nihilque tam congruum esse fidei humanæ, quam placita ser-
vare.

vare. *l. 1. ff. hoc tit.* Fateor: est enim fides rerum humanarum coagulum, sanctissimumque humani pectoris bonum. Unde Silius Italicus;

*Ante Iovem generata, decus divumque,
hominumque,*

*Qua sine non tellus pacem, non aquora
norunt:*

*Iustitia consors, tacitumque in pectore
numen.*

2. Cæterum generalis illa definitio pertinet ad vim, quam omnes justę conventiones & pacta habent jure gentium: quippe quo jure etiam ex nudo pacto adstringimur ad præstandum id, quod pacto promissum est, propter naturalem scilicet obligationem, quæ ex pacto & fide data oritur: eoque pertinet illud Pauli in *l. cum amplius. 84. §. 1. ff. de reg. jur.* *Is natura debet, quem jure gentium dare oportet, cujus fidem secuti sumus.* Et quia hæc obligatio conscientias hominum devincit, cum sit vinculum naturæ & æquitatis, *l. Stichum. 95. §. 4. ff. de solut.* sequitur ei etiam inesse moralem aliquam necessitatem, id quod Paulus in *d. l. 84. §. 1.* significat verbo *oportet.* & grave esse hîc quoque fidem fallere, quamvis ponamus

mus nullam hîc esse respectu fori exterioris necessitatem.

3. Quanquam autem hoc ita est ex jure gentium, ut omnes honestæ conventiones servari debeant: tamen jus civile Romanorum non æquè cogit invitos ad omnium conventionum observantiam, sed utilitatis causa quibusdam conventionibus vim coactricem detraxit, ut hîc sola paciscentium fide staretur, ne si ex qualibet conventionē actio & judicium in invitos daretur, nimia litium oriretur multitudo: vel potius, quia Romani juris conditores honestius atque ad excitandum virtutis studium conducibilius existimaverunt, quædam relinquere hominum inter se spontaneæ fidei & probitati, quam omnia vinculis legum & obligationum necessitate adstringere. In necessitatibus enim nullus est virtuti locus, quæ ex libera potius voluntate ac bona fide pendet, quam ex aliqua coactione, teste Aristotele 3. *Ethic.* Quis enim laudabit eum, qui depositum reddidit, aut quod debebat, citra judicium solvit? Augustinus laudans factum Sancti Aurelii Episcopi Carthaginensis, quod reddidisset donatori ob liberos ei postea

ſtea natos, quæ ille Eccleſiæ donaverat, *In poteſtate*, inquit, *habebat Episcopuſ non reddere, ſed jure fori, non jure poli. c. ult. cauſ. 17. quaſt. 4.* Nullam autem laudem meruiſſet Aurelius, ſi ad reddendum jure fori fuiſſet obſtrictuſ. Atque hoc ipſum puto ſignificare voluiſſe Ciceronem *lib. 2. de invent.* cum ait, *Pactum eſt, quod inter aliquos convenit, quod jam ita juſtum putatur, ut juri præſtare dicatur.* Cui ſimile illud apud Cornificium *ad Herenn. lib. 2. Pacta ſunt, quæ ſine legibus obſervantur ex conventionem, quæ juri præſtare dicuntur.* quo haud dubiè id ſignificatur, pacta legibus ipſiſ juſtiora & præſtantiora eſſe exiſtimari, quoniam in hiſ implendiſ atque obſervandiſ probitas cujuſque & fideſ elucet; quæ boniſ viriſ pro lege ſit, & omni jure antiquior. Nimirum anguſta innocentia eſt, ſecundum leges bonum eſſe. Multa legem non habent, nec actionem. Quanto latius patet officiorum, quam juriſ regula? Quam multa pietas, humanitas, fideſ, liberalitas exigit, quæ extra tabulas ſunt? Hæc Seneca *lib. 5. de benefic.* Futile verò eſt, velle juſ civile ad mera juriſ gentium præcepta exigere con-

tra definitionem *l. 6. ff. de justit. & jur. l. bona fides. 31. ff. de pos.*

4. Multa sunt civiliter justa, quæ naturaliter iniqua, si ex meris præceptis juris naturæ aut gentium æstimentur; qualia literarum obligatio, usufructus, præscriptiones temporales. Sæpe etiam quid irritum facit jus civile, quod naturaliter obligaret, verbi gratiâ, jure naturali seu gentium tenetur quisque reddere quod mutuo accepit: at jure civili excusantur filiusfamilias & minor 25 annis. Jure gentium unusquisque ex sponsione sua obligatur, jure civili excipitur mulier pro alio spondens. Itaque isti, licet naturaliter obligati sint (non enim vel patria potestas, vel ætatis sexusve imbecillitas jus naturæ dissolvere possunt) tamen civiliter non tenentur. In materia successionum quam longè recedit lex 12 tabularum à simplicitate juris gentium? Apud nos locatio prædiorum rusticorum efficax non est, nisi interveniente instrumento locationis. Imo nulla in civitate mero jure gentium vivitur, & vix ulla est, aut fuit, in qua longius ab eo jure recessum, quam in Romana, ut infinitis argumentis probari potest: quæ si cum aliis

aliis populis strictius jus gentium coluerit, id necessitatis fuit, cessante videlicet legum Romanarum auctoritate. Et verò, ne tempus teram in removendis jejunis quibusdam objectiunculis, cur lege civili hoc constitui nequeat, ut non nisi sub certo modo ac forma obligatio, quæ quidem efficax sit ad agendum, ex consensu nascatur?

5. Objiciunt tamen & locos quosdam petitos è corpore juris, ex quibus colligunt, etiam jure Romano ex qualibet deliberata conventionem actionem nasci. Loci sunt *l. cum mota. 6. C. de transact. l. solent. 15. ff. de præscr. verb. l. 3. §. 4. ff. de cond. ca. dat. Ἰεμελιος μὲν δ. l. cum mota.* hic est. Mater à filio immeritò exheredata aut præterita transegit cum scripto herede, adversum quem querelam moverat inofficiosi, hac lege, ut accepta certa parte bonorum, de quibus agebatur, à lite discederet. Ea prius quam quicquam acciperet, in eadem perseverans voluntate decessit. Cum portio promissa filiis iisdemque heredibus matris non præstaretur, quæsitum est primò, possintne filii omissam à matre querelam reintegrare; deinde si non possint, an

non saltem aliud remedium iis paratum sit adversus placita non servantem. Ad prius responder Imp. Alexander, omissam semel querelam instaurari ab heredibus matris non posse. Ad alterum, si stipulatio conventioni subdita fuerit, ex stipulatu actionem competere, aut si omissa sit verborum obligatio, tum actione præscriptis verbis diversam partem, ut promissa præstentur, posse conveniri. Igitur, inquirunt, quod transactionis causa promissum est, etsi pacto tantum & citra stipulationem, id nihilominus peti potest, & competit eo nomine præscriptis verbis actio. Respondeo, non est in specie hîc proposita pactum aut conventio nuda, sed talis, quæ nudi placiti terminos egreditur, quippe cui accedit & alia obligandi causa præter conventionem, & quæ sic constituit contractum innominatum. Nam præterquam quod matri transigenti pars bonorum promissa est, fecit etiam mater, ut eam partem acciperet. Promisit se à lite discessuram, quod & reimplevit: morte enim sua & silentio sic finivit litem de inofficioso, ut ab heredibus ejus non possit instaurari. Ubi autem pactum,

pañtum , quamvis transactionis causa interpositum , intra terminos placiti consistit, nulla ex eo jure nostro actio nascitur. *l. cum proponas. 21. C. de pact. l. si ve apud. 28. C. de transact. Hotom. Don. post Gloss. & DD. comm. ad d. l. cum mota.*

6. Alter locus, qui objicitur, est *l. solent. 15. ff. de praescri. verb.* ubi ita Jurisconsultus ; *Quod si solutum quidem nihil est, sed pactio intercessit ob indicium, hoc est, ut si indicasset, apprehensusque esset fugitivus, certum aliquid daretur; videamus, an possit agere. Et quidem, inquit Jurisconsultus, ista conventio non est nuda, ut quis dicat ex pacto actionem non oriri: sed habet in se negotium aliquod: ergo, inquit, civilis actio oriri potest, id est, praescriptis verbis, &c.* Igitur, inquiunt, hic ex sola conventionem & pacto conceditur actio, negaturque adeo conventionem eam nudam esse, quæ in se negotium aliquod habet. Atqui, inquam, Jurisconsultus expressè negat in specie à se proposita ex pacto, id est, ex solo pacto, actionem nasci; aitq; conventionem istam habere in se aliquod negotium, unde civilis oriatur actio. Per negotium ergo haud dubiè

intelligit causam aliquam accedentem ad conventionem, quæ sit fundamentum *συνάλλαγμα* & actionis civilis, ut ipse hoc alibi explicat. *l. 7. §. 2. ff. hoc tit.* atque in proposito factum seu indicium actoris præmium pro eo promissum petentis. Itaque cum ait Jurisconsultus, *videamus an possit agere*, perinde hoc est, ac si dixisset, *videamus an qui suscepit se indicaturum esse servum fugitivum, is postquam indicavit, pactum pro indicina præmium petere possit.* Qua enim actione quoque colore indicii mercedem quis petat, antequam indicavit? Nimirum Jurisconsultus actionem concedens supponit actorem, quod recepit implevisse, quo subsecuto conventio desinit esse nuda, & incipit in se habere negotium aliquod, quod ad conventionem accedens initium obligationi præbet constituitque contractum innominatum. Neque ulla hic aut æquitas aut honestas vel naturalem ex jure gentium obligationem producit: inò contra obstat etiam ipsa hujus juris ratio. Sed & illi ipsi, qui hunc locum objiciunt, fatentur non ante ex hujusmodi conventionem cum effectu agi posse, quam

res secuta sit, licet obligatio statim nascatur: in quo tamen & ipso errant, cum hîc desit fundamentum obligationis, ut plenè demonstrabitur c. 8.

7. Tertius locus est Ulpiani in l. 3. §. *quinimò*. 4. ff. de cond. caus. dat. Verba hujus loci sunt; *Quinimo etsi nihil tibi dedi, ut manumitteres; placuerat tamen, ut darem, ultro tibi competere actionem, qua ex hoc contractu nascitur, id est, conditionem, defuncto quoque eo.* Primum quæro, qualis sit illa conditio, quam ait ex contractu proposito nasci? Non utique conditio ob causam dati causa non secuta, de qua conceptus est titulus, cum nihil datum proponatur, sed tantum placitum, ut daretur, & conditio ex notissimo juris usu, præsertim in hoc tractatu, significet alicujus rei, quæ à nobis profecta sit, repetitionem. Dices Jurisconsultum intelligere actionem præscriptis verbis. Jam iterum quæro, ubi actio præscriptis verbis in jure nostro appelletur conditio? Imò à conditione perpetuò distinguitur. l. 5. §. 1. & seq. ff. de præscr. verb. tum conditio vulgare est & usitatum actionis nomen, certam solennemque formulam habens; cujusmodi

actionibus deficientibus demum actio
præscriptis verbis datur. *l. 1. l. 2. & seq.
d. tit.* Sed concedamus Jurisconsultum
intelligere actionem præscriptis ver-
bis, quid hac actione persequemur,
certamne summam, quæ promissa sit?
Minimè: sic enim diceremus ex hujus-
modi contractu competere certi con-
ditionem ad rem, de qua convenit, pe-
tendam, uti ex mutuo, cæterisque cau-
sis & obligationibus, ex quibus cer-
tum petitur. *l. certi conditio. 9. ff. de reb.
cred.* quod falsum est. Nam præscrip-
tis verbis actio non solum nomine &
titulo actionis incerta est, sed etiam
rei petitione, competens in id solum;
quod interest, etiamsi de re certa dan-
da convenerit. *d. l. 5. §. 1. & 2. ff. de præscr.
verb. l. 4. & 2. seqq. C. de rer. permut.*
id autem, quod interest, incertum esse
constat. *l. si pœnam. 68. de verb. obl. l.
quatenus. 24. de reg. jur.* unde etiam
actio hæc incerta. *l. 6. C. de rer. permut.
l. 3. C. de inut. stipul.* & passim actio in-
certi dicitur. *l. 7. §. 2. ff. hoc tit. l. 6. l. 8.
& l. seq. ff. de præscr. verb.* Itaque in
actione præscr. verb. non servatur lex
communis obligationum dandi, ne
tum quidem, cum dedi aut feci, ut da-
res.

res. Revertamur jam ad propositum: Si ex hac conventionē, *dabo tibi decem, ut Stichum intra mensem manumittas*, Stichō ante manumissionem intra mensem mortuo, tibi competit actio præscriptis verbis; ea autem actio non competat, nisi in id, quod interest, sequitur necessario ex sola conventionē hic actionem non dari: sed ita demum, si is, cui actionem dari volumus, vel fecerit jam aliquid, quo quid ei absit, quod alioqui facturus non fuerat, puta si jam sumptus fecerit necessarios in prosecutionem ad prætorem; vel non fecerit, puta servum non vendiderit, quod alioqui facturus erat. per *l. s. in pr. & §. ult. ff. de cond. caus. dat.* ut quibus casibus & quatenus cessat conditio siue repetitio, si datum quid sit, iisdem casibus & eatenus competat actio præscriptis verbis, si promissum tantum, non datum. Utrique cum quatuor tantum sint contractus innominati, *do ut des*, *do ut facias*, *facio ut des*, *facio ut facias*, necesse est, si speciem propositam, ad unum ex his quatuor referri volumus, ut datio vel factum aliquod ab una parte intervenerit, quod ipsa nomina demonstrant: nam

dabo ut facias, vel faciam ut des, non est contractus, non magis quam pactum de vendendo venditio, de locando locatio. Itaque cum in contractibus innominatis obligatio non à simplici conventionione, sed à datione aut facto ad conventionem accedente nascatur & incipiat. *l. 1. §. 2. ff. de rer. permut. l. 3. C. eod.* nisi quid hic turbatum à Triboniano, quod putat Ant. Faber *in ration.* dicendum est locum pertinere ad contractum innominatum *facio, ut des.* Quid si dicamus in specie proposita causam, ob quam dari placuerat, pro impleta haberi, propterea quod casu fortuito factum, ut impleri non potuerit. Sanè ubi jam quid datum est ob causam, causa pro impleta plerumque habetur, quoties per eum, qui accepit, non steterit, quo minus causam impleret: & sic ex casu fortuito liberatio sequitur, cessatque ob causam dati condictio. *l. 3. §. quid si ita. 3. ff. de cond. ca. dat. l. pen. C. eod. l. 5. §. 1. vers. sed si scyphos. ff. de praescr. verb. l. 1. §. Divus. 13. de extraord. cogn.* Hæc etiam est communis interpretum solutio.

8. Effectum igitur est, inter cives Romanos ex nuda conventionione actionem

nem non nasci, licet ex causa honesta facta sit, serioque ac deliberato animo inita, ut ut etiam de eo constet. Quod si enim actio ex eâ daretur, cum constet de animo deliberato, etiam quando non constat interim danda esset, ut fit in cæteris causis omnibus, ex quibus obligationes & actiones nascuntur; permittendumque actori probare conventionem intervenisse, quo probato induci deberet præsumptio, serió quoque interpositam fuisse: alias quælibet conventiones & pacta passim eludi possent. Et quidni etiam permitti oporteret actori iusjurandum in iudicio reo deferre, quemadmodum alias fieri solet, præsertim ubi quid asserendum est, quod latet in conscientia ejus, cui defertur iusjurandum? Neque enim soli Deo notum, serióne promissio aliqua facta sit, an secus, verum etiam promittenti.

CAP. VII.

Aliarum gentium & hodie moribus nostris, & canonum jure etiam ex nuda conventionem actionem dari.

1. *Iure natura & gentium pacta quavis seria obligationem efficacem parere.*
2. *Francisci Connani contraria sententia refellitur.*
3. *Apud alias gentes ignotam fuisse illam Romanorum inter pactum & stipulationem &c. distinctionem.*
4. *Etiam jure Canonum quamlibet conventionem efficaciter obligare.*
5. *Cujacii & aliorum errores deteguntur.*
6. *Moribus quoque hodiernis pacti simplicis eandem vim esse, qua est stipulationis jure civili.*

1. **E**T si conventiones nudæ, quantumvis voluntate sufficienter significata, legum Romanarum vinculis adstrictæ non sunt, ad earum tamen observationem naturæ & gentium jure adstringimur: Nihil enim æquitati
natu-

naturali magis consentaneum est, quam itare conventis, placita, fidemque fervare; quod etiam prudentum responsa declarant. *l. pr. ff. hoc tit. l. 1. ff. de pecun. constit.* Imo jure quoque civili Romanorum quælibet justa pactio obligationem parit naturalem: eaque obligatio, si unam dempseris actionem, eisdem effectus jure Quiritium habet, quos habet obligatio naturalis & civilis simul, de quo agemus postea: unum tantum hîc exempli causa proferam, si ex pacto quid solutum sit; licet enim id solutum sit per errorem, tamen ejus non datur ne jure quidem nostro, repetitio; nempe quia antea naturaliter debebatur. *l. naturales. 10. ff. de oblig. & act. l. 7. ff. de fidejuss.* & hoc quoque significat Paulus in *l. cum amplius. 84. §. 1. ff. de reg. jur.* cum eum ait natura debere, quem jure gentium dare oportet, cujus fidem securi sumus. Agit enim illic de conditione indebiti, quæ cessat, si quid ex qualicunque pacto solutum sit; quia jam ante re adhuc integra naturæ ac gentium jure dari oportebat.

2. Itaque minimè admittenda est sententia Francisci Connani *lib. 1. comm. 6. 6. Et 5. c. 1.* fatentis quidem consentaneum

taneum esse æquitari naturali, & honestum, pacta servare, negantis tamen id esse necessarium, & negantis in universum ea pacta, quæ non habent *νόμος*, jure naturæ ac gentium nullam inducere obligationem, præterquam pudoris & verecundiæ. Certè Pauli nostri longe alia mens fuit, qui eum, cujus fidem secuti sumus, pronunciat jure gentium dare oportere; quo verbo utique vinculum juris & moralis significatur necessitas. Marcus quoque Tullius *lib. 1. de offic.* tantam promissis vim tribuit, ut fundamentum justitiæ fidem appellet. Neque vero ratio ulla reperiri potest, cur leges, quæ quasi pactum commune sunt populi, quo nomine à Demosthene adversus Aristogitonem, & à Papiniano nostro *l. 1. ff. de legib.* appellantur, obligationem pactis addere possent; voluntas autem cujusque hoc ferri agentis, ut se obliget, idem non possit. Admissa denique Connani sententia, sequeretur nullam inter reges & diversos populos pactorum, quamdiu nihil ex iis præstitum est, jure gentium vim esse, præsertim iis in locis, ubi nulla forma fœderum aut sponsio-

num.

num reperta est, ut rectè Grotius *lib. 2. de jur. bell. & pac. c. 11.*

3. His accedit, quod omnium aliarum gentium moribus, conventiones omnes & pacta etiam, quæ nuda appellamus, obligationem & actionem produxerunt. Nam neq; apud Græcos, neq; ullam aliam gentem, præter Romanos, nota fuit subtilis illa differentia inter pactum & stipulationem. Romanorum sunt hæc tam multa & distincta quasi rerum diversarum vocabula, ad anxiam quandam formularum superstitionem adstricta, pactum, stipulatio, constitutum, actio constitutæ pecuniæ, recipere, receptitia actio: quæ discrimina jus naturæ ignorat. Quin & Paulus Jurisconsultus ipse hoc fateri videtur *lib. 2. sent. tit. 14.* cum ait, *Ex nudo pacto inter ciues Romanos actio non nascitur.* quasi dicat non negare se, quin jure gentium & naturæ inter alios populos imperio Romano non subiectos actio ex pactis nascatur. Idem quoque haud obscure innuunt Imperatores in *l. si tibi. 27. C. de locat.* Si conventio, inquiunt, placiti sine stetit, (id est, si stipulatio non intervenerit) *ex nudo pacto perspicis actionem jure nostro nasci non*

non posse. quasi dicant, etiamsi maxime aliarum gentium jure nascatur : & ideo stipulatio pactis subjici debebat, ut ex stipulatu actio nasceretur. Paulus *d. lib. 2. tit. 22. §. ult. d. l. si tibi. 27. C. de locat. l. petens. 27. C. hoc tit.*

4. Jure quoque Canonum pacta quælibet, efficaciter obligare atque actionem producere, communis est Canonistarum sententia. *Felin. in c. 1. n. 5. & 6. ext. de pact. Panorm. & Imol. ibid. Covar. in c. quamvis. eod. in 6. p. 2. §. 4.* quam ego sententiam veram quoque esse non dubito, quicquid reclamant recentiores quidam interpretes, inter quos *Alciat. lib. 5. paradox. 3. Connan. 5. comm. 3. Ant. Fab. ad l. juris gentium. 7. §. ait prætor. 7. ff. hoc tit.* moveorque his rationibus. In *d. c. 1. ext. hoc tit.* (quod sumptum ex concilio Carthaginensi) ita loquitur Antigonus Episcopus; *Aut inita pacta suam obtineant firmitatem, aut conventus Ecclesiasticam sentiat disciplinam. Dixerunt universi, Pax servetur, pacta custodiantur.* Ait Antigonus conventus: loquitur ergo non de eo, qui alium voluit pacto liberare; cujusmodi pacta etiam prætor servat data exceptione; sed de eo,

eo, qui se alteri obligavit, de qua obligatione implenda conventus erat: ac proinde de pacto ad obligandum comparato; cui generi pactorum prætor *δωάνειν ἀνάγκησιν*, quam jus civile iis detraxit, non restituit. In *d. c. 3. ext. eod.* ait Pontifex Romanus; *Studiosè agendum est, ut ea, qua promittuntur, opere compleantur.* Ecce non ait, quando quis pactus est, ne petat, quod est pactum liberatorium pariens exceptionem etiam jure civili: sed quando quis ex promissione se obligavit, quod pactum est obligatorium, jure civili ad agendum inefficax. Argumento etiam est inscriptio ex Gregorii registro, *Iudex debet studiosè agere, ut promissa adimpleantur.* Et ergò agitur de eo, qui apud judicem convenitur, ut faciat id, ad quod pacto se obligavit: est enim titulus ille *de pactis*. His adde quod præsumendum est, auctores juris Canonici in casu conscientie, ne peccatum foverent, secutos esse jus naturale & divinum: utroque autem illo jure pactiones quælibet firmæ sunt ac validæ.

5. Fallitur ergo Cuiacius, asserens Peliam eos lavare, qui contendunt jure Pontificio ex qualibet *justa convention-*
tione,

tione, etiam nuda, nasci actionem,
 quasi inquit, amplius quid diceret Pon-
 tificex, quam dicit prætor in *l. juris gen-
 tium. 7. §. ait prætor. 7. ff. hoc tit.* Pacta
 quidem servari debent jure pontificio,
 inquit, sed suo nempe modo, ut ea ser-
 vat prætor, data videlicet exceptione,
 non actione. Malè. Nam, uti jam
 ostendimus in utroque illo capitulo
 agitur de eo, qui in judicium vocatur,
 ut quod pacto promisit, impleat: &
 porro igitur etiam futile est, quod alii
 objiciunt, inter jus Canonicum & ci-
 vile non esse introducendum discrimen
 sine canonis alicujus auctoritate.
c. 1. & 2. ext. de oper. nov. nunt. Jam
 enim duos expressos canones allega-
 vimus. Obstat tamen, inquiunt, quod
 in *d. c. 1. ext. hoc tit.* pœnæ excommu-
 nicationis subjicitur, qui non præstat
 id, ad quod se pacto obligavit. Imò
 contra rectè arguas: si adversus eum
 pœna excommunicationis ob fidem
 non impletam statuitur; multò magis
 adversus eum, si obnoxius sit ulli foro
 seculari, judicium in illo foro institui
 poterit, quod est levius. Unde etiam
 statim in *d. c. 3. ext. eod.* Gregorius ju-
 dici seculari id mandat ut pacto pro-
 missa

missa curet impleri judicio in eam rem dato. Falsum autem est, quod quidam ajunt, pœnæ excommunicationis tunc demum locum esse, ubi ordinarium remedium deest, *per c. novit. 13. ext. de judic.* Nam in *d. c. novit.* Pontifex duntaxat Ecclesiasticam censuram stringit & exercet in regem Galliaë Philippum, qui Angliæ regem pace fracta & fide rupta offenderat : quia Rex Franciaë omnibus in regno suo major, judicio civili aut actione aliqua instituta conveniri non poterat : cum reges jus in armis positum habeant. nec aliud statuitur *d. c. novit.*

6. Et communem hanc Canonistarum sententiam, aut potius expressos juris canonici textus, sequuntur hodie mores nostri, daturque hodie etiam ex nudo & simplici pacto actio: pactisque eadem vis tribuitur quæ est stipulationis jure civili: *Gud. lib. 3. de jur. nov. c. 5. Grot. lib. 3. introd. ad jurispr. Bat. c. 2.* sicut & pleraq; alia ad simplicitatem juris gentium redacta sunt. Tantum meminerimus distinguendas esse promissiones serias, meditatae & constantes, ab inconsideratis, temerariis, atque aulicis, cum quis non dispositivè, ut loquun-

quuntur, nec seriò, sed vel narrativè, vel per jocum & aliud agens, aut officiosè adulans aliquid pronuntiat, ut ex illis tantum, non etiam ex his actio detur. Porro jus Canonicum & mores hodierni in talibus pactis etiam per actionem servandis summa nituntur ratione. Quid enim? utimur hodie tantum præceptis naturalibus & gentium, solennibus illis & scrupulosis juris civilis sublatis. Naturæ autem humanæ nihil magis congruit, quam fidem promissorum servare, ut fiat, quod dictum est, sive nudis verbis, id est, nudo pacto, sive verbis solennibus, id est, stipulatione fides data sit.

C A P. VIII.

De conventionibus non nudis, quæ vulgò pacta vestita.

1. *Quid sit conventio non nuda, & quibus ex notis cognoscatur.*
2. *Contractus quid sit.*
3. *Cur contractus nominati certo jure actionem producant, & cur ita appellantur.*

4. *An*

4. *An permutatio contractus nominatus.*
5. *An actio aestimatoria descendat ex contractu nominato.*
6. *Transactio nec nomen contractus est, nec species.*
7. *Contractus innominati, eorumque species.*
8. *Quid nomine causa nostri intelligant, cum ajunt etiam ex conventionne innominata, cui modo causa subsit, actionem nasci.*
9. *Illustratur res exemplis.*
10. *Falsum esse, quod quidam tradiderunt, causam in proposito significare id, quod paciscentes movit, ut convenirent. & N°. 19.*
11. *Posita pura & efficaci obligatione, necessario ponitur & actio efficax.*
12. *Actionem praescriptis verbis dari non posse ei, qui nihil dum fecit aut praestitit.*
13. *Refutatur futilis quadam distinctio inter obligationem & actionem, qua nascatur jure conventionis, & eam, qua ex perfectione & secundum perfectionem contractus.*
14. *Eadem clarè refellitur per l. 3. C. de rer. permut.*
15. *Item*

15. *Item per l. divisionis. 45. hoc tit.*
16. *Item per l. contractus. 17. sub fin. C. de fid. instr.*
17. *Nemo ab obligatione semel constituta invito adversario recedere potest. & N°. 23.*
18. *In conventionibus innominatis, quod datur aut fit, non dari aut fieri ob causam prateritam, seu ex necessitate obligationis nata ex sola conventionione, sed ob causam futuram, ut accipiens illa datione &c. efficaciter obligetur.*
20. *A conventionione nominata ad innominatam non procedit argumentatio.*
21. *Natura contractuum innominatorum.*
22. *Pœnitentiam non admittunt contractus innominati, qui finiendarum litium gratia fiunt.*
24. *Definitio contractus à Labeone tradita l. 19. de verb. sign. non contractus omnes, sed διωλὺρος tantum completitur.*
25. *Contractum à Theophilo minus rectè definiri.*
26. *Nec pacta legitima, nec ea, quæ contractibus in continenti adjiciuntur, contractus esse, aut cum contractibus confundenda, sed manere pacta nuda, si per se spectentur.*

27. *Græcos quosdam pacta legitima à nudis segregare, contractibus adjecta non item.*

1. **C**onventio non nuda sive vestita est, quæ puri placiti fines egreditur. Id autem duabus ex notis cognoscitur, si proprium conventio nomen sortita sit, vel si conventioni subsit causa agendi, quod ab Aristone Mauriciano, & Ulpiano in *l. juris gentium. 7. §. 2. hoc tit.* appellatur *συμβαλ-
λαγµα*: alibi negotium dicitur *l. solent. 15. ff. de præscr. verb.* & negotium civile. *l. 1. ff. de æstim. act.* Atque hæ conventiones uno verbo appellantur contractus, & jure quoque nostro obligationem & actionem producunt.

2. Contractum igitur sic definitio; Contractus est conventio habens proprium nomen, aut eo deficiente causam. Definitio tantum non iisdem verbis tradita in *d. l. juris gentium. §. 1. & 2. hoc tit.* Itaque duo sunt harum conventionum genera, unum earum, quæ speciale nomen habent; alterum earum, quæ carent.

3. Prioris generis sunt emptio venditio, locatio conductio, societas, mandatum,

datum, commodatum, depositum, & cæteri similes contractus: qui quod certum nomen habent, dicuntur contractus nominati, obligationemque & actionem certo jure producant; non utique propter nomen, quod extrinsecum quid est atque accidens, sed propter utilitatem commercii, cujus indicium est, quod certo ac proprio nomine appellantur, ut hoc explicat Donell. *lib. 12. comm. c. 9.* Nimirum etsi nomen ad essentiam aut vim conventionis nihil facit, vim tamen ejus arguit à posteriori. Utilitas fecit, inquit Donellus, ut conventio esset in usu communi: usus conventioni nomen peperit. Utilitas causa est obligationis constituendæ, nomen indicium & nota constitutæ. Aliter hoc explicat Grot. *lib. 2. de jur. bell. & pac. c. 12. n. 3.* putans contractus, qui nominati dicuntur, non tam ideo sic vocari, quod proprium nomen habeant, quam quod ob usum frequentiore vim quandam & naturam acceperunt talem, quæ etiamsi nihil dictum sit specialiter, ex ipso nomine satis possit intelligi: unde etiam certæ de illis proditæ fuerint actionum formulæ, cum in cæteris contractibus
minus

minus frequentibus hoc tantum inef-
fet, quod dictum & factum erat; ac
proinde non communis aliqua & usi-
tata, sed accommodata ad ipsum fa-
ctum daretur formula, quæ ideo præ-
scriptis verbis dicebatur.

4. Atque hanc explicationem juva-
re videtur, quod permutatio, quamvis
& ipsa proprium nomen habeat, à nu-
mero contractuum nominatorum ex-
cluditur. *l. 1. §. 2. ff. de rer. permut.*
quanquam sunt, qui credunt contra-
ctui *do ut des* nomen permutationis
inditum tantum per abusionem, qua-
tenus contractus ille ad permutatio-
nem directus est: nam proprie permu-
tationis nomine significari mutuum
ipsarum rerum mutationem & transla-
tionem; ac proinde non tam contra-
ctum, quam modum acquirendi do-
minii, & alias omnes pœne contractus
velut permutatione quadam constant.
Ut ut sit, constat permutationem in
numero contractuum nominatorum
non censi.

5. Sed neque actio, quæ de æstimate
proponitur, descendit ex contractu ali-
quo nominato, sed eo, de cujus nomi-
ne ambigitur, & negotio, quod partim

E ven-

venditioni , partim locationi , partim mandato simile videtur. *l. 1. ff. de æstimat.* ideoque nec actio , quæ ex hoc contractu datur , proprio nomine prædita est , quanquam nacta est æstimatoriæ appellationem , quod sit de re , quæ æstimatò vendenda data est.

6. Illi autem toto cœlo errant , qui etiam transactionem putant contractum esse proprii nominis ; quippe cum transactio nec nomen sit contractus , nec contractus species. Etenim si propriè loqui volumus , non habet se contractus ad transactionem , ut genus ad speciem , sed modus est transigendi : nam interdum nuda pactio transactionis causa intervenit , aliquando stipulatio , quandoq; datio aut retentio. *l. cum proponas. 21. C. de pact. l. 2. l. pact. 15. ff. de transact. l. 6. l. ut responsum. 15. l. si ve apud. 28. l. si pro fundo. 33. l. transactio. 38. C. eod.* quæ diversa sunt ab ipsa transactione & terminatione litis. Unde cum proprie nostri loquuntur , dicunt pacto transigere , pactum , conventionem , placitum transactionis causa intercedere aut interponi. *d. l. cum proponas. 21. C. de pact. l. 7. l. si de certa. 31. C. de transact. l. si instituta. 27. pr. ff. de inoff. testam.*

testam. Modi autem transigendi non sunt genera transactionis: & per se considerata, transactio diversum quid est à contractu, cui etiam opponitur in *l. 1. §. 3. ff. de pact.*

7. Posterius genus earum erat conventionum, quæ speciali nomine carent, sed quibus præter consensum subest causa, ut hoc exprimit Jurisconsultus *d. l. 7. §. 2. ff. hoc tit.* Hæ conventiones eo quod nomine carent, dicuntur contractus innominati, pariuntque & ipsæ jure nostro obligationem & actionem; non vulgarem quidem & usitatam, sed in factum præscriptis verbis *d. l. 7. §. 2. hoc tit. l. 1. C. pass. ff. de præscr. verb.* Sunt autem hujus generis contractuum species quatuor, do ut des, do ut facias, facio ut des, facio ut facias. *l. 5. pr. d. tit.* quarum tamen ex una illa, facio ut des, non tam civilis incerti præscriptis verbis actio, quam in factum prætoriam dari videtur, aut si dolus aliquis arguatur, de dolo. *d. l. 5. §. 3. l. solent. 15. in fin. d. tit. l. 4. C. de dol.* Sed hæc non sunt hujus loci. Illud tantum hic investigandum est, quid nomine causæ Jurisconsulti intelligant, cum ajunt etiam ex con-

ventione innominata, cui modo causa subfit, actionem nasci.

8. Et quidem de causa finali id intelligi non potest, cum in omni conventionione paciscentibus finis aliquis propositus sit: neque de causa impellente seu ea, quæ paciscentes movit ad conveniendum, ut quidam somniaverunt: nam etiam in conventionibus nudis, quæ opponuntur iis, quibus causa subest, aliquid est, quod paciscentes impellat ad conventionem ineundam. verbi gratia, placuit inter nos, ut tu mihi certam pecuniæ summam dares, & ego à lite, quam tibi movi, discederem; aut ut invicem servos nostros permutaremus: hæ conventiones nudæ sunt, ut proinde ex iis non nascatur actio: *l. cum proponas. 21. C. de pact. l. si ve apud. 28. C. de transact. l. 3. C. de rer. perm.* negari tamen non potest, quin alicujus rei contemplatione moti hujusmodi conventionem iniverimus, nimirum quia ego malui accepta certa summa à lite discedere, tu dare, quam incertum eventum expectare litis: quia
• ego malui habere tuum servum, tu maluisti meum. Ac de similibus idem judicium esto. Sed quid cunctamur
cau-

causam accipere pro datione vel facto ad conventionem sive statim sive postea accedente, seu pro implemento ab alterutra parte, nempe quando præter conventionem quid datum quoque est aut factum ab uno? Sanè Iuriconsultus Græcus responso τοῦ ψιλ. συμφ. hanc rem sic explicat; ὡς, inquit, τέτοις (συμφάνοις ἰδικαῖς ἔχουσι πρῶτην καὶ τὰ ἰδικῶ μὴ πρῶτην καὶ μὴ ἀποφροδύμα, τῆς γλῆκῃ ὃ ἔστω αὐτῶν καὶ ὀνόματι κεκλημμένα· ἡνίκα πρῶτην καὶ δέσιν ἢ ποιήσιν ἐπὶ δόσιν ἢ ἐπὶ ποιήσιν, εὐλόγως τοῖς συναρτέσασιν ὑποκείμενῃς αἰτίας. τίκτον) ὃ καὶ ἐκ τέτων αἰ πρῶτον φοροῖ ἀγωγαί. i. His (sc. conventionibus nominatis) iuncta sunt & illa, quæ nomen quidem proprium pacta non sunt; ceterum generali nomine contractus appellantur, cum prius aliquid datur vel fit, ut vicissim aliquid detur vel fiat, videlicet ut iusta paciscentibus causa subsit. Nascentur enim & ex his utiles actiones. Atque hinc est, quod cum pactum nudum sit conventio innominata causam non habens, Græci id definiverint, ὡς καὶ μὴ πρῶτην καὶ δέσιν, &c. ex quo etiam simul apparet, eam conventionem, quæ causam habere dici-

tur, iis esse, *ἡ ἰσχυρὴ πρὸς τὴν ὁδὸν*. quod ipsum & Paulus indicat *l. 8. in fin. ff. de præscr. verb.* ubi ait pactum nudum non esse, quoties certa lege aliquid datur; & aliis innumeris locis significatur. *l. 5. per tot. & pass. ff. de præscr. verb. l. divisionis. 45. ff. hoc tit. l. 6. l. si pro fundo. 33. C. de transact. l. 3. l. 6. C. de rer. perm.* Denique hoc idem quoque sensisse Ulpianum in *d. l. 7. §. 2. hoc tit.* ex his ejus verbis perspicuè patet; Sed & si in alium contractum res non transeat, subsistat tamen causa, eleganter Aristo Celso respondit, esse obligationem; ut puta dedi tibi rem, ut mihi aliam dares: dedi, ut aliquid facias. Cum autem nulla talis conventioni innominatæ subest causa, ex ea, utpote nuda, negat obligationem nasci. *d. l. 7. §. sed cum. 4.* Aio autem conventioni innominata. Nam in conventionibus nominatis, si requisita quædam adsint, ut verbi gratia in venditione & locatione, si de pretio aut mercede convenerit, etiam ante quam ab altero contrahentium quid præstitum sit, obligatio nascitur.

9. Iam exemplo rem declaremus; Convenit inter nos, ut ego tibi Stichum darem, tu mihi Pamphilum.

Hæc

Hæc conventio nuda est consistens intra terminos puri placiti, licet uterque nostrum certo intuitu talem conventionem iniverit; ego, quia malui habuere Pamphilum; tu, quia Stichum. At si aut ego à mea parte, aut tu à tua dando conventionem implesti, hîc jam conventio definit esse nuda, & terminos meri placiti excedit. Illa autem datio ad conventionem accedens causa nostris dicitur. De facto ad conventionem accedente idem iudicatur. Paulus *negotium* vocat. *l. solent. 15. ff. de præscr. verb.* Ulpianus in *l. 1. ff. de astim. act. negotium civile*, id est, tale, quod ad conventionem alioqui nudam accedens constituit *συνάλλαγμα*, unde obligatio quoque & actio civilis. Atque idem ferè in hac re explicanda nobiscum sentiunt interpretes nostri cum veteres, tum receptiores pene omnes. Quorsum ergo tam operosa hujus sententiæ confirmatio? nimirum quia nuper nonnemo contendere cœpit, ex contractibus innominatis etiam nulla datione aut facto interveniente jure conventionis oriri obligationem, eamque efficacem: quanquam ex ea non ante efficaciter agi queat, quam quid

ex conventionē præstitum fuerit : causam autem apud Ulpianum *d. l. 7. §. 2. C. 4. hoc tit.* non significare dationem aut factum aliquod interveniens , sed causam præcedentem, quæ paciscentes movit , ut convenirent.

10. Ego verò non video , quomodo hæc consistere possint , ex conventionē nasci puram & efficacem obligationem , & tamen ex ea obligatione efficaciter agi non posse. Utrique enim efficacia & vis obligationis consistit in juris vinculo , quo necessitate adstringimur ad aliquid præstandum ; necessitas in eo , ut nisi obligatus præstet, quod debetur , jure judicioque expeiri cum eo hoc nomine liceat, invitumque ad præstandum compellere. Ac proinde posita pura & efficaci obligatione , necessariò quoque ponenda est efficax actio , cum secundum regulam Logicorum qualis est causa , talis quoque sit effectus.

11. Ut ecce, emptio & venditio contrahitur simul atque de pretio convenit ; & quia hinc statim oritur mutua & efficax obligatio , statim etiam, licet nihil aliud intervenerit , ex ea obligatione agi potest , modo offerat actor,

actor, quod vicissim eum prestare oportet. *l. Iulianus. 13. §. offerri. 8. l. qui pendentem. 25. ff. de act. empt.* Pari ergo ratione, si verbi causa hujusmodi conventio innominata, *Dabo tibi Stichum, ut mihi Pamphilum des*, æquè statim & readhuc integra efficacem obligationem pariat, etiam ex ea statim & cum effectu agere poterit, qui Stichum dare promisit, modò ille paratus sit Stichum dare. Atque hanc quoque esse apparet mentem eorum, qui asserunt ex conventionne innominata obligationem statim nasci, ex qua etiam agi possit, quanquam cum effectu non possit, nisi postquam ab uno datum quid sit, aut factum; quia ad confirmandam sententiam suam utuntur exemplo emptionis & venditionis, negantque ullam esse circa productionem obligationis & actionis inter conventiones nominatas & innominatas differentiam. Videamus igitur, quam verè & rationi juris nostri convenienter hæc dicantur. Et vel uno exemplo locationis & conductionis demonstrari potest, quam parum hæc juri nostro sint consentanea. Locatio & conductionis contrahitur nudo consensu simul

ac de mercede pro usu rei danda convenit: atque ut hîc ex sola conventionē, nulla re interveniente oritur obligatio, ita quoque conductor nullo in præsens dato aut oblato experiri cum locatore efficaciter potest, ut præster frui, quod conductum est, licere. *l. 9. l. 15. §. 1. l. si fundus. 33. l. & hac distinctio. 35. ff. locat.* at ex sola conventionē innominata agi cum effectu non posse fatentur ipsi adversarii: qui si pro firmamento suæ opinionis non tam exemplum emptionis & venditionis, quam locationis & conductionis attulissent, fortassis ipsi deprehendissent errorem suum. Cæterum nec oblationem vim implementi habere in contractibus innominatis ostendemus postea. Ad hæc perperam inter contractus eas etiam conventiones innominatas numerant, quæ terminos conventionis non egrediuntur; quoniam conventiones innominatæ datione demum aut facto interveniente *συμβαλάματα* sive contractus esse & appellari incipiunt: quamdiu autem res adhuc integra est, nudæ tantum sunt conventiones, ex quibus nec obligatio nec actio jure nostro nascitur, ut supra satis abundeque de-

demonstratum est. Sed fingamus obligationem & actionem ex tali conventionem nasci solo jure conventionis, quæ actio re adhuc integra intentari quidem possit, sed non cum effectu: quæ ergo erit ista actio? nimirum præscriptis verbis, inquirunt.

12. Quod si porro quæras, quomodo formula actionis præscriptis verbis, quæ in factum componitur, & rem gestam demonstrat. *l. 6. in fin. C. de transact.* accommodari possit ei, qui nihil dum fecit, aut præstitit, respondent pro varietate conventionis formulam posse concipi, & conventionem referri ad unumquemque ex his quatuor articulis, *do ut des, do ut facias, facio ut des, facio ut facias*; quippe hos contractus, non ita vocari ratione conventionis, sed impletionis, eo quod ante illam nulla cum effectu actio ex iis intentari queat. Igitur, si eis credidimus, hæ conventiones *dabo ut des, dabo ut facias* &c. referendæ sunt ad illas *do ut des, do ut facias*, &c. Et verbi causa si inter nos convenerit, ut ego tibi decem darem, & tu servum tuum manumitteres, potero re adhuc integra formulam concipere verbis in factum

etum & rem gestam compositis, in quæ & prætor judicem det hoc modo, *Si paret Mævium decem Titio dedisse ea lege, ut servum suum Titius manumitteret, neque Titius manumittat, tum Titius damnetur.* aut contra; *Si paret Titium servum suum manumisisse ea lege, ut decem à Mævio acciperet &c.* Si aliam excogitent, quæ oblationis duntaxat, non dati aut facti mentionem habeat, ea nullo modo poterit convenire formulæ præscriptis in factum verbis. Sed nec illud verum est, quod aiunt contractus *do ut des, do ut facias*, &c. ita vocari ratione impletionis tantum, non conventionis: nam verba illa *do ut des* manifestè etiam conventionem exprimunt, sed præter conventionem adsignificant causam quæ conventioni subest, sive negotium interveniens, quod fundamentum est *συνάλλαγμα*, efficitque, ut conventio amplius non sit nuda, & ex ea nascatur civilis actio.

13. Cum vident etiam in textibus plerisque, qui huc pertinent, expressim negari in conventionibus innominatis nudo solove consensu obligationem constitui, & nominatim, ut alios præteream,

teream, in *l. 1. §. 2. ff. de rer. permut.* quo loco Jurisconsultus diserte ait, permutationem demum ex re tradita initium obligationi præbere, confugiunt ad nescio quam distinctionem, qua non observata ajunt, quotquot sunt & fuerunt hæcenus Interpretes, hallucinatos esse: nimirum aliam ajunt obligationem & actionem nasci jure conventionis, aliam ex perfectione & secundum perfectionem contractus; qua distinctione adhibita facile quivis ex hujusmodi laqueis se possit expedire. Ajunt igitur in *d. l. 1. §. 2. ff. de rer. permut.* Jurisconsultum adscribere rei traditæ initium obligationis, quæ est secundum perfectionem contractus, non quæ oritur jure conventionis. Non est mirum interpretes omnes hæc hallucinatos esse, qui tam subtilem distinctionem, & quam ipsa ignoravit antiquitas, non observaverint. Sed seriò. Paulus in *d. l. 1. §. 2.* initium obligationis in permutatione adscribit rei traditæ; ergo nullam adhuc ante traditionem natam esse intelligit: alioqui non initium obligationis, sed obligationis jure conventionis antea constitutæ perfectionem, aut efficacitatem traditioni attri-

attribuere debuisset. Sequitur mox apud Paulum, *alioquin si res nondum tradita sit, nudo consensu obligationem constitui dicemus: quod in his duntaxat receptum est, qua nomen suum habent, ut in emptione, venditione, conductione, mandato.* Ecce negat Paulus absolute; nudo consensu, id est, jure solius conventionis, ubi nihil dum præstitum est, ut ipsa verba ostendunt, obligationem constitui, præterquam in conventionibus nominatis: unde perspicue liquet, Paulum in conventionibus innominatis productionem, constitutionem, initium, originem ipsam obligationis adscribere rei traditæ; falsumque esse, quod illi asserunt, ex conventionem esse obligationem & actionem, ex datione, numeratione, præstatione, quod cum effectu actio moveri possit. Quin hoc ipsum etiam pugnat cum eo, quod rei traditæ originem adscribant obligationis, quæ est secundum perfectionem negotii, quod contrahitur: nam qui hoc dicit, ultrò fatetur ex datione, numeratione, præstatione oriri obligationem, adeoque hanc obligationem esse effectum, & filiam, ut ita loquar, dationis, præstationis &c. illa obli-

obligationis hujus causam & velut matrem : quod passim tamen negant soli conventioni vim tribuentes obligandi.

14. Ajunt mirari se, quod adversarii aliquid præsidii in *l. 3. C. de rer. permut.* causæ suæ quærant. & quare? quia, inquiunt, placitum permutationis in *d. l. 3.* pro nudo pacto de permutando sumitur, id est, eo de quo non constet, an deliberato animo factum sit. Verba Imperatorum in *d. l. 3.* sunt hæc; *Explacito permutationis, nulla re secuta, constat nemini actionem competere, nisi stipulatio subjecta ex verborum obligatione quasierit partibus actionem.* Verum est hoc loco agi de pacto nudo, sed pactum nudum Imperatores intelligere, quando non constat de serio animo, commentum est, quod ex ipso textu satis evincitur. Negant simpliciter Imperatores aliter actionem re nulla secuta ex placito permutationis competere, quam si stipulatio subjecta sit: ergo ne tunc quidem, cum constat de seria voluntate paciscentium. Hoc enim Leontius proposuerat, placuisse inter se & adversarium suum, ut invicem res quasdam permutarent, quærebatque an ex hujusmodi placito jure con-

conventionis actio sibi competeret, qua ad conventionem implendam urgere adversarium posset, paratus ipse à sua parte eandem implere: id quod Imperatores negant. Quod autem excipiunt, nisi subjecta sit stipulatio, eo significant, stipulatione demum conventioni subjecta, posse Leontium, à sua parte contentum conventioni stare, actione ex stipulatu compellere adversarium, ut & ipse quoque placitum servet, nisi velit condemnari quanti actoris interfit.

15. Simile huic placito est, quod proponitur in *l. divisionis. 45. ff. hoc tit.* si verbi causa in lite familiæ eriscundæ convenerit, ut certis partibus hereditatis constitutis, ego hanc partem obtinerem, tu illam, neque traditio ulla secuta sit, neque porro placito subjecta stipulatio: hoc enim placitum negat Jurisconsultus cuiquam ad actionem prodesse: non quia non sit pactum aut conventio seria; sed quia conventio nuda, placiti fines non egrediens; cujusmodi conventiones, ut ut seriæ, nemini ad actionem profint.

16. Postremò nec illud patrocinari adversariis existimant, quod scriptum est

est in *l. contractus. 17. sub fin. C. de fid. instr.* eum, qui vendere pollicitus est, si recuset adimplere conventionem, posse id impune facere, si nihil arrarum nomine acceperit, non quod ibi agatur de pacto nudo, cum deliberationem animi satis arguat arrarum interventus, sed alia ratione; quoniam, quod adversarii non animadverterunt, in specie illic proposita jure conventionis obligatio contracta fuit, cum alias discedens à conventionem altero invito non rectè multaretur. Mirifica verò collectio. Quinimo contra si talis conventio obligationem produceret nullo modo liceret uni invito altero recedere, nec emptori cum amissione arrarum, nec venditori cum duplicatarum restitutione.

17. Est enim hæc perpetui juris regula, neminem posse ex pœnitentia ab obligatione semel constituta & in se suscepta invito adversario discedere. *l. 5. C. de obl. & act.* idque vel ex ipsa natura obligationis, quæ necessitate solvendi obligatum adstringit, intelligi potest, ut paulo post ostenderetur evidentius. Itaque amissio arrarum, aut duplicatarum restitutio non est pœna recessionis non consentiente adversario

rio factæ ab obligatione aliqua jure civili constituta, sed temeritatis & inconstantia. Quid si nihil arrarum nomine intervenerit? hîc jam impune etiam uni altero invito recedere licebit. *d. l. contractus. sub fin. C. de fid. instr.* cui jam hoc etiam consequens est, etiamsi unius intersit conventionem impleri, non eo tamen magis actionem illi competere; quemadmodum nec si unius intersit, ex pacto permutationis aut divisionis ulla competit. *l. 3. C. de rer. perm. l. 45. ff. hoc tit.* Et quid hîc alias profecerit placitis interveniens stipulatio? Sibi autem imputet, qui queritur, quod cum potuerit & debuerit, pacto non subjecerit stipulationem, juxta consilium Pauli *lib. 2. sent. tit. 22. in fin.* Plane in hujusmodi conventionibus de vendendo, de permutando &c. si quid ab eo, qui placitis non stat, dolo malo factum erit, quod alter in damnum incideret, non negaverim dandam esse actionem de dolo, *arg. l. & eleganter. 7. §. servus. 8. & ibi Bart. ff. de dol. mal. Costal. ad l. 7. pr. hoc tit.* Asserunt porro causam apud Ulpianum in *d. l. 7. §. 2. ff. hoc tit.* non significare dationem aut factum certa lege

lege interveniens; sed causam præcedentem, nempe quæ paciscentes movit, ut convenirent: cujus assertionis suæ hæc argumenta habent. 1. quia datur aliquid aut fit propter conventionem. 2. quia causa respicit conventionem. 3. quia datio aut factum per se non obligat, nisi ad restitutionem. Diceres rem ad triarios rediisse, quod profligatis hastatis & principibus tantæ virtutis milites subsidio mittant. Sed experiamur robur singulorum argumentorum. In postremo, ut ab eo incipiam, est fallacia divisionis: Neque enim nos dicimus solam dationem aut dationem per se sine conventionem obligare, non magis, quam conventionem per se obligare sine datione; sed obligare dationem à conventionem informatam, seu dationem sub lege vicissim quid præstandi, & ita simul junctâ demum obligationem producere. Insubtile autem est, quod addunt *factum*; quia facti nulla est restitutio. Secundum argumentum, quod ideo causa apud Ulpianum non significet dationem aut factum, quia causa respicit conventionem, incidit in vitium petitionis principii: nam de causa impellente

lente & conventionem antecedente duntaxat hoc verum est eo sensu, quo illud accipiunt, non de ea, quæ velut materia conventioni subjicitur, formaque à conventionem accepta in *συνάλλαγμα* abit, qualem intelligere Jurisconsultum in *d. l. 7. hoc tit.* ex oppositione §. 4. & §. 2. ejusdem legis dilucide apparet.

18. Sed & in primo quoque argumento manifesta est principii petitio: nihil enim efficiunt, nisi his verbis, *dari aut fieri aliquid propter conventionem*, hoc significant, quod datur aut fit, in proposito dari aut fieri propter vim obligationis ex sola conventionem natæ; quod est falsum: cum enim, ut ex iis, quæ jam antea disputata sunt, clarissime liquet, in conventionibus innominatis origo obligationis non à nudo consensu, sed à datione aut facto ad consensum accedente proficiscatur, qui à parte sua, quod placuit, præstat, non facit id ex necessitate obligationis, quam non gignit nuda conventio; sed ut adversarium, qui itidem nulla juris necessitate adstrictus est, illa præstatione efficaciter obliget. Atque hinc est, quod præstatio illa non solutio, quæ

quæ debiti est, sed datio appellatur: & quia illa fit ob causam futuram, ut vicissim quid detur, satis apparet eam comparatam esse non ad liberandum, sed ad obligandum eum, qui & ipse antea obligatus non erat, non ut quid solvat, quod antea debebat, sed ut quid det aut faciat secundum legem dationi dictam; & hic si is, qui accepit, causam, ob quam accepit, implere cessaverit, competit ei, qui dedit vel ad repetendum conditio tanquam ob causam dati causa non secuta, vel incerti præscripti verbis actio in hoc, quod ejus interest causam impletam esse. *l. 5. §. 1. & 2. ff. de præscript. verb. & passim tit. ff. & C. de cond. caus. dat.* Quod si datio illa respiceret causam aliquam præteritam aut antecedentem obligationem, nulla competeret dati repetitio: nam quod ob causam præteritam datur, condici non potest. *l. damus. 52. ff. de cond. indeb. l. mercalem. 5. C. de cond. ob turp. caus. nec debiti soluti ulla repetitio est, ne ejus quidem, quod naturaliter ex nuda pactione debetur. l. naturales. 10. ff. de obl. & act.*

20. Apparet itaque nihil eos juvare,

re, quod de venditore afferunt, cum non tradere mercem, ut emptorem sibi obliget, sed ut obligationi jam antea ex conventionē natæ satisfaciāt: nam à conventionē nominata, ex qua etiam nudo consensu obligatio constituitur, ad innominatam, in qua initium obligationi res tradita præbet, non procedere argumentationem perspicue docet Paulus *l. 1. §. 2. ff. de rer. permut.* Venditor igitur mercem tradens, solvit, quod debet, & ad quod solvendum jure judicioque cum eo agi poterat. non ut emptorem obstringat, quem satis ex conventionē obstrictum habet; sed ut se liberet: at in contractu innominato, verbi causa, do ut des, sive nuda aliqua conventio præcesserit, sive non, qui dat, ut vicissim quid detur, non solvit, quod debebat; sed dat, quod non debebat, ut accipientem, qui & ipse antea obstrictus non erat, hac datione sibi obstringat. Atque hinc est, quod venditor, qui fidem emptoris secutus mercem tradidit, ex pœnitentia mercem repetere non potest. *l. incivile. 12. C. de rei vind. l. 3. C. de contr. empt. l. 6. C. de resc. vend.* nimirum quia hic obstat præcedens obligatio, quæ
 fœ-

pœnitudinem non recipit ; quoniam nemo potest constitutæ semel obligationi renunciare invito adversario. *l. 5. C. de obl. & act. l. 3. C. de resc. vend. l. in commodato. 17. §. 3. ff. commod.*

21. Contractuum autem , qui in aliud nomen non transeunt , natura hæc est , ut danti ob causam rebus integris pœnitere liceat , & ex pœnitentia datum repetere , aut obnuntiare accipienti , ne causam impleat : contraria videlicet ratione , quoniam cum ad dandum obstrictus non fuerit , nec ad datum tali lege , quasi prius debuisset , relinquendum obstringi debet. *l. 3. §. 1. & 2. l. 5. pr. & §. 1. ff. de cond. caus. dat. l. in summa. 65. §. quod ob rem. 4. ff. de cond. ind.* Quod si ubi jam aliquid datum est ab una parte , ille qui dedit , ex pœnitentia datum repetere potest , invito adversario , multò minus , si nihil dum dederit , ab adversario ut det , poterit constringi , licet ille à sua parte conventionem implere velit , *l. contractus. 17. sub fin. C. de fid. instrum.* Et hoc significant interpretes , cum ajunt , in conventionibus innominatis oblationem non habere vim implementi.

22. Ex-

22. Excipiendi autem sunt ex contractibus innominatis illi, qui transactionis & finiendarum litium gratia incuntur, in quibus ob eandem causam nec locus est pœnitentiæ, ne scilicet lites transactione semel decisæ instaurentur. *l. in summa. 65. §. 1. ff. de cond. ind. l. quamvis. 39. C. de transact. & ibi DD. Ias. in l. 5. pr. ff. de cond. caus. dat. colum. 3.* Jam opinor videmus, unde hæc juris nascatur varietas, nempe ex differentia, quæ est circa productionem obligationis in conventionibus nominatis & innominatis; quia in illis receptum est, ut etiam nudo consensu obligatio contrahatur, in his non contrahitur nisi re aut factò aliquo interveniente.

23. Illud enim perpetuò verum est, nec ullam patitur exceptionem, neminem posse ab obligatione semel constituta & in se suscepta adversario non consentiente discedere. *d. l. 5. C. de obl. & act.* quippe hic certissimus est obligationis effectus, ut qui secundum formam juris obligatus est, non aliter liberetur factò suo, quam si solvat aut satisfaciat creditori. *Inst. quib. mod. toll. obl. & pass. ff. & C. de solut.* Quam etiam ob causam obligatio definitur juris
vin-

vinculum , quo necessitate adstringimur ad solvendum , quod debetur. Si ergo qui obligatus est, adstringitur necessitate solvendi , consequens est omnino , non esse in ejus arbitrio , utrum velit solvere nec ne ; quod tamen futurum esset , si liceret ei pro arbitrio à contractu recedere. Atque hoc non solum locum habet in contractibus, qui nomen suum habent , ut quidam putaverunt ; verum etiam in iis , qui non habent proprium nomen. ut ecce , dedi tibi aliquid ea lege , ut mihi vicissim aliquid dares aut faceres , si cessas dare aut facere , teneris mihi in id , quod mea interest, id , de quo convenit , datum aut factum esse , eoque nomine tecum experiri possum actione præscriptis verbis ; neque tu huic obligationi in te susceptæ renunciare potes , tuove te facto aliter liberare , quam si id de quo convenit, præstes. *l. 5. §. 1. & §. 2. ff. de præscr. verb.* Quod verò hic mihi , qui dedi, liceat rebus integris ex pœnitentia datum repetere , regulam non offendit : neque enim ego dici possum datum repetens renunciare alicui obligationi in me susceptæ ; cum ipse nec ante obligatus fuerim , nec tibi dando

F id

id egerim, ut me tibi, sed ut te mihi obligarem. Sed neque exempla mandati, societatis, depositi, precarii, quæ huic regulæ objici solent, eam aliqua parte vitiant. Mandati obligatio solo consensu contrahitur, & tamen ei, qui mandatum suscepit, liberum est mandatum renuntiare. An ergo cum mandatum renuntiat, dicendus est renuntiare constitutæ obligationi? Miminè. Nam cum mandatarius non aliter ab initio obligari intelligatur, quam sub hac disjunctione, ut aut impleat mandatum, aut tempestivè renuntiet. *l. si mandavero. 22. §. ult. l. si quis. 27. §. 2. ff. mand. §. mandatum. 11. Inst. eod. ubi in tempore renuntiat, non modo contra obligationem nihil facit, sed maxime præstat, quod erat in obligatione. Eademque ratio est & in mandati revocatione; quoniam nec mandator præcisè obligatur ad hoc, ut quod semel mandavit, perfici patiatur. Similiter societas quoque consensu contrahitur, & unius è sociis renuntiatione dissolvitur: nec tamen qui societatem socio renunciat in novo negotio nondum cœpto, renuntiat constitutæ obligationi, quia nemo in societate obligatur,*

gatur, ut invitus in societate maneat; in tantum ut etsi nominatim convenierit, ne à societate discederetur, talem tamen pactionem ut inutilem & contra naturam societatis factam contemnere liceat. *l. si convenerit. 14. l. nulla. 70. ff. pro soc. junct. l. verum. 63. pr. ff. eod. l. cum pater. 77. §. dulcissimis. 2. ff. de legat. 2.* Postremo nec officium suum perdit regula superior in specie *l. 1. §. antepen. & pen. ff. depos.* ubi si rem apud te sic deposuero, ut post mortem vel tuam vel meam reddatur, placet me statim depositum posse repetere; nec in specie precarii in eandem sententiam proposita in *l. cum precario. 12. ff. de precar.* ubi cum res precario sic datur, ut is, qui eam accipit, usque ad Calendas Julias precario possideat, respondetur posse nihilominus etiam ante ei possessionem auferri: quoniam neque deponens obligatur, ut ne repetat depositum, neque is, qui precario dedit, ut non repetat precarium: imò contra & qui depositum accepit, & qui accepit precarium, ipsi obligantur in hoc, ut dominis reposcentibus acceptum reddant. Illud tantummodo hinc quæri potest,

an is qui depositum aut precarium accepit, exceptione pacti conventi ex edicto defendi debeat, ne ante diem cogatur depositum aut precarium restituere: & rectè placuit nullam esse hujus conventionis vim, neq; in deposito, quia dies adjectus est deponentis duntaxat gratia, ut depositarius cogere-
tur tam diu rem custodire; neque in precario, quia conventio de re precaria non repetenda naturæ precarii ad-
versatur, ut ipse Jurisconsultus in *d. l. cum precario*. significat. In commo-
dato autem contrario modo se res habet, nempe propter obligationem commodantis, quæ impedit, quominus usum rei ad certum modum & tempus concessum ante tempus auferre liceat. *l. in commodato. 17. §. 3. ff. commod.*

24. Redeamus in viam & videamus ne definitio contractus à nobis propo-
sita nimis lata sit. Etenim Labeo in *l. 19. ff. de verb. sign.* contractum sic de-
finit, ut dicat esse ultro citroque obli-
gationem; id est, negotium, unde ul-
tro citroque obligatio nascitur: at
nostra definitio etiam ea negotia com-
plectitur, ex quibus unus tantum obli-
gatur;

gatur; qualia sunt mutuum & stipulatio, quæ Labeo *d. loco* expresse à contractu distinguit. Sed animadvertendum Labeonem illic non definire generaliter, quid sit contractus, aut quæ sit propria hujus verbi significatio; sed quid prætor eo verbo significet, cum hæc tria finitimæ significationis in edicto conjungit, *actum, contractum, gestum*. Nam cum singula hæc per se posita, & vi sua generalia sint, apparet Labeonem ea non ex propria significatione, sed ex sententia prætoris illa conjungentis distinguendo ad certas species referre, verbumque *contractus* ad eam speciem traducere contractuum, qui mutuam obligationem pariunt. Nos verò hoc certò tenebimus, substantiam contractus non in eo consistere, ut ultro citroque obliget: verum non minus propriè si unus tantum alteri, quam si invicem contrahentes inter se ex conventionem obligentur, contractam dici obligationem, & negotium ipsum appellari & esse contractum; id quod satis ostendit vetus, & recepta contractuum divisio apud Gajum *l. 1. ff. de obl. & act.* apud Ulpianum *l. 1. §. 3. ff. de pact.* apud

Justinianum §. ult. *Inst. de oblig.* item *Inst. de auct. tut. in pr.* quo loco evidentiſſimè contractus *μονόπωλοιοι*, cujus generis eſt ſtipulatio, & *δι'πωλοιοι*, quales ſunt emptio, locatio, ſocietas &c. ut diverſæ unius generis ſpecies ſecernuntur.

25. Apparet autem ex diſputatione Ulpiani in *d. l. 7. §. 1. & 2. ff. hoc tit.* unde noſtra contractus definitio ſumpta eſt, non omnem conſenſum duorum ad conſtituendam obligationem interpoſitum contractum eſſe: ac proinde non ſatis rectè à Theophilo contractum definiri hoc modo; *συνάλλαγμα ἐστὶ δύο, ἢ καὶ πλεόνων εἰς τὸ αὐτὸ συνόδος τε καὶ συναίσεις, ἐπὶ τὸ συνίστασθαι ἐνόχλῳ, καὶ τὸν ἕτερον τῷ ἑτέρῳ ποιῆσαι ἐπιδόθωνον.* id eſt, *Contractus eſt duorum vel plurium in idem conventio & conſenſus ad conſtituendam obligationem, & ut alter alteri fiat obnoxius.* Nam ſi inter nos convenerit, ut ego tibi Stichum, tu mihi Pamphilum dares permutationis cauſa, hæc etiam conventio eſt duorum vel plurium conſenſus in hoc, ut alter alteri obligetur: contractus tamen non eſt, ſed nudum pactum; unde nec actio ex eo nascitur. *l. 3. C. de rer. perm.*

26. Quin-

26. Quinimo etiam hoc ex eadem disputatione evincitur, nec pacta legitima, neque ea, quæ contractibus in continenti adjiciuntur, contractus esse, aut cum contractibus confundenda; sed esse & manere pacta nuda, quamvis communem vim obligandi cum contractibus habeant: siquidem nec in proprium conventionis nomen transeunt, nec causam cur dare aut facere debeas ullam habent præter conventionem: utique si per se spectentur, illa sine adminiculo legis, hæc relativè ad stipulationem, aut ut sejuncta ab eo contractu, cui adhibentur. Cæterum interpretes plerique hæc etiam pacta vestiverunt, alterum vestimento assistentiæ legis, alterum coherentiæ contractus: quippe qui nuda ea pacta solummodo appellant, quæ vim obligandi non habent, & in terminis juris gentium manserunt. Neque hoc caret ratione, & suo sensu rectè dicitur, nimirum quatenus in pactis legitimis consideramus specialem confirmationem, in pactis adjectis unionem cum contractu, in quo fiunt, & cujus in partem transeunt.

17. Jurisconsultus Græcus pacta legitima

gitima à nudis segregat ἀφ' τῶν ἰδιωτῶν
ἐπικύρωσιν, contractibus autem in con-
tinenti adjecta in nudorum numero
relinquit, sed quæ sint alterius naturæ
& efficacix: sic enim ille μελ. παρὰ φιλ.
συμφ. νῦν δὲ ὅτι ὡς ἀληθῶς καὶ τὰ ἐξ ἡγε-
μενικῆς, καὶ εἰκότως. εἰ γὰρ νῦν δὲν ἐστὶ πᾶν, κα-
θὼς ὀνόματι ὠρίσασθαι, τὸ μὴ ὑπὸ νόμου πινὸς
ἢ δόγματι κυρέμενον ἰδιωτῶν, τὸ μὴ εἰς
ἰδικὸν μεταπίπτειν ὄνομα σωματικόν, καὶ
τὸ μὴ ἐπὶ τῷ αὐτῷ γένει ἰσχυρὸν ἡγήσα-
μενικῆς ὡς περὶ δόσεως ἢ πειρήσεως ἐπὶ δόσιν
ἢ ποιήσιν· τὸ μηδενὸς τέττων μετέχον, μηδὲ
τῷ αὐτῇ δυνάμει ἀποφερόμενον γνώρισ-
μα, νῦν δὲ καὶ αὐτὸ περὶ τῶν ἀγῶν καὶ ἡγε-
μενικῶν κληθείη. καὶ νῦν δὲν, ὅτι ὡς τὰ ἐξ
ἰντερβάλλο, ἀλλ' ἐπὶ τῆς φύσεως καὶ ἰσχύος.
Ergo, inquit, revera nuda pacta sunt
etiam qua ex continenti, & meritò. Nam
si nudum pactum est, ut lex ipsa defini-
vit, quod non lege quadam aut senatus-
consulto specialiter confirmatur, quod
non transit in speciale nomen contractus,
quod non stat in eodem genere prius ali-
quo dato vel facto, ut detur aut fiat: uti-
que quod nullius horum particeps est, nec
notam habet, unde agnosceatur habere,
eandem vim, nudum & ipsum artificiose
admodum & accurate vocabitur: nu-
dum

dum autem non ut illa ex intervallo, sed natura alterius & aliam vim habens. Cæterum juris nostri conditores omnem conventionem extra contractum, non alio nomine, quam nudi pacti, aut pacti placitive simpliciter, appellare solent. l. 6. l. 7. §. quinimo. 5. & seq. ff. hoc tit. l. in bona. 13. C. eod. l. etiam. 30. ff. de usur. l. frumenti. C. eod. l. 6. C. de iur. dot. cum similib.

C A P. IX.

De pactis in continenti contractibus adjectis.

1. *Pacta in continenti adjecta bonæ fidei iudiciis insunt etiam ex parte actoris: adjecta ex intervallo duntaxat ex parte rei. & latius N° 4.*
2. *Illustratur hoc variis exemplis.*
3. *Removetur difficultas quadam, quam parit l. 7. §. 5. hoc tit.*
5. *Quid Papiniano sint adminicula contractus.*
6. *Quid extra naturam contractus Vlpiano.*
7. *Non male interpp. vulgo secernere na-*

turalia contractuum à substantialibus.

8. *Quid juris in pactis circa substantiam contractus.*
9. *Quid in pactis quæ contra substantiam contractus adhibentur, eorumve natura repugnant.*
10. *Quid in iis, quæ terminos natura contractus egrediuntur.*
11. *Ex continenti sive in continenti, locutio nostris familiaris: cui opponitur postea, ex intervallo &c.*
12. *Quid Latinis continens.*
13. *Quam variè hæ voces ex continenti, vel in continenti in jure nostro accipiantur.*
14. *Quæ pacta ex continenti fieri dicantur.*
15. *An etiam ea, quæ negotio contracto mox sine ullo intervallo subjiciuntur: ubi multa notatu digna.*

¶ **E**X his, quæ hætenus differuimus, apparet pacta, quæ adjiciuntur dationibus & factis, ut ita loquar, informibus & simplicibus, puta cum do aut facio ea lege, ut vicissim quid detur aut fiat, constituere contractum innominatum: cujus hæc vis sit, ut civilem

lem incerti actionem, id est, præscriptis verbis producat. Agendum porro est de iis pactis, quæ adjiciuntur factis & dationibus, quæ alias certam formam habent, quærendumque quem effectum habeant pacta apposita contractibus nominatis. Et aut pacta hæc adjiciuntur contractibus ex continenti, aut ex intervallo. De adjectis in continenti traditum est, ea inesse bonæ fidei judiciis etiam ex parte actoris, actionemque contractus & contractum ipsum formare, legemque contractui dare: & contra de interpositis ex intervallo, ea non inesse ex parte actoris, sed tantum ex parte rei locum habere, eique prodesse ad exceptionem. *l. juris gentium. 7. §. quinimò. 5. & seq. ff. hoc tit. l. in bona. 13. C. eod. l. cum dotem. 10. C. de jur. dot. l. pacta conventiona. 72. ff. de contr. empt.*

2. Illustremus rem exemplis. Venditor emptori cavere tenetur nomine evictionis, non tamen, ut satisfacet dato fidejussore; sed sufficit regulariter nuda repromissio. *l. emptori. 37. l. si dictum. 56. ff. de evict.* Hic autem, siquidem ex continenti convenerit, ut venditor ob evictionem satisficeret, hoc est, fidejussor-

dejuſſorem (*vvaerborge*, qui ſecundus auctor. *l. 4. ff. de evict.*) daret, pactum hoc ſive conventio format contractum, id eſt, legem hanc contractui dat, ut ſatiffidetur, formatque etiam ipſam actionem, id eſt, facit, ut actio ex empto porrigatur etiam ad id, quod pacto comprehenſum eſt, atque ut poſſit emptor iudicio empti cum venditore experiri, eumque compellere, ut eviſtionis nomine fidejuſſorem det. *d. l. 4. l. 37. l. 56. ff. de evict.* Quod ſi vero ex intervallo emptione jam perfecta idem convenerit, id pactum emptori ad agendum & fidejuſſorem pro eviſtione petendum non proderit. *l. 7. §. quinimò. §. verſ. idem reſponſum. ff. hoc tit. l. pacta. 72. ff. de contr. empt.* Vendidi tibi fundum ea lege, ut in rem tuam fundo accederet aratrum, aut boves aratorii, aut quid aliud, valet conventio non aliter, quam emptio ipſius fundi. *l. ſi in emptione. pr. 34. l. fiſtulas. 78. ff. de contr. empt.* Et ex converſo, quod meo commodo fieret, vendidi tibi partem domus, ut alteram partem conductam haberes certa mercede, valet hæc conventio haud ſecus, quam de pretio alterius partis. *l. fundi. 79. ff. eod.*

eod. tit. Cæterum neutra aliter, quam si in continenti apposita sit. *dd. ll.* Natura depositi hæc est, ut in eo dolus duntaxat præstetur. *l. 5. §. 2. ff. commod. l. contractus. 23. ff. de reg. jur. l. 1. §. ult. ff. depos.* At enim si ab initio convenierit, ut depositarius culpam quoque præstaret, rata est conventio; quippe quæ legem hanc deposito dat, ut culpa quoque præstetur, quam alias hîc contractus non recipit. *d. l. 1. §. si convenit. ff. depos. d. l. 5. §. 2. ff. commod. d. l. contractus. de reg. jur.* Plura ejusmodi exempla passim obvia. Huc etiam pertinet lex commissoria, lex redhibendi oblato pretio, item lex illa vulgaris, ut si displicuerit, res sit inempta, & ea quæ dicitur in diem addictio. Casus fortuiti in nullo bonæ fidei iudicio præstantur. *l. 6. C. de pign. act.* Si tamen initio nominatim convenerit, ut commodatarium puta, aut conductorem, aut venditorem damnum fatale sequeretur, conventio servabitur, quia legem contractui dedit. *d. l. contractus. 23. de reg. jur. d. l. 6. C. de pign. act. l. 1. C. commod. l. 9. §. 2. ff. locat. l. 1. ff. de peric. & comm. rei vend.* Unum addam, quod nonnihil difficultatis habere videtur.

detur. Id tale est. Si in contrahendo matrimonio & dote constituenda huiusmodi pactum apponatur, ne tempore statuto dilationis (annuâ, bimâ, trimâ die) dos reddatur, sed statim; hoc pactum soluto matrimonio ad agendum mulieri prodest, formatque actionem rei uxoriæ: Si verò forte jam divortio factò convenerit, ut non expectata legitima dilatione dos statim redderetur; tale pactum ad agendum non valet. *l. 7. §. 5. hoc tit.* quia in pactis ex intervallo adjectis non est recessum à regula, ex pacto actionem non dari.

3. Dixeris autem hanc pactiōem, non obstante eo, quod ex intervallo interposita sit, saltem prodesse debere ad replicationem, ut si muliere statim petente, excipiendo alleget maritus ante annum non rectè peti, replicare possit mulier, pacto eam dilationem esse sublatam. *arg. l. si unus. 27. §. 2. ff. hoc tit.* Respondeo, exceptio, quæ mulieri ante tempus dotem petenti objicitur, legitima est, pacti conventi non item. Nimirum pactum de non petendo tantum ex conventu valet tuitione prætoris, non legis alicujus confir-

firmatione; & ideo exceptio inde competens alterius pacti replicatione adjuvante prætoris facile tollitur. At pactum, quod obligationem ex lege descendantem auget, inutile est adjectum ex intervallo, & ne ad replicationem quidem valet, ut majorem, quam ex lege est, obligationem reddat; quod utique hîc saltem effectu futurum esset, si vires haberet pactio. Alii respondent nullam ante legitimum tempus mulieri actionem competere, propterea quod lex maritum non nisi elapso anno obligat & cogit ad restitutionem dotis.

4. De pactis igitur adjicientibus sive augendæ obligationis gratia interpositis sic habendum, ut si ex continenti bonæ fidei contractibus fuerint adjecta, contractum forment, forment actionem ipsam, quæ ex contractu datur: quod Græci sic exprimunt, ἀμείβουσι, τυπῶσι, μετατυπῶσι πλὴν ἀγωγῶν, καὶ τῶν ἐν ἀγωγῇ συμβάλλον. At contra, quæ ex intervallo interponuntur, contractum, vel actionem contractus non formant; propterea quod post contractum jam usquequaque perfectum interponuntur: & ideo ad actionem non pro-

profunt, τῆς ἐνάρξεως ἔσ συμβάλλει). At vero pacta detrahentia, quæ obligationem minuunt, quæ levio- rem conditionem unius è contrahentibus faciunt, etiam ex intervallo facta profunt ad exceptionem, τῆς ἐνάρξεως πᾶσι τῶν διαπραφῶν. Ut ecce, si post emptionem perfectam ex intervallo convenerit, ne venditor cautionem duplæ præstet: hæc pactio quamvis ex intervallo interposita, contractu continetur, auctore Papiniano in *l. pacta conventa. 72. ff. de contr. emp.* id est, vires habet jure exceptionis agente emptore de cautione præstanda. Loquitur autem ita Papinianus, quia exceptio pacti inest bonæ fidei judicio. *l. 3. ff. de resc. vend. l. sed et si. 21. sub fin. ff. solut. matrim.* id est, judex exceptionis rationem habet, etiam si reus in lite contestanda eam omiserit. Quod si ab initio in venditione convenerit, ne cautio duplæ præstetur, tutus erit venditor ipso jure. Idemque dixerim, si talis conventio venditioni mox subiecta sit. *arg. l. lecta. 40. ff. de reb. cred.* Atque hæc ita se habent in pactis circa adminicula contractus, ut ea vocat Papinianus *d. l. pacta. 72. ff. de contr. empt.*
cum

cum aliquid extra naturam contractus convenit, ut Ulpianus *d. l. 7. §. quinto. s. vers. idem responsum. ff. hoc tit.* *ὅτι φύσιν συναλλάγματος*, ut Græci.

5. Adminicula Papiniano dicuntur dies, conditio, modus, aliaque adjuvamenta ad negotium promovendum, quæ adesse & abesse possunt, ut tamen contractus per se ac sine iis consistat; Græci *ἀφορμαὶ* vocitantur: veluti, ut scriptura adhibeatur, ut periculum præstetur, ut præstetur culpa in contractu, qui dolum tantum recipit, aut dolus duntaxat in eo, qui recipit & culpam, ut dos statim non expectato legitimo tempore dilationis reddatur, in emptione & venditione, ut cum fidejussore cautio duplæ præstetur, vel, ut ne omnino præstetur, ut pensitentur usuræ pretii tardius exoluti. *l. 5. C. de pact. int. empt.* ut pretio sua die non soluto res sit inempta, &c. Pomponius causas obligationum vocat, sed quæ pacto mutabiles. *l. nec ex pratorio. 27. de reg. jur.* De his rebus cum pacta fiunt, ea sunt, quæ extra naturam contractus fieri ab Ulpiano dicuntur. Extra naturam contractus, id est, extra *ύσιν*, essentiam contractus, quæ non attin-

attingunt contractus substantiam.

6. Igitur extra naturam emptionis est, si quid extra rem aut pretium; extra naturam locationis, si quid extra usum rei & mercedem dari aut fieri convenit. Nam quod Papinianus in *d. l. pacta conventa. 72. ff. de contr. empt.* emptionis substantiam, id Ulpianus *d. l. 7. §. quinimo. 5. vers. idem responsum. ff. hoc tit.* citans sententiam Papiniani, quæ ex *lib. 10. quest.* relata est in *d. l. pacta conventa.* appellat contractus naturam.

7. Non male tamen alias natura contractus à contractus substantia distinguitur; quemadmodum & Interpretes vulgò contractuum naturalia à substantialibus secernunt. Naturalia enim recte appellabimus, quæ naturaliter insunt cujusque contractus judicio, si de his nihil convenerit. *l. 11. §. 1. ff. de act. empt.* verbi causa, ut dicamus naturam emptionis & venditionis esse, ut simpliciter de evictione caveatur; depositi, ut dolus solus præstetur; commodati, ut præstetur & culpa & diligentia. Hæc enim est horum contractuum conditio, modus & jus, quod eorum naturæ lex tribuit, ut hoc

ex-

explicat Paulus *l. si unus. 27. §. 2. in fin. ff. hoc tit.* qui & alibi agens de pacto, quod ad mandati adminicula pertinet, ait id naturam mandati excedere. *l. 5. §. pen. ff. de præscr. verb.* Cæterum quia hæc naturæ contractuum insunt tantum ex accidentia, & ideo adesse vel abesse possunt, salva substantia contractus, inde est, quod pacta, quæ de iis fiunt, extra naturam contractus fieri dicat Ulpianus, per naturam intelligens ipsam contractus substantiam, hoc est id, sine quo negotium consistere non potest: verbi gratia, emptio & venditio sine pretio, locatio & conductio sine mercede nullius momenti sunt, quia ex his substantia horum contractuum constat.

8. Quid ergo juris in iis pactis, quæ substantiam contractus attingunt? nimirum illa etiam ex intervallo interposita, rebus integris, insunt à parte agentis, actionemque contractus formant. Veluti si post emptionem perfectam, re tamen adhuc integra, id est, neque pretio dato, neque re tradita, convenerit de pretio augendo minuendove. *l. 7. §. adeo. 6. ff. hoc tit. d. l. pacta conventa. 72. ff. de contr. empt. l. 2. ff. de*

ff. de resc. vend. Atque hanc regulam usque adeo veram esse scribit Ulpianus in *d. l. 7. §. adeo.* ut constet conventionem postea facta ab emptione cæterisque bonæ fidei judiciis re nondum secuta abiri posse. *l. ab emptione. § 8. ff. hoc tit. l. 3. l. 5. §. 1. ff. de resc. vend. l. 1. C. quand. lic. ab empt. disc.* Atque hoc argumento, tanquam à majori ad minus, mox probat, etiam partem contractus pactione mutari posse, puta ut vel pars tantum rei venditæ aut locatæ vendita vel locata maneat, vel ut augeatur minuaturve pretium aut merces. *l. 2. ff. de resc. vend. d. l. pacta conventiona. 72. ff. de contr. empt. l. si unus. 27. §. 2. vers. quod si non. hoc tit.* Quomodo verò hæc pacta insunt contractui, quæ novum contractum inducunt? Respondemus hisce pactis proprie non tam renovari contractum, quam reformari & repeti, id quod apud Ulpianum satis indicant notæ improprietas, *quodammodo, quasi.* Hæc autem ea pacta sunt, quæ Græcis τὰ καὶ φύσιν συναναλλήματα συμφωνήματα, Ulpiano, quæ ex eodem sunt contractu. καὶ φύσιν est καὶ ἑοικέν· ex eodem contractu, ex substantia contractus.

9. Eorum autem pactorum, quæ contra substantiam contractuum adhibentur, eorumve naturæ repugnant, quædamtanquam accessiones insuper habentur, & nullius momenti sunt salvo contractu; veluti si convenerit in societate, ut ab ea non liceat recedere. *l. 14. junct. l. nulla. 70. ff. pro soc.* aut ut ad unum lucrum, ad alterum damnum pertineat. *l. si non fuerint 29. §. 2. eod.* in deposito aut precario, ut non nisi post certum tempus repetatur. *l. 1. §. antepen. & pen. ff. dep. l. cum precario. 12. ff. de prec.* Quædam priorem contractum renovant, novæque conventionis jus ac nomen inducunt: veluti si in deposito, commodato mandato convenerit, ut merces præstetur: hîc enim ex deposito, commodato, mandato, quæ natura sua gratuita sunt, efficietur locatio & conductio. *l. 1. §. si vestimenta. 8. ff. depos. l. 5. §. 2. ff. commod. l. si polienda. 22. ff. de præscr. verb. §. 2. Inst. quib. mod. re contr. obl. §. ult. Inst. mand.* Natura emptio- nis & venditionis est, ut pretium & merx inter se commutentur, locatio- nis & conductionis, ut merces & usus rei: si convenerit, ne pretium aut merces detur, donatio est, non emptio aut loca-

locatio. *l. si quis. 38. ff. de contr. empt. l. si quis. 46. ff. locat.* Natura societatis est, ut uterque aliquid conferat; si convenerit, ut alter solus conferat, alter nihil; non societas, sed donatio est. *l. 5. §. ult. pro soc.*

10. Denique quædam pacta notam contractus, cui apponuntur, naturam egredientia, non tam contractum transformant, quam alterant: veluti si quis pecuniam hac lege deposuerit, ut depositario ea uti liceret, & ut præstaret usuras: hæc enim conventio licet excedat depositi modum; non tamen efficit, ut res in alium contractum abeat. *l. Lucius. 24. l. Publia. 26. §. 1. ff. de pos. add. Hotom. illust. quest. 36. & 37. Cujac. 2. obs. 15. & ad l. 7. §. quinimo. 5. & seq. ff. hoc tit. Pac. Duar. & Baron. ibid. Borcholt. c. ult. de pact. n. 56. & 57. Bachov. e. de pact. renovat.*

11. Explicemus nunc, quod hic locus omnino postulat, quando pactum in continenti contractui adjectum esse intelligatur. Ex continenti sive in continenti, unde Gallicum *incontinent*, locutio est Jurisconsultis familiaris, idem significans, quod sine ulla intermissione, è vestigio, illicò, confestim, continuo,

nuò, ἀφ' ἑξῆς, οὐδὲς, quibus oppo-
 nuntur *postea, post tempus, ex intervallo*,
 μετ' ἑξῶν. Eum, qui cum armis venit,
 possumus armis repellere; sed hoc *con-*
festim, ait Ulpianus in *l. 3. §. eum autem.*
9. ff. de vi & de vi arm. & mox eun-
dem, qui dejecit, permissum dejicere,
non ex intervallo, sed ex continenti.
 quod Julianus in *l. qui possessionem. 17.*
ff. eod. dicit illico, in ipso congressu. In
l. si usuras. 21. C. de usur. in continenti
 dicitur facta numeratio, quæ pignoris
 dationem è vestigio secuta est. In *l.*
lecta. 40. ff. de reb. cred. l. si ita. 135. §.
Seia. 2. ff. de verb. oblig. l. 3. C. de edil. act.
 pactum in continenti factum aut secu-
 tum, est pactum contractui continuo
 appositum, junctumque quasi negotii
 quadam continuatione.

12. Continens enim inter alia La-
 tinis idem est, quod Græcis συνέχον.
 Continentia urbis appellamus ædifi-
 cia urbi juncta & contigua. Unde Ro-
 mæ etiam ea fieri intelliguntur, quæ in
 continentibus Romæ ædificiis fiunt, id
 est, in suburbiis, ἐν μεγαστέοις. *l. ædificia.*
139. l. mille passus. 154. l. collegarum. 173.
§. 1. l. absentem. 199. ff. de verb. sign. Qui
 in continentibus urbis nati sunt, Ro-
 mæ

mae nati intelliguntur. *l. 147. eod.* Sic continentes provincias veteres dicebant, quae Italiae conjunctae sunt, ut Galliam & Provinciam, quod Italiae proxime coherent nullo interjecto mari. *l. notionem. 99. §. 1. eod.* Cicero in epistolis partem Cappadociae continentem cum Silicia facit. Caeterum hae voces, *ex continenti* vel *in continenti* pro re subiecta aliter atque aliter accipiuntur.

13. Interdum in continenti accipere debemus *ἐν πλάτῃ* cum modico spatio & laxamento aliquo temporis, quod arbitrio judicis sit definiendum. *l. 1. §. item si ita. 8. ff. ad leg. Falc. l. ratum. 13. ff. de solut.* Quemadmodum & Sicilia inter continentes provincias numeratur, eo quod modico tantum freto Italia dividitur. *d. l. notionem. 99. §. 1. de verb. sign.* In lege Julia de adulteriis coercendis, qua permissum patri filiam in adulterio deprehensam una cum adultero occidere, sed in continenti, *ἢ in continenti* sic acceptum est, ut si dum adulterum occidit, filia profugerit, patre non dissimulante, & interpositis horis apprehensa sit, & à patre, qui eam persequebatur, occisa, in con-

continenti occisa videatur. *l. quod ait lex. 23. §. ult. ff. ad leg. Jul. de adult.* Interpositis horis, est *μετὰ πρὸς ὥρας*, post horas aliquot, ut Græci *lib. 60. Basilic. tit. 37.* Interdum & quod triduo post factum est, ex continenti factum intelligitur, ut in specie *l. ult. C. de err. advoc.* ut & illico fieri, quod fit intra triduum proximum, ut in *l. ult. C. de judic.* In materia defensionum Græci interpretantur in continenti *ἐν τῇ αὐτῇ ὥρᾳ*; ut ex Theodoro Hermopolite adnotavit Cujacius *lib. 5. obs. 18.*

14. Pacta autem ex continenti fieri dicuntur, quæ fiunt in ingressu contractus. *l. 7. §. quinimò. 5. ff. hoc tit.* in ingressu, id est, initio contractus. *l. initio. 5. C. de pact. int. empt. l. contractus. 23. de reg. jur. l. si alienam. C. de fidejuss.* quæ ab initio fiunt. *l. 5. §. 2. ff. commod. l. Lucius. 24. ff. depos. in fin.* Græcis *ἐν ἀρχῇ συνόμματα*. Initium autem & ingressum non debemus intelligere primum contrahentium congressum de re aliqua tractare incipientium: nam quomodo pacta de re ad contractum pertinente fieri possunt, cum de re ipsa nihil tractatum est? sed quæcunque ante tractantur & agitantur inter con-

G

tra-

trahentes, quibus efficitur, ut res tandem conveniat, de qua agi cœptum est, ea contractus initium rectè appellamus, quia plenum in rem consensum antecedunt; item ingressum, quia sunt ejusmodi, per quæ ingredimur & pervenimus ad eum consensum. Neque enim verbi causa, ut primum aliqui de re emenda vendendaque tractare inter se cœperunt, ita continuo emptio inter eos contrahitur; sed longum sæpe tempus intercedit prius, quam de re conveniat. *l. 8. C. de resc. vend.* Quæ ratione quæ in ingressu contractus fieri dicuntur *d. l. 7. §. quinimo.* alibi dicuntur fieri tempore contractus. *l. pen. C. de pact. int. empt.* quia scilicet fiunt per id tempus, quo res geritur, seu in negotio gerendo, ut hoc expressit Ulpianus *l. pacisci. 31. ff. hoc tit.*

15. Quid ergo, an non etiam ea pacta in continenti fieri rectè dicuntur, quæ negotio contracto mox sine ullo intervallo subjiciuntur? Et multi quidem hoc rectè dici posse fatentur secundum verbi significationem, sed negant id posse intelligi in quæstione proposita, cum scilicet, *incontinenti* & *postea sive ex intervallo*, opponuntur. & sanè

sanè non sine speciosis admodum rationibus. Nam primum ea pacta in continenti fieri definit Ulpianus *d. l. 7. §. quinimò.* quæ legem contractui dant, id est, quæ sunt moderamen & temperamentum quoddam contractus, sine quibus contractus initus non fuisset. At non alia pacta videntur legem contractui dare posse, quam quæ interponuntur antequam de re convenit in negotio gerendo, cum adhuc contractus est in fieri, ut possit per pactum formari, ut loquitur Castrensis in *d. l. 7. §. quinimo.* Contractus autem jam perfectus & absolutus non potest eorum judicio aliam formam à pacto accipere; quia inter se pugnent, venditionem verbi causa contrahi simpliciter, & contrahi certa lege. Deinde in *l. 5. C. de pact. int. empt. & vend.* ajunt, non tantum scriptum esse, eam conventionem valere, quæ facta est initio venditionis: sed etiam additum nominatim, eam non valere ad agendum, quæ initio facta non sit. Neminem autem dicere posse pacta in ingressu aut initio contractus facta esse, quæ contractu jam perfecto secuta sunt: licet enim statim sequantur, fieri tamen pos-

ſtea, id eſt, poſt contractum negotium. Quamobrẽ etſi maximẽ non repugnat ſignificationi verbi, ut dicamus etiam ea pacta in continenti adjici, quæ contractui jam perfectõ è veſtigio apponuntur; tamen non poſſe dici adjecta in ingreſſu, initio contractus; neq; etiam in continenti ad hunc effectum, ut actionem contractus forment, legem contractui dent, eique inſint & partem ejus conſtituant. Verum enimverò vix eſt, ut ego huic ſententiæ acquieſcere poſſim. Movet me in contrarium locus Ulpiani in *d. l. 7. §. quinimò*. ubi Jurifconſultus ſic definit, ut ſiquidem pacta ex continenti ſubſecuta ſunt, etiam ex parte actõis inſint; ſin ex intervallo, non item. Nam his verbis, ſi quid ego video, ſatis aperte ſignificat etiam ea pacta, quæ poſt contractum, dummodo ſine intervallo, ſubjiciuntur, ex parte actõis ineſſe: ex adverſo verò non ineſſe, ſi quid poſt contractum ex intervallo convenerit; quomodo & ipſe poſtea hoc explicat. Et huic ſimile eſt, quod Imperatores in *l. 3. C. de adil. act.* reſcribunt, poſſe emptorem experiri ſecundum fidem non modo pacti antecedentis, verum etiam in continenti ſecuti:

secuti: ubi palam est per pactum antecedens intelligi id, quod in ingressu sive initio aut tempore contractus interpositum est; in continenti secutum, quod mox contractui adjectum. Unde necessario consequitur, ea quoque pacta, quæ in continenti subjiciuntur, contractui bonæ fidei ex parte actoris inesse, actionemque ex contractu descendentem formare, ejusque velut partem censerī. *Ἀπὸ τῆς οὐσίαν*, & propter laxam benignamque horum contractuum naturam. Itaque quod dicitur in contractu aut initio contractus fieri, necesse non est sic præcisè accipi, ut excludatur id, quod in continenti nullo alio actu interveniente subsequitur, & demum quasi seriò negotium bonæ fidei concludit. Nam & alias, quod statim perfecto negotio interponitur, veluti tutoris auctoritas. *l. si quis. 25. §. iussum. 4. ff. de acq. her.* in ipso negotio interpositum dicitur. *l. obligari. 9. §. tutor. 5. ff. de auct. tut.* eo quod *οὐσίαν*, continenter, & quasi calente adhuc negotio subsequitur. & sic etiam in solutione sive in repræsentanti constituere dicitur, in quam causam solutum velit, qui statim atque

solutum est, constituit. *l. 1. in fin. ff. de solut.* Neque huic interpretationi refragantur hæc verba Ulpiani in *d. l. 7. §. quinimò. ff. hoc tit. ea pacta insunt, qua legem contractui dant; id est, qua in ingressu contractus facta sunt.* Nam particula, *id est*, hoc loco non est *ὁριστική*, sed *ἀποδειγματική*, non definit, sed declarat, quemadmodum passim exemplis deservire solet, uti observare licet in *l. si ex causa. 9. in fin. pr. ff. de minorib. l. 8. ff. de vulg. & pupill. subst. l. 3. §. cæterum. 12. ff. de acq. poss. sexcentisque aliis locis, adeoque iterum in eadem illa l. 7. §. pactorum. 8. ibi, id est, ne à L. Titio petam.*

Perinde igitur verba ista accipienda sunt, ac si scriptum esset, *ea pacta insunt, qua legem contractui dant, veluti qua in ingressu contractus facta sunt.* Pacta quoque stipulationi in continenti subjecta stipulationi inesse responsum est. *l. lecta. 40. ff. de reb. cred.* sed nimirum, quod locus iste solummodo probat, ex parte rei: ex parte verò actoris in stipulationibus, quarum stricta est natura, tantundem dicere non ausim. Sed de eo postea ex professo.

C A P. X.

An pacta in continenti adjecta
contractibus stricti juris ex
parte actoris similiter in-
sint, ut bonæ fidei
judiciis.

1. *Argumenta, quibus ostenditur pacta, licet in continenti facta, non inesse strictis judiciis ex parte actoris.*
2. *Removetur objectio quadam ex l. 1. §. quod vulgo. 25. de vi & de vi arm.*
3. *Nullum locum in jure nostro occurrere, quo probari possit pactum mutuo aut stipulationi in continenti appositum actionem parere.*
4. *Cur usura in bona fidei judiciis ex pacto statim appposito debeantur, creditæ pecunia non item.*
5. *Confutatio argumentorum, quibus plerique probare conantur pacta mutuo adjecta prodesse creditori ad actionem.*
6. *Respondetur ad argumentum ductum ex l. in traditionibus. 48. hoc tit.*
7. *Non rectè ex l. venditor. 13. comm. prad. colligi, pacta ex continenti facta*

- stipulationi inesse à parte stipulatoris.*
 8. *Explicatur l. petens. 27. C. hoc tit.*
 9. *Sententia l. 4. §. ult. ff. hoc tit. & l. si ita quis. 135. §. 2. de verb. obl.*
 10. *Interpretatio l. lecta. 40. de reb. cred.*
 11. *Omnis oratio, quantumvis generalis, de his tantum accipienda, de quibus actum est.*
 12. *Conclusio & summa precedentis disputationis.*

Quæstio est agitata in Academiis, an quæ pacta in continenti subjiciuntur cōtractibus stricti juris, ea perinde cōtractum, cui apponuntur, forment, prosintque actori ad actionem, ut ea, quæ in continenti adjiciuntur cōtractibus bonæ fidei. Mihi verior semper visa est sententia negantium, quam & amplexi sunt *Cuiac. & Bus. ad l. 7. §. quinimo. 5. ff. hoc tit. Alciat. & Donell. ad l. in bona. 13. C. eod. & novissime duo eximii Jurisconsulti Diop. Tuldenus, & Ant. Perezius in tit. Cod. eod. nec non Henr. Zoef. ad Pand. eod. n. 61. & seqq.*

1. Etenim persuadere mihi non possum frustra esse, quod veteres, cum pro regula tradunt, pacta in continenti

nenti facta ex parte aëtoris inesse, nominatim addunt, in bonæ fidei judiciis. *d. l. 7. §. quinimo. l. in bona. 13. C. eod.* Quorsum enim hæc adjectio, in bonæ fidei judiciis, nisi ut intelligamus in strictis judiciis non idem juris esse? Non licet hic dicere Jurisconsultum in *d. l. 7. §. quinimo. 5. & seq.* exempli duntaxat causam mentionem facere judiciorum bonæ fidei, non quia aliud juris sit in judiciis strictis: quoniam cum variis exemplis rem illustret, nullum tamen profert, nisi judiciorum bonæ fidei. Sic cum dicitur, in bonæ fidei contractibus usuras ex mora deberi. *l. mora. 32. §. 2. ff. de usur.* hoc significari constat, deberi in hisce judiciis tantum, non etiam in judiciis stricti juris: quippe in quibus non debentur, nisi in stipulationem deductæ. *l. Titius. 24. ff. de præscr. verb. l. 3. C. de usur.* Similiter cum dicunt Consulti exceptiones pacti & doli inesse bonæ fidei judiciis. *l. 3. ff. de resc. vend. l. sed & si. 21. in fin. ff. sol. matr.* Hoc eos dicere intelligimus, in his solum inesse, in strictis non item: quoniam in strictis exceptiones non veniunt, nisi nominatim contestatæ. *l. siquidem. 9. l. ult. C. de*

except. Denique supervacuum & ineptum esset de bonæ fidei judiciis nominatim addere, si pacta in continenti facta pariter inessent omnibus contractibus, quibus subjiciuntur.

2. Plane non nego interdum de certis rebus nominatim aliquid pronuntiari, quod tamen tanquam *ὑποκατάστασις* prolatum, etiam de rebus aliis accipi oporteat: veluti quod vulgo dici Iuriconsultus in *l. 1. §. quod vulgo. 25. ff. de vi & de vi arm.* scribit, saltuum hibernorum æstivorumque retinere nos animo possessionem. Id enim ait exempli tantum causa Proculum dixisse: cæterum idem esse in prædiis omnibus, ex quibus non hac mente recedimus, ut possessionem omitamus. Sed quod hæc definitio concepta sit de saltibus hibernis & æstivis, hoc eam rationem habet, quia eos certis temporibus relinquere solemus. *l. 3. §. saltus. 11. ff. de acq. poss.* quod in aliis prædiis ita fieri non solet. Eadem tamen omnium ratio est, quod attinet ad possessionem animo retinendam: cum judiciorum bonæ fidei & stricti juris in re proposita ratio longè sit diversa.

3. Po-

3. Postremò nullus in libris nostris locus occurrit, quo probari possit, pactum mutuo aut stipulationi quantumvis in continenti appositum, actionem parere, contractibus istis legem dare, actionemve eorum formare, ita his inesse, ut ex eo aut ex contractu, cui apponitur, agi possit ad id, quod pacto comprehensum est, augere aut extendere verborum aut pecuniæ creditæ obligationem. Proponamus me stipulatum esse fundum dari, & deinde convenisse in continenti, ut ad fundum accederet familia rustica aut boves aratorii; nam pactum stipulationi apponi non potest, nisi post responsionem; cum id quod verbis ipsis continetur, pars sit stipulationis. Ajo familiam rusticam bovesve aratorios neque ex pacto neque ex stipulatu peri posse; ut ut pactum factum sit statim & subiectum stipulationi. Ratio est, quia natura stipulationis hæc est, ut, quoniam verbis, non solo consensu fit, pro omisso habeatur, quicquid palam verbis non est expressum. *l. quicquid. 99. ff. de verb. oblig.* Similiter si tibi centum dero mutuò, & in dando hanc legem adjecerim, ut præter centum mihi red-

deres

deres & alia quinque: nihil agitur hoc pacto. Dices hoc pactum ideo non valere, quia re obligatio contrahi non potest ultra quam datum est. *l. si tibi. 17. pr. ff. hoc tit.*

4. Sed cur pacto in continenti adjecto non idem hic efficitur, quod interposita stipulatione? Usuræ in bonæ fidei iudiciis etiam ex pacto statim appposito debentur. *l. cum quidam. 17. §. ex locato. 4. ff. de usur. l. 5. C. de pact. int. empt. creditæ pecuniæ non item. l. 3. C. de usur.* Cur tam variè? An quia usuræ odiosæ? At hac ratione efficeretur, ut ne in bonæ fidei quidem iudiciis usuræ ex pacto peti possent, per *l. quod si locus. 11. ff. de religios. l. 7. ff. de serv. export.* & quid si convenerit, ut usuræ uncix duntaxat, aut sextantes præstentur? Denique non à favore vel odio, sed ex eo, quod pacta vel insunt, vel non insunt, quæstionis hujus decisio petenda: fieri enim non potest, quin ubi pactum contractui inest, partemque ejus constituit, ex ratione juris actio quoque ex eo contractu ad petendum, quod pacto comprehensum est, competat. Non alia igitur, hic quærenda ratio, quam quæ à Paulo red-

redditur *lib. 2. sent. 14.* scilicet quia ex nudo pacto inter cives Romanos actio non nascitur. Quibus verbis manifeste significat, nulla pacta mutuo adjecta inesse ex parte actoris, civè prodesse ad actionem, utpote quæ in partem hujus contractus transire nequeant; & ideo effectu manere nuda. Contractuum verò bonæ fidei alia ratio est, & eorum maximè, qui solo consensu perficiuntur: nam ut hi contractus solo consensu constant, ita & omnem consensum, tanquam naturæ suæ convenientem admittunt: ac de his potissimum hic agi exempla declarant. Occurrunt quidem & exempla pactorum, quæ in contractibus bonæ fidei, qui re perficiuntur, interposita & ipsa his contractibus insint; cæterum præter exemplum de usuris in deposito irregulari. *l. Lucius. 24. ff. depos.* non alia, quam quæ circa præstationes horum contractuum fiunt; veluti ut in deposito culpa quoque præstetur, ut in commodato aut pignore dolus duntaxat, aut præter dolum & culpam etiam casus fortuitus. *l. 1. §. si convenit. 6. ff. depos. l. 5. §. 2. ff. commod. l. 1. C. eod. l. qua fortuitis. 6. C. depign. act.*
cujus-

eujusmodi tamen pactis locus esse non potest in mutuo. Argumentorum, quibus hæc sententia oppugnatur, & contraria adstruitur, magna est copia; cæterum vix unum & alterum, quod stringat. Congessit ea Iohan. Gœddæus *tract. de contr. & committ. stipul. c. 8. concl. 2.* ubi magno molimine conatur probare etiam in contractibus strictis pacta ex continenti facta inesse à parte actoris, actionemque verbi causa ex stipulatu aut conditionem certi formare. quæ & DD. communis est opinio, probata quoque Hottomanno *illustr. quest. 36. & 1. amicab. resp. 31.* Duareno & Ant. Fabro in *l. 7. §. quinimo. s. ff. hoc tit.*

5. Primum videbimus, an ita se res habeat in mutuo. Affertur hîc pro firramento istius assertionis textus in *l. 3. ff. de reb. cred.* ubi Pomponius ait, in mutuo etsi cautum non sit, ut æque bonum reddatur, tamen non licere debitori deterio rem, quæ ex eodem genere sit, reddere. Ex quo colligunt, si hoc cautum sit & tale pactum mutuo adjectum, id ex parte creditoris inesse, eique prodesse ad actionem. Ridiculè. Nihil enim illa cautio addit
mutuo.

mutuo. quippe cum ut res eadem bonitate reddatur, qua data est, naturæ ipsius mutui insit citra ullam aliam conventionem, ut ipse Pomponius hoc explicat. Ait Gœddæus posse mutuum contrahi cum pacto depositi, idque probari existimat per *l. quod si. 10. ff. de reb. cred.* ubi tamen inversus casus proponitur, nempe pecuniæ depositæ sub lege mutui, ut liceret depositario, si velit, ea uti. Sed ponamus me tibi centum mutua dedisse ea lege adjecta, ut si non utaris, sint apud te deposita; nihil hoc ad præsentem disputationem pertinet: nam ex hujusmodi pacto non novam induit mutuum qualitatem, non formatur actio, non extenditur obligatio pecuniæ creditæ, nec ob id agi potest ex mutuo, ut velutatur debitor pecunia, vel eam habeat apud se depositam: sed si, quod ei liberum, utatur, mutuum erit, si non utatur, depositum. Non majoris ponderis est argumentum petitum ex *l. aut mutua. 6. ff. de eo quod cert. loc.* posse nimirum me pecuniam mutuo dare ea lege, ut solvatur certo loco: nam hoc pacto non extenditur actio, sed potius restringitur, & hoc efficitur, ut ne debitor

tor possit alibi conveniri. Utique non ea est hujus pactionis vis, ut quis actione aliqua compelli possit ad solutionem illo loco faciendam.

6. Atenim generaliter, ajunt, definitum est, in traditionibus rerum, quodcunque pactum sit, id valere. *l. in traditionibus. 48. hoc. tit.* Ergo valet, inquiunt, & pactum quodvis adjectum mutuo. Respondco cum Bachovio, id non aliter procedere, quam si datio & traditio sit irrevocabilis; cujusmodi est in iis, quæ constituunt contractum innominatum. Cum enim rem meam in alium pleno jure transfero, æquissimum est, ut rem accipienti eam, quam velim, legem dicam, eaque firmè custodiatur. Deinde procedere hoc in dationibus & factis informibus, & quibus ipsa pacta adjecta dant formam: quod item accidit in contractibus innominatis, quia à pacto dationi adjecto formam accipiunt. Male itaque dicta regula applicatur pactis, quæ apponuntur contractibus formam certam à jure habentibus, & præterea dationem traditionemve revocabilem, aut talem utique, pro qua aliud æquivalens præstetur; quibus ut pacta quævis

vis utiliter apponi admittamus, ratio juris civilis non patitur. Finge mutuum mihi hac lege datum esse, ut currem negotia creditoris, ut tabulam ei pingam, ut pro eo Romam eam, non existimo his pactis me firmiter obstringi; maxime cum mutuum natura sua sit gratuitum, & hujusmodi pacta in fraudem legum de usuris fieri possint. Nec dubito, quin falsa sit sententia Ant. Fabri in *l. 7. §. quinimo. s. ff. hoc tit.* affirmantis omnibus hisce casibus actionem præscriptis verbis competere, quasi ex contractu do ut facias. Nam ubi pecunia non ita mihi datur, ut mea perpetuò maneat, ibi dici non potest esse contractum do ut facias. Si commodato talem legem adjecero, ut commodatarius tabulam mihi pingeret, numquid ridiculum esset, mihi ex tali pacto actionem concedi? Denique tota hæc disputatio est de pactis actionem ipsius contractus, cui apponuntur, formantibus & extendentibus, eamque ipsam porrigentibus etiam ad id, quod pacto comprehensum est.

7. Sed fortassis procedet ista opinio in pactis adjectis stipulationi. Urgent hic Hotomannus & Gœddæus verba
ul-

Ulpiani in *l. venditor. 13. ff. comm. prad. persona possidentium per stipulationis vel venditionis legem obligantur*. quasi his verbis id significaret Jurisconsultus, obligari possidentes per pactionem stipulationi aut venditioni adjectam. Atqui species ipsa illic proposita hanc interpretationem non patitur : nam unus tantum casus proponitur de venditore fundi dante legem alii fundo, quem retinebat. Itaque quod subjicitur, possidentium personas obligari per stipulationis vel venditionis legem, id non eum sensum habet, quem Hotomannus & Gæddæus putant, sed hunc, obligari eos per stipulationem vel pactionem venditioni adjectam, sive per legem stipulatione vel pacto venditioni datam. Non enim pactio solum, sed etiam stipulatio statim contractui adjecta lex dicitur. *l. legem. 9. C. de donat. Cuiac. 8. ad-African. in l. 24. ff. de præs. verb.*

8. Mirificè autem sententiam suam juvari putant rescripto Imperatorum in *l. petens. 27. C. hoc tit.* nam illic ita scriptum est ; *Petens ex stipulatione, qua placiti servandi causa secuta est, seu antecessit pactum, sive post statim interpositum*

tum

tum sit, rectè secundum se ferri sententiam postulat. Hic Hotomannus, quid aliud est, inquit, petentem ex stipulatione, quæ pactum antecessit, audiendum esse, nisi actionem ex stipulatione, cui pactum in continenti subiectum est, competere? Denique ad actionem procurandam nihil interesse, utrum ante, an post stipulatio facta sit. Sed non videtur Hotomannus satis pensiculatè rescriptum illud examinasse. Verba ipsa ostendunt agi illic de eo casu, quo quid petitur ex stipulatione, quæ placiti servandi causa secuta sit, siue de stipulatione facta pacti confirmandi gratia. Et hinc ajunt Imperatores nihil referre, utrum pactum præcesserit, an post statim interpositum sit. Prima facie hæc inter se pugnare videntur: quomodo enim fieri potest, ut stipulatio sequatur pacti ejus servandi causa, quod ipsum demum post stipulationem interponatur? Et certum est eodem sensu ac ratione utrumque simul statui non posse: at diversis rationibus potest. Nam quæ stipulatio præcedit tempore vel scriptura, ea nihilominus rectè dicitur sequi, nempe natura & intellectu, ut
bene

bene *Cuiac. 10. obs. 24. Donell. ad hanc l. 27. C. de pact.* Quippe in concipiendo pacto & stipulatione, de quibus agitur, duplex ordo est; naturalis unus, quem sibi proponit mens & cogitatio contrahentium; alter scripturæ, quo duo ista in instrumento scribuntur. Ordine naturæ stipulatio omnis, quæ adhibetur pacti servandi causa, semper sequitur: prius enim est, ut sit pactum, quam ut firmetur stipulatione. At scripturæ ordo inverti potest, ut incipiatur à stipulatione hoc modo; *Qua infra scripta sunt, ea sibi dari fieri stipulatus est Publius Mavius, spondit Lucius Titius. Qua autem inter se pepigerunt, ea sunt, qua sequuntur, &c.* Hoc verò cum fit, locus est huic rescripto. Et nimis igitur temere Hotomannus pronuntiat, ineptissime in hoc rescripto legi *secuta, profacta*. Quod autem exigunt Imperatores, ut pactum statim post stipulationem interponatur, id non exigunt propter stipulationem, sed propter pacta, quæ sequuntur, ut sciatur, utrum ad præcedentem stipulationem pertineant, nec ne.

9. Adhæc non leve momentum ad sententiæ suæ confirmationem repetisse

rillè se existimant in *l. 4. §. ult. ff. hoc tit. Gl. si ita quis. 135. §. 2. ff. de verb. obl.* Sed neque in his locis cur aliquid præsidii sibi positum putent, justam causam habent. Nam quod ad *d. l. 4. §. ult. ff. hoc tit.* attinet, siue casum ita formemus, ut ponamus stipulationem fortis & usurarum præcessisse, ac mox huic stipulationi pactum subjectum de non petenda sorte, donec usuræ solverentur: siue cum Accursio dicamus præcessisse conventionem, quam secuta sit stipulatio, in qua tamen præcedens conventio repetita videatur, juxta *l. Titia. 134. §. 1. ff. de verb. oblig.* neutrum efficit, quod volunt. Nam, nec ulla hîc quæstio est, an pacta detrahentia à parte rei insint, reoque ipso jure defensionem parent incontinenti stipulationi adjecta, quale proponitur in *d. l. 4. §. ult.* sed an pacta adjicientia & augentia obligationem insint à parte actoris, eique profint ad actionem: nec ille casus huc pertinet, cum non pactum stipulationi, sed stipulatio pacto subjicitur. Atque ob hanc eandem rationem frustra quoque sibi opem quærunt in responso Jurisconsulti in *d. l. si ita. 135. §. 2. ff. de verb. oblig.*

oblig. quippe cum nec in specie illic proposita conventio pertineat ad obligationem acquirendam augendamve, sed duntaxat ad temperandam conditionem stipulationis ; atque hanc solummodo vim habeat, ut non possit aut Titius hortos , aut Seja pecuniam ante diem petere.

10. Unus maximè locus sententiæ eorum opitulari videtur, nempe *l. lecta. 40. ff. de reb. cred.* Nam etsi Paulus illo loco non hoc dicit, pacta in continenti stipulationis facta ad actionem prodesse (nihil enim hoc ad quæstionem illi propositam pertineret, cum agat ille de eo pacto, quo pactus erat creditor, non ut peteret, sed contra ne peteret solidam sortem, quæ prius ex stipulatione debebatur ; quod genus pacti ex parte creditoris valere ad agendum natura sua non potest) tamen hoc etiam admittere nos oportet, Paulum, cum ait pacta in continenti adjecta stipulationi inesse, eo dicto nihil aliud significare, quam pacta in continenti facta ex stipulatione esse, esse partem stipulationis ; denique stipulatione contineri, quod intelligetur ex quæstione illi proposita. Promissa
erat

erat fors tota Calendis cum usuris totius fortis. Pactum secutum est ex continenti ut fors non jam tota solveretur Calendis, sed particulatim constitutis certis pensionibus in singulos menses. De usuris quærebatur, an si tota fors ex conventionē soluta non esset Calendis, nihilominus totius fortis usuræ deberentur. In hac quæstione ut efficiat Paulus totius fortis usuras non deberi, sed ejus tantum pensionis, quam solvi oportuit, propositum illi est ostendere superiore pacto recessum esse à stipulatione fortis, non per exceptionem, ut quidam putabant, sed ipso jure, quasi eo pacto renovata sit præcedens stipulatio, id est, quasi secundum hoc pactum stipulatio fortis ab initio fuerit concepta. Utitur hoc argumento, quod hoc pactum stipulationi inesse videatur. Ex quo intelligitur Paulum hoc dicere, pacta in continenti facta stipulatione contineri. Hoc autem si verum est, consequens est contra quam dicebamus, si quod pactum in continenti secutum est stipulationem, actionem eo nomine nasci ex stipulatione: quandoquidem ex stipulatu actio competit de iis rebus, quæ

quæ stipulatione continentur. De quo ut jam respondeam, non nego hoc ipsum significari à Paulo, si quis generalitatem dicti sequi velit, non mentem intueri & sententiam scriptoris: sed verbum generis restringendum est ad id, de quo illic est sermo, & dictum ita accipiendum, pacta, nempe talia, quale hoc est, de quo nunc agitur, id est, quæ fiunt de ea re, quæ in stipulationem deducta est, ea pacta si in continenti seu è vestigio sequantur stipulationem, stipulatione contineri videntur. Quo declarat per ea ita renovatam videri stipulationem, ac si in verba eorum à principio stipulatio esset concepta: id enim fieret, si ea stipulatione continerentur. Quod si pactum erit de alia re, quam quæ in stipulationem deducta est, haud dubiè non continebitur illud stipulatione: nam quomodo contineri potest, quod verbis stipulationis non est comprehensum? *l. quidquid. 99. ff. de verb. obl.* Neque hæc inter se pugnant. Multum enim interest, utrum obligationi quid detrahas, ut in specie Paulo proposita factum est, an aliquid adjicias; & in re, quam adjicis, utrum conditio sit aut dies,

dies, aliave qualitas, an verò sit res & corpus novum, quod amplius promittas. Conditionem stipulationis mutare possumus manente stipulationis substantia, quæ ex re promissa constat, dummodo diversitas illicò placuerit. *l. 1. §. 3. d. tit.* Novam autem stipulationem constituere aliam atque aliam rem promittendo sine verbis, id est, sine interrogatione & responsione non possumus.

II. Hæc interpretatio ex mente Pauli defendenda est, quia placet orationem omnem, quantumvis generalem de his tantum accipiendam esse, de quibus actum est, ut innumeris locis ostendi potest. *l. qui cum. 9. §. ult. ff. de transact. l. si de certa. 31. C. eod. l. de eo. 12. §. 3. ff. ad exhib. l. ingenuum. 25. ff. de stat. hom. l. si procurator. 35. ff. de acq. rer. dom. §. fratris. 3. Inst. de nupt.* Quidam putant pactum in superiore specie prodesse etiam creditori ad actionem, nimirum ad petendas pensiones singulas earumque sua die non solutarum usuras. Sed malè. Nam creditor, qui totius sortis actionem ex stipulatione habuit, utique habuit & singularum partium actionem: itaque hanc ex pa-

H cto

cto non desiderat. Neque potest pactum hîc propositum per rerum naturam proficere creditori ad aliquid petendum: quomodo enim posset actio esse ex ea conventionem, quæ non ad obligandum promissorem interposita est, sed ad liberandum; non ut quid detur, quod prius dari non debuit, sed ut de eo, quod datum oportuit, aliquid remittatur? Tantum quæstio erat, an pacto isto etiam à stipulatione usurarum recessum esset, solutio quoque usurarum dilata ac divisa. Si verba spectamus, non videtur; si vim ac potestatem, contra. Nam cum ita paciscendo sortis solutionem distulerit & diviserit creditor, consequens omnino est, ut etiam divisisse intelligatur solutionem usurarum.

14. Ut summatim dicam, quæcunque pacta fiunt de eadem re, quæ stipulatione comprehensa est, sive hæc detrahant aliquid de summa præcedente, sive detrahant stipulationi diem aut conditionem, sive hæc duo stipulationi adjiciant, omnia sunt hujusmodi, ut si in continenti, id est, statim & sine intervallo stipulationi subjiciantur, rectè dicantur stipulationi inesse:

*in*esse : atque his pactis ita renovatur ipso jure stipulatio , ut quod pacto detrahitur , perinde sit , quasi nec in stipulationem venisset , sive summa detraharur , sive dies aut conditio : cum autem dies aut conditio adjicitur , ut perinde sit , ac si à principio hoc stipulatione comprehensum esset. Intelligi autem debet omnia hæc pacta esse hujusmodi , ut his aliquid detrahatur de comprehensione stipulationis : nam & tunc , cum dies aut conditio adjicitur , revera aliquid detrahitur stipulationi , scilicet totum illud medium tempus , quod diem aut conditionis eventum antecedit ; cum alioqui statim pecunia peti potuisset. Hoc intellecto recte dicemus pacta omnia stipulationi ipso jure detrahere , seu efficere , ut quod in his ex continenti factis stipulationi detrahitur , nec deductum in stipulationem videatur , detracto sine intervallo consensu , quamvis verbis manentibus. Quod si pacta obligationi adjicient , id est , de alia re præstanda facta erunt , quam de ea , quæ stipulatione continetur , hæc ita stipulationi inesse non possunt , ut his subjectis ex stipulatione agi possit. *arg. l. quidquid.*

quid. 99. ff. de verb. obl. Hæc ferme summa est eorum, quæ in hanc sententiam fusc disputantur à Donello in d. l. lecta. 40. ff. de reb. cred. n. 23. & seqq. add. Cujac. in l. si ita. 135. ff. de verb. oblig.

C A P. XI.

Quænam actio detur ad petendum id, quod pacto in bonæ fidei contractu interposito cautum.

1. *Ex pacto in bona fidei contractu interposito non aliam actionem dari, quam ejus contractus, cui appositum.*
2. *Refelluntur Baldus & Duarenus, qui etiam præscriptis verbis dari existimant.*
3. *Species l. Labeo. 50. de contr. empt.*
4. *Baldi & Duareni sententiam juvari l. 6. de resc. vend. & l. 2. C. de pact. int. empt.*
5. *Cur recipi nequeat eorum opinio, qui putant particulam vel in d. l. 2. esse correctoriam.*

6. Ex

6. *Ex pactis, quæ tendunt ad dissolutionem contractus, cui adjiciuntur, actionem & ex contractu dari, & præscriptis verbis.*
7. *Falsum esse ostenditur, quod quidam existimant non posse ex eodem negotio competere duplicem actionem, quarum una sit bonæ fidei, altera stricti juris.*
8. *Movetur difficultas ex l. 4. de leg. commiss. & l. 16. de in diem addict.*
9. *Bachovium, dum hinc se expedire conatur, subtilem agere.*
10. *Non pugnare d. l. 4. & d. l. 16. cum sententia tradita n. 6.*

1. **Q**UÆ hîc nostra sit sententia, ex his, quæ superioribus capitibus disseruimus, facile intelligi potest. Diximus illa pacta duntaxat inesse quæ conveniunt naturæ contractus, quæve pertinent ad præstationes ejus & adminicula; atque hæc in continenti facta actionem bonæ fidei contractus formare, eamque extendere etiam ad petendum id, quod pacto cautum est. Et igitur hîc ex contractu agitur, neque alia actio ex his pactis danda videtur, quam ejus contractus, cujus

in continenti apposita sunt. Nam quod Baldus in *l. 7. §. quinimo. hoc tit. n. 4.* & Duarenus *ibid.* duas ex hujusmodi pactis actiones competere volunt, alteram informatam per pactum, quæ sit ipsius contractus; alteram præscriptis verbis, quæ nascatur immediate ex pacto, id mihi neutiquam probari potest.

2. Est enim constanter traditum, ubi actiones usitatæ & nominatæ competunt, non esse locum actioni præscriptis verbis, sed ad hanc demum decurri illis deficientibus. *l. 1. l. 2. l. 3. ff. de præscr. verb.* Itaque si, verbi causa, tibi vendiderim partem insulæ, ut partem alteram conductam in aliquot annos haberes, aut insulam vendiderim, ut alteram reficeres, aut vendiderim prædium ita ut usuras, propter quas erat obligatum, penderem, cum ex omnibus his pactis actio sit ex vendito aut empto. *l. fundi. 79. ff. de contr. empt. l. 6. §. 1. ff. de act. empt. l. ex convention. 11. C. hoc tit.* actio propria contractus, cui inserta sunt, præscriptis verbis ex his non dabitur. idemque de cæteris contractibus bonæ fidei, quorum in continenti pacta facta sunt, dicere

dicere licebit. Atque hoc certo quoque colligitur ex verbis Ulpiani in *d. l. 7. §. quinimò. s. hoc tit.* Nam si pacta ex continenti interposita hætenus solum operantur, quatenus contractui insunt & formant actionem ex contractu descendentem, non poterit ex his competere actio præscriptis verbis: quippe cum eatenus nec insint, nec actionem forment: quatenus enim insunt, partem faciunt contractus, cui apponuntur. At actio præscriptis verbis est actio nova, quam producere non alia ratione hæc pacta possunt, quam quatenus & ipsa constituerent contractum innominatum, ut ipsi contractus formati pro dationibus & factis haberentur, quod absurdum est, eoque posito quævis etiam pacta utilia forent, quod iridem ineptum esse supra demonstravimus.

3. Nihil pro dissentientibus facit *l. Labeo. 56. ff. de contr. empt.* Nam ut rectè Bachovius animadvertit, non agitur illic de pacto aliquo venditioni puræ adjecto, sed de venditione contracta sub conditione, quod etiam locus ipse satis ostendit. Proponitur bibliotheca vendita sub hac conditione, si

decuriones Campani locum emptori vendidissent, in quo eam poneret. In hac specie si per decuriones Campanos non stet, quò minus conditio impleatur, Labeo actionem præscriptis verbis dat, ad id videlicet, ut emptor aut impleat conditionem, aut venditori præstet, quod ejus interest conditionem impleri. Ulpianus autem dat etiam ex vendito ad petendum pretium, tanquam purificata conditione, eo quod per emptorem stabat, quò minus impleretur.

4. Præcipue verò moti videntur Baldus & alii *l. 2. C. de pact. int. empt. & vend. l. 6. ff. de rescind. vend.* quarum in altera proponitur fundus hac lege venditus, ut venditori quandoque pretium referenti restitueretur; in altera, si res quæ venit, intra certum tempus displicuisset, redderetur; atque utroque casu conceditur vel actio ex empto, vel in factum præscriptis verbis.

5. Hic ego probare non possum, quod à quibusdam responderetur ad *l. 2. C. de pact. int. empt.* particulam *vel* eo loco non disjungere, sed corrigere: nimirum verba hæc Imperatoris Alexandri, *actio præscriptis verbis, vel ex ven-*

prædictis locis proponi casus singulares, & pacta ejusmodi, quæ tendunt ad dissolutionem contractus, cui adjiciuntur ; quod cum sit, apud veteres sit dubitatum, an etiam actio ex contractu danda esset: exempli causa, an etiam de eo pacto actio ex vendito danda, quod venditionis distrahendæ gratia appositum est, nam certo jure jam olim admissa hîc fuit actio præscriptis verbis. *l. si vir uxori. 12. ff. de præscr. verb.* & placuit tandem etiam ex vendito agi posse, ita tamen, ut & altera adhuc manserit, atque in arbitrio paciscentis jam sit, utra in hujusmodi casibus experiri velit.

7. Quod vero quidam existimant ne his quidem casibus cum actione ex contractu concurrere posse actionem præscriptis verbis, neque fieri unquam posse, ut ex eodem negotio & actio, verbi causa, ex vendito detur, & actio præscriptis verbis, propterea quod illa bonæ fidei, hæc stricti juris sit, id ego falsum esse non dubito. Nihil enim impedit, quo minus ex causa emptio-
nis, locationis, mandati, societatis, tutelæ, negotiorum gestorum utar conditione certi, quæ stricti juris est *l. 4.*

§. 1.

§. 1. *l. 9. pr. & §. 3. ff. de reb. cred. l. in duobus. 28. §. exceptio. 4. ff. de iurejur.* quamvis etiam ex empto, locato, &c. agere possim. De commodato, deposito, pignore idem dicendum est. *l. 4. §. 1. & d. l. 9. §. 3. ff. de reb. cred.* Et est extra pecuniam numeratam hîc etiam locus condictioni triticiariæ. *l. 1. ff. de cond. tritic.* Nulla autem conditio propriè dicta, nempe qua aliquem nobis dare oportere intendimus, actio est bonæ fidei. Et quid ni debitor soluto debito pignus condicere queat, condictione sine causa? *l. 4. §. 1. ff. de reb. cre.* Sic in specie *l. 2. ff. de cond. sine caus.* locati actio cum condictione sine causa concurrit. in *l. ex empto. 11. §. is qui vina. 6. ff. de act. empt.* actio ex empto cum eadem condictione sine causa.

8. Sed hîc nobis occurritur ex *l. 4. ff. de leg. commiss. & l. Imperator. 16. ff. de in diem addict.* quibus & ipsis locis de iis pactis agitur, quæ spectant ad dissolutionem contractus, cui applicantur; & tamen non alia actio illic conceditur, quam ejus contractus, in quo sunt interposita. Etsi autem hoc sententiam nostram juvat, quatenus defendimus ex pactis in continenti adjectis

ctis non aliam actionem dari, quam
ejus contractus, cujus in continenti
facta sunt; tamen alia parte nobis ad-
versatur, quatenus dicimus ex pactis
resolutoriis, quæve tendunt ad con-
tractus, cui apponuntur, rescissionem;
utramque actionem competere, &
præscriptis id factum verbis, & eam,
quæ sit ex contractu. Hic

Pauci, quos æquus amavit

(Iupiter &c.

expedire se potuerunt.

9. Bachovius Jurisconsultus subti-
lissimus, non tamen tam suæ sententiæ
adstructor, quam destructor alienæ,
existimat esse iterum aliquid singula-
re in casibus, qui referuntur *d. l. 16. ff.*
de in diem add. & d. l. 4. ff. de leg. com-
miss. propter quod ex istis pactis, ut ut
resolutoriis, una duntaxat actio, eaque
ex contractu, cui sunt apposita, detur,
non etiam præscriptis verbis: & ni-
mirum ideo, quia actio præscriptis
verbis non datur, nisi in id, quod inter-
est impletum esse, de quo convenit:
cui consequens sit, ubi potestate legis
impletur, quod in conventionem de-
ductum est, ibi cessare actionem præ-
scriptis verbis; idque evenire in lege
com-

commifforia & addictione in diem, fi pecunia fua die foluta non fit, aut melior fit allata conditio; ut pote quibus cafibus ipfo jure, & fine ulla aétione contractus refolvitur. *l. 1. l. 5. ff. de leg. commiff. l. 2. pr l. 4. §. 3. l. 9. ff. de in diem addict.* Quod fi porro quis objiciat, refoluto ipfo jure contractu ne aétioni quidem contractus locum eſſe poſſe, reſpondet hanc quidem rationem fuiſſe dubitandi, quaſi dominio ipfo jure ad venditorem reſerſo res vendicanda fit: obtinuiſſe tamen, ut aétio contractus daretur; quia utique ſemel interceſſit & intermedio tempore verè ſubſtitit: & maxime ob præſtationes personales, quæ in judicium vindicationis commodè venire non poſſunt.

10. Cæterum etſi hæc à viro ingenioſo ſubtiliter diſputantur; mihi tamen longe veriſimilius eſſe videtur, quod veteres etiam in cafibus *d. l. 4. ff. de leg. commiff. & d. l. Imperator. 16. ff. de in diem addict.* & ſimilibus ad reſcindendam venditionem pertinentibus, tantum admiferint aétionem præſcriptis verbis. Patet hoc ex *l. ſi vir uxori. 12. ff. de præſcr. verb.* cujus reſponſi auctor eſt Proculus, vetus juris
con-

conditor. Neque difficilis est ad *d. l. 4. & ad d. l. 16.* responsio; nempe etsi quidam existimaverint, etiam ex vendito istis casibus agi posse, & secundum eos quæstio decisa sit rescriptis Imperatorum Antonini & Severi. *d. l. 4.* nihilominus tamen mansisse adhuc actionem præscriptis verbis, quæ certo jure jam antea dabatur. Atque hujus rei certissimum argumentum est, quod & Paulus in *d. l. 6. ff. de resc. vend.* & Alexander in *d. l. 2. C. de pact. int. empt. & vend.* postquam jam diu quæstio decisa esset ab Antonino & Severo, utramque actionem nihilominus concesserint: ut existimare liceat non illud quæsitum fuisse, an prædictis casibus ex vendito tantum agi oporteret, sed an posset etiam agi ex vendito, cum certo jure agi posset præscriptis verbis. *consent. Don. in d. l. 2. C. de pact. int. empt. Zoes. ad Pand. hoc tit. n. 64.* Tota autem hæc & superiorum aliquot capitum disputatio hodie supervacua & plane inutilis est: nam cum hodiernis moribus pactorum omnium deliberatò initorum non minor sit vis & efficacia, quam quæ stipulationis jure Romanorum fuit, consequens est, nec

mino-

minorem eorum esse vim, quæ ex intervallo, quam eorum, quæ in continenti facta sunt; nec quicquam referre contractibus stricti juris, an bonæ fidei, siue ex continenti, siue ex intervallo apponantur: denique superfluum nunc esse quærere, qua actione petendum, quod pacto comprehensum est.

C A P. XII.

De pactis tacitis.

1. *Illata & inuenta in pradium urbanum, pignori esse locatori, quasi id tacite convenerit; in rusticis pradiis contra observari. & quare.*
2. *Explicatio l. 3. in quib. caus. pign. tac. contr. & l. 4. §. 1. eod.*
3. *Sententiam Iustiniani in §. item Serviana. Inst. de actionib. à Theophilo recte expressam.*
4. *Locus Vlpiani in l. 14. §. 1. de relig. & sumpt. fun. explanatur.*
4. *Non coherere §. 1. l. 7. in quib. caus. pign. tac. cum principio.*
6. *Quid novi constituerit Iustinianus l. ult. C. in quib. caus. pign. tac.*

7. *An*

7. *An ad obligationem illatorum in praedium rusticum sufficiat illata esse voluntate domini, cum examine l. 5. C. de locat.*
8. *An tacito hoc pignore etiam afficiantur res minoris 25 annis, quas ille inscio curatore in ades conductas intulit.*
9. *An lex taciti pignoris locum habeat & in libris à studiosis importatis.*
10. *Qui chirographum debitori reddit, tacite pactus intelligitur, ne petat: & consequenter etiam pignus remisisse.*
11. *Pignoris redditi non eadem ratio. & quare.*
12. *Reddito pignore an & quando obligatio pignoris remissa videatur.*
13. *Quid juris si instrumento, quod redditum est, alius quoque sit obligatus.*
14. *Refertur communis DD. sententia, asserentium etiam unius ex pluribus ejusdem debiti chirographis redditione censi obligationem remissam. eorumque argumenta.*
15. *Refellitur hac sententia, & argumentis à Bartolo adductis occurritur.*
16. *Respondetur plenissime ad singula argumenta prolata à Bachovio.*

Satis jam contemplationibus Academicis indultum est : quæ porro sequuntur , ea non minus in foro , quam in scholis usum habent , & ubivis locorum etiam praxin exercentibus hodieque utilia sunt. In paciscendo nulla desideratur solennitas, sed sufficit quocunque modo paciscentes consentire vel expresse sermone , & tractatu inter præsentés habito , aut per epistolam nuntiumve inter absentes ; vel tacite nullo tractatu habito. *l. 2. hoc tit.* Hinc nata pactorum hæc divisio, quod quædam sint expressa, quædam tacita. Pactum expressum est , quo aut verbis aut per epistolam nuntiumve voluntas paciscentium significatur: tacitum, cum nihil eorum intervenit : cujus eadem tamen vis est, quæ expressi. *l. 2. §. 2. seqq. ff. hoc tit.* Tacita conventio sive consensus tacitus vel lege tantum præsumitur intervenisse, habetque locum etiam in iis , qui nihil tale cogitant; quomodo in vecta & illata in prædium urbanum, nata in fundo , quasi ex tacito pacto pignori sunt locatori ; quæ species tacitæ conventionis obligatoria est : vel re & facto aliquo consensus declaratur, veluti redditione chirographi

graphi aut instrumenti pignoris & quod genus taciti pacti liberatorium est.

- 1. De priore genere ita jus est, ut quæ in prædia urbana inducta & illata sunt ab inquilinis, ea pignori sint locatori, quasi id tacitè convenerit. *l. 4. ff. hoc tit. l. 2. l. 4. l. 6. ff. in quib. caus. pign. tac. contr.* in prædiis rusticis, ut dominus fundi locati in fructibus, qui ibi nascuntur, tacitum pignus quasi ex conventionem habeat. *l. in prædiis. 7. ff. eod. tit. l. 3. C. eod.* illata autem & importata à colono non aliter pignoris jure teneantur, quam si id nominatim convenerit. *d. l. 4. ff. eod. l. 5. C. eod. l. 5. C. de locat. §. 3. Inst. de interdict.* Hujus autem differentiae ratio si quærat, ea sumenda est ex moribus populi Romani. Solebant enim in prædiis rusticis nata pro mercede obligari, in urbanis inducta & illata. *l. si servus. 61. §. locavi. 8. ff. de furt.* Quod autem erat in more positum, ut alias sæpe, in jus paulatim transiit, & pro dicto habitum, sicubi dictum non esset, ut eleganter Cuiac. *ad. d. l. 4. ff. hoc tit. add. Donell. c. 4. de pign. Bachov. 1. de pign. 11. Tulden. in Cod. in quib. caus. pign. tac.*

n. 3. *Perez. ibid. n. 2. & 7. Garz. ad l. 5. C. de locat. Christin. vol. 3. decis. 110.* Ergo in iis, quæ colonus in fundum conductum invexit aut intulit, locator quasi ex tacita conventionē jus pignoris non habet; sed ad hoc opus est conventionē expressa.

2. Nec est contrarium, quod Ulpianus in *l. 3. ff. in quib. caus. pign. tac. contr.* ex auctoritate Neratii respondet, etiam in investis illatis in horreum conductum, vel diversorium, vel aream tacitam de pignore conventionem locum habere. Loquitur enim Ulpianus de horreo seorsum conducto ad reponendas merces aut res alias, qualia quæ nostratibus *packhuysen*: nam si fundus conductus sit, horreum pars fundi intelligitur. *l. fundi. 211. ff. de verb. sign.* Neque per aream intelligit agrum partemve fundi, sed locum in oppido aut pago ædificiis vacuum, sive planitiem, quæ circumsepta idonea sit, ad cæmenta, lateres, calcem, trabes, asseres, & hujuscemodi alia reponenda & asservanda. Diversoria autem & stabula, aliaque meritoria etiam in villis & vicis, teste ipso Neratio, in causa taciti pignoris, à prædiis urbanis
non

non differunt. *d. l. 4. ff. in quib. caus. pign. tac. add. l. urbana. 198. ff. de verb. sign.*

3. Quod autem Justinianus scribit §. *item Serviana. 7. Inst. de action.* actione Serviana experiri locatorem de rebus coloni, quæ pignoris jure pro mercede fundi ei tenentur, id non hanc habet sententiam, res omnes coloni pro mercede fundi locatori esse obligatas, sed de his, quæ obligatæ sunt, Servianam competere: Nam ut bene Mynfingerus, relativum *qua* illic non demonstrat, sed distinguit. In paraphrasi Græca clarè rem sic expressit Theophilus, ἐμισθώσω παρ' ἐμῆ ἡ ἀρεῶν, καὶ γένηαί μοι κολῶν &c. εἰσήγαγας δὲ εἰς αὐτῶ τῆ ἀρεῶ καὶ πράγματα πάντα, οἷον ἵππους, βοῦς &c. πακιδύσας, ὥστε μοι ταῦτα ὑποκείσθαι λόγῳ ἢμισθώματι. *Conduxisti, inquit, à me fundum, & factus es mihi colonus &c. Induxisti autem in eum fundum & res quasdam, veluti equos, boves &c. pactus ut hæ mihi mercedis nomine obligarentur.*

4. Nonnihil autem negotii facit, quod apud Ulpianum ex Pomponio relatum est *l. etsi quis. 14. §. 1. de relig. & sumpt. fun.* mortuo colono vel inquilino,

no, si non sit, unde mortuus funeretur, ex in vectis illatis eum funerandum, & si quid superfluum remanserit, hoc pro debita pensione teneri. Non potes hîc respondere cum Bachovio *lib. 1. de pign. c. 11. n. 4.* non eam esse Ulpiani sententiam, quod in vecta illata à colono verè pignori sint obligata; sed hanc, quod instar pignoris superfluum pro debita pensione retineri potest. eodem nimirum sensu, quo alibi idem Iuriconsultus ait, posse venditorem, emptore pretium non offerente, quasi pignus retinere rem, quam vendidit. *l. Iulianus. 13. §. offerri. 8. de act. empt. & Paulus l. creditoris. 15. §. ult. ff. de furt.* commodatarium ob impensas in rem commodatam factas habere retentionem, quasi pignoris loco ea res sit. Etenim verba illa Ulpiani, *si quid superfluum remanserit, hoc pro debita portione tenetur*, non magis ad colonum, quam ad inquilinum pertinent, à quò illata & in vecta constat pro mercede pignoris nexum subire. Deinde non alius retentionem rei habere potest, nisi qui & eam detineat; qui in proposito non est locator, sed hères conductoris, cui & cura funeris incumbit.

Deni-

Denique non dicit Ulpianus, posse superfluum quasi pignus retineri, sed superfluum pro debita pensione teneri, quo verbo significatur obligatio. *l. 6. l. 9. ff. in quib. caus. pign. tac. l. grege legato. 13. pr. ff. de pign. & passim alibi,* atque hoc innuit Jurisconsultus etiam tacito pignori impensam funeris præferri, utpote quæ omne creditum præcedere soleat, cum bona solvendo non sunt. *l. pen. ff. de relig. & sumpt. fun.* Rectius dixerimus ponendos esse terminos habiles, nempe eum in colono casum, quo de illatis, ut pignori essent, expressim, ut & assolet, *l. potior. 11. §. 2. ff. qui pot. in pign. convenit.*

5. Illud bene notat Bachovius, paragraphum primum *l. 7. ff. in quib. caus. pign. tac.* non cohærere cum principio: sed illic determinari, quænam ex illatis & in vectis pro mercede ædium conductarum teneantur: idque magis placeat, quam quod Perezius existimat, locum accipiendum esse de eo casu, quo expresse placuit illata quoque & in vecta in fundum pignoris jure teneri.

6. Minimè autem movere nos debet constitutio Justiniani in *l. ult. C.*

in quib. caus. pign. tac. quippe qua constitutione tacita conventio de illatis & inductis non porrigitur ad illata inducta in prædium rusticum, sed jus taciti pignoris in invectis & illatis in prædium urbanum, quod antea quibusdam in locis duntaxat obtinebat, producitur ad omnes provincias. Itaque τὸ ἐν δρχῇ λαμβάνει, qui argumento hujus loci conetur probare non minus in prædiis rusticis, quam in urbanis legem de tacita hypotheca inductorum & invectorum habere locum.

7. Veterum interpretum sententia est, in urbanum quidem prædium illata indistinctè pignori esse, etiamsi neque pactio intercesserit, neque sciverit locator illata esse: in rusticis autem prædiis, expressa quidem conventionione opus non esse ad illatorum obligationem, cæterum ut ea pignoris nomine teneantur, sufficere si voluntate domini illata sint; quod nec ipsum exigatur in illatis in prædium urbanum. Laudant in hanc sententiam constitutionem Alexandri, quæ extat in *l. certi juris. s. C. de locat.* ibi, *qua voluntate domini minorum coloni induxerint &c.* Sed cum novum non sit, ut voluntatis nomine ad-

ad significetur expressa conventio. uti apud Marcianum in *l. Pomponius. s. §. 1. ff. in quib. caus. pign. tac.* & apud Justinianum *l. ult. C. de novat.* ubi voluntate, id est, expressa conventionem dicitur fieri novatio; satius est ex mente auctorum juris, verba illa, *voluntate dominorum*, accipere pro pactione & conventionem. Quorsum enim exigamus, ut voluntate domini quid inferatur, nisi simul ut pignori illud sit, pactio aliqua inter dominum & colonum intercedat? Sed & voluntate domini illata sic rectè accipi possunt, cum *Donell. de pign. c. 4.* si dominus locaverit fundum hac lege, ut aliqua in eum fundum inferrentur. Qui enim hanc legem locationi dat, vi ipsa & per consequentiam pacisci intelligitur, ut quæ ex pactione importabuntur, pignori nexa sint. Græci, πάντες ὅσα οἱ μισθωτοὶ εἰσάγουσιν εἰς τὸν οἶκον ἔμισθωθέντι αὐτοῖς ἀρχῇ, βελομένης ἔδεσπότῃ, ὑπὲρ τῆς ταῦτα ἐπὶ τῷ μισθώματι. ἐπὶ δὲ οἴκῳ μισθωθέντι, καὶ ἀγνωστοῦ ἔδεσπότῃ εἴπανα εἰσενεχθῶσιν, ὑπὲρ τῆς. i. *Quacunque coloni domino volente in domum locati fundi inferunt, ea pignoris jure pro mercede tenentur: qua verò in ades conductas*

*ductas inferuntur, ea pignori sunt, etiam-
si importata sint domino ignorante, in
eandem, ut videtur, sententiam. Cæ-
terum superior DD. opinio in praxi
prævalere dicitur: & proinde juxta il-
lam DD. opinionem, & juxta usum
fori, vaccæ, boves, oves, cæteræque
pecudes, quæ pascuntur in agris &
pascuis conductis, pignori sunt locato-
ri, si sciente illo fuerint immissæ.*

8. Porro ex iis, quæ supra dicta sunt,
fatis patet tacitum hoc pignus, quod
locator habet in illatis in vectis in præ-
dium urbanum, non esse verè & pro-
priè, aut totum legale, seu quod ab ip-
sa lege constituitur; sed esse ex tacita
conventionione, quam lex præsumit ex
facto illationis. Unde quæsitum est,
an tacito hoc pignore etiam affician-
tur res minoris 25. annis, quas ille sine
curatoris consensu in ædes conductas
intulit. Et siquidem hoc esset pignus
merè legale, id est, si citra ullam con-
ventionem de pignore sola potestate
legis induceretur, nullum hîc esset
privilegium minoris; quia lex opera-
tur sine respectu personarum: unde
bona minoris cum fisco contrahentis.
l. 2. ff. de reb. eor. qui sub tut. item uxore

rem ducentis obligantur : quia istæ hypothecæ sunt purè legales, ut rectè *Gloss. & Cyn. in l. ult. C. de leg. tut.* (quanquam hîc dissentit Costalius in *l. 4. ff. h. t. falsò* asleverans Bartolum sibi in hac re assentire in *d. l. 4. & in l. si constante. 24. ff. solut. matr.*) Sed quoniam hypotheca, de qua agimus, non tota legalis est, sed magis conventionalis, nascens ex præsumptione tacitæ conventionis, ut apparet ex *d. l. 4. ff. h. t. l. 4. l. 6. ff. in quib. caus. pign. tac. l. 3. l. ult. C. eod.* dixerim res à minore illatas sine curatoris auctoritate non teneri : quoniam minor jus oppignemandi non habet. Ita *Costal. post DD. comm. in d. l. 4. ff. hoc tit. & in d. l. si constante. 24. ff. solut. matr. Sichard. ad l. 5. C. de locat. n. 11. Bachov. 1. de pign. 11. diff. Negus. p. 2. membr. 4. n. 54. & ibi alleg. Treutl. disput. de pignorib. thes. 4. Christin. vol. 3. decis. 110.*

9. Sed quid si studiosus (intellige, qui major sit 25. annis) cubiculum aut partem ædium conduxerit, an & libri, quos illò intulit, legem taciti pignoris sequentur? Et Schneidevvinus post Jasonem & Zasium in §. *item Serviana. 7. Inst. de action. Bachov. lib. 1. de pign. c. 11. negant sequi, idque duplici potissimè*

tissimum argumento. Primum peti-
tum est à simili, quia, inquiunt, quem-
admodum instrumenta rustica in fun-
dum illata à colono obligata non sunt
domino fundi, propterea quod iis fun-
dus colitur. *l. 7. l. 8. C. quæ respign. oblig.*
ita nec libri studiosorum in Museum
conductum illati domino ædium jus
pignoris tribuere debent, quia iis mens
colitur. Alterum sumptum est à natu-
ra hypothecæ generalis, quâ non con-
tinentur ea, quæ verisimile non est
quemquam specialiter obligaturum
fuisse. *l. 6. §. 2. seqq. ff. de pign.* At ge-
neralis, inquiunt, hypothecæ naturam
sequitur hypotheca illatorum; nec ve-
risimile est studiosum libros suos spe-
cialiter obligaturum fuisse. Sed ta-
men praxis apud nos, & in omnibus
ferè Academiis est in contrarium. Nec
obstant rationes allatæ. Non enim
ideo instrumenta rustica in fundum il-
lata à nexu taciti pignoris libera sunt,
quia iis fundus colitur; sed quia nec in
aliis à colono illatis inductivè jus pi-
gnoris citra conventionem habere lo-
catorem placet; utpote cui satis cau-
tum fructibus, qui in fundo nascuntur.
Nec valet etiam ratio, quam afferunt

ex l. 6. ff. de pign. Nam studiosi suppellex pene omnis est in libris posita, ut verisimile non sit studiosum tacitè ex tacito supellectilis pignore voluisse excipere supellectilem librariam, præter quam vix aliam habet. Nemo autem negat etiam in iis, quæ à studioso illata sunt, tacitum pignus esse. Sed nec procedit argumentum à pignore generali ad pignus illatorum & invectorum: siquidem inter invectora & illata supellex quoque contineri intelligitur. *l. in praediis. 7. §. 1. ff. in quib. caus. pign. tac.* contra quã in pignore generali. *d. l. 6. ff. de pign. Per. in Cod. tit. in quib. caus. pign. tac.* Sed nimis longe digredimur. Alterum genus pacti taciti erat, cum ipsi paciscentes facto aliquo consensum declarant.

10. Hujus generis exemplum elegans est, si creditor debitori chirographum reddiderit: tacitè enim pactus videtur, ne petat, & debitum remisisset. *l. 2. §. 1. ff. hoc tit. fac. l. 3. §. 1. ff. de lib. leg. l. qui chirographum. 59. ff. de legat. 3.* Et consequenter etiam pignus, si quod intervenerit, hîc remissum intelligi debet. *arg. l. in omnibus. 43. ff. de solut. l. 7. C. de remiss. pign.* sicut & cum expresse paciscor, ne debitum petam
pigno-

pignoris obligatio per exceptionem tollitur; quæ sententia est *l. si tibi. 17. §. 2. ff. hoc tit.* ut adeo hoc quoque sit exemplum taciti pacti, quo pignus remittitur. Nec obstat *l. si chirograph. 24. ff. de probat.* quoniam ex cancellatione chirographi non oritur exceptio taciti pacti, sed præsumptio solutionis: contra quam tamen probationes manifestæ audiuntur; sicut procul dubio creditor quoque audiendus erit, paratus probare se ob aliam causam chirographum reddidisse. Pignoris redditi non eadem ratio. *l. 3. ff. hoc tit.* quippe chirographo ipsa principalis obligatio continetur *l. servum filii. 44. §. eum qui. 5. ff. de legat. 1. l. qui chirographum. 59. ff. de legat. 3. l. 1. C. de donat.* At obligatio pignoris à debito principali separata est, atq; hujus quædam *παρρησίχη* seu accessio duntaxat: *nov. 4. l. in omnibus. 43. de sol.* ut præsumi non debeat eum, qui pignus tantum reddidit, cogitasse simul de remittendo ipso debito.

12. Simili ratione conventio fidejussoris non continuo prodest reo. *l. 23. hoc tit.* quamvis rei conventio etiam fidejussori profit. *l. 21. eod. in fin. Cuiac. ad d. l. 2. eod.* Planè reddito pignore quin

pignoris obligatio remissa intelligi debeat, nullus dubito, arg. *l. 1. §. 1. ff. de lib. leg.* Cæterum ita hîc distinguendum arbitror: Si instrumentum, quo pignoris obligatio conscripta & constituta est, redditum sit, obligatio pignoris omnino remissa censi debet, per *d. l. 7. C. de remiss. pign.* At si creditor ipsam rem pigneratam, quam possidebat, reddat debitori, hîc refert, ultrò & simpliciter reddat, nec dicat, in quem finem; an reddat debitori petenti ad certum usum. Priore casu videtur eo animo reddidisse, ut vinculum pignoris remitteret: nam vox reddendi significationem retro dandi habet, ut eo loco res sit, quo prius fuit. *l. verbum. 94. ff. de verb. sign.* atque in dubio censetur ultrò & simpliciter reddidisse. *fac. l. cum de causa. 9. C. de remiss. pign.* Posteriore casu, ubi constat creditorem debitori petenti reddidisse rem pigneratam in aliquem usum, non intelligitur pignoris vinculum dissolutum esse: siquidem pignus cum precario conceditur, remanet obligatum. *l. cum & sortis. 35. §. 1. ff. de pign. act. l. qui pignoris. 36. ff. de acq. poss. Bus. ad l. 2. ff. hoc tit. Bachov. ad hunc tit. in secunda divis.*

divis. pact. Illa igitur ratio, quæ vulgò affertur, quod idè ex chirographi redditione tacitum de non petendo pactum colligatur, quia chirographi nullus usus est: pignore aut reddito non item, quoniam eo debitor uti potest, etsi momentum aliquod habet, non est tamen adæquata.

13. Quid si instrumento, quod redditum est, alius quoque sit obligatus? Puto soli ei, cui redditum est, ex tacito pacto acquiri exceptionem: nam neque cum altero quicquam actum est, neque is, cui redditum, quicquam nomine ejus egit, & ut egisset, tamen alteri paciscendo exceptionem quærere non potuit. *l. sit tibi. 17. §. 4. ff. hoc tit. l. stipulatio. 38. §. alteri. 17. ff. de verb. obl.* utique si nihil paciscentis intersit alterius quoque obligationem dissolvi. *l. & heredi. §. ult. l. fidejussoris. 23. eod.* nec excipimus duos debendi reos, nisi & socii sint. Bartolus eo amplius existimat ei, cui instrumentum redditum est, etiam donatam intelligi actionem adversum alterum, cumque procuratorem constitutum in rem suam. At enim cum donatio non facile præsumatur, nisi cum alia quacunque conjectura

deficiamus, aut alias actus inutilis foret (quod in proposita specie non accidit) non immeritò, hæc sententia aliis displicuit. Æquius enim & benignius est hoc factum sic interpretari, ut is, cui obligatio reddita est, censeatur pro sua quidem parte liberatus, pro parte verò altera exigendi tantum nominis gratia procurator à creditore constitutus. *Duarenus & Busf. add. l. 2. ff. hoc tit. Menoch. lib. 3. præsumpt. 140. Antonius Faber Cod. forens. definit. 6. Abbas Panormitan. in cap. Ecclesia. ut lit. pend.* ubi tamen prudenter monet in hac quæstione recurrendum esse ad conjecturas pro varietate circumstantiarum. Est enim hæc quæstio facti potius, quam juris: & ideo non tam ad Jurisconsultum, qui nihil certi hìc definire potest, pertinet, quam ad judicem, qui de facto cognoscit, & circumstantias in singulis causis examinat. Quid enim dicemus, si creditor sit admodum dives, debitor autem, cui cautio reddita, inops, eique arcta necessitudine conjunctus? Aut contra, quid si debitor forte miles sit, aut mulier, aut minor 25 annis? *Bachovius 2. divis. pact. n. 6.* etiam hoc ipsum ab-

absurdum esse contendit, quod dicimus in casu proposito mandatam videri adversus tertium nominis exactiorem: sed non esse absurdum argumento est, quod traditio instrumenti sicut inducit probationem rei traditæ, ita & mandatarum actionum. *l. 1. C. de donat. l. Maria, 49. ff. solut. matrim. l. servum filii. §. 5. & 6. ff. de legat. 1.* Quid si ejusdem debiti plura sint apud eundem creditorem chirographa, an vel unius redditione censebitur obligatio remissa? Ajunt *Bart. Bald. Castr. Ias. in d. l. 2. hoc tit. Menoch. d. præs. 140.*

14. Moventur hac ratione, quia unum tantum est instrumentum, quamvis pluribus tabulis conscriptum, per *l. 24. qui test. fac.* & quia tabulis restitutis non scriptum, sed contentum restitutum intelligitur. arg. *d. l. 2. §. 1. hoc tit. l. 59. de leg. 3. l. 1. C. de don.* Atque hanc sententiam Bachovius *d. 2. div. pact. n. 7.* ex professo tuetur. Argumenta, quibus eam probare conatur, quinque ferè affert. Primum petitum est ex *l. veteribus. 39. hoc tit.* ubi Papinianus ait, veteribus placuisse, pactiorem obscuram vel ambiguum ei nocere, in cujus potestate fuit legem

apertius conscribere , unde infert creditori imputandum esse, quod non apertius egerit, cum contra eum sit præsumptio juris. Secundum argumentum est, quia humanior est sententia, quæ favet liberationi. Tertium, quia generalis est definitio *d. l. 2. §. 1. eod.* Quartum, quoniam nullus alius finis redditionis chirographi in dubio intelligi potest, quam debiti remissio. Quintum, quia si unum ex duobus chirographis debitori legatum esset, liberatio legata censeretur.

15. Cæterum hanc sententiam improbant *Duar. Fort. Garz. Paul. Busf. in d. l. 2. §. 1.* excepto si id actum fuisse appareat, veluti si tabulæ non simpliciter redditæ, sed aut donatæ sint, aut legatæ debitori. Et sanè rationes à Bartolo & aliis adductæ tales sunt, ut pro creditore retorqueri possint in debitorem, nec minus creditori quàm debitori faveant. Nam ut illi pro debitore sic ratiocinantur ; Unum instrumentum est, licet pluribus exemplis descriptum, verum est igitur redditum esse : ita contra debitorem pro creditore hoc telum retorqueri potest ; Unum instrumentum est : atqui hoc à creditore retentum ; igitur
tur

tur non est redditum. Sed nec illud simpliciter verum est, quod ajunt unum tantum esse instrumentum. Unus quidem est contractus, aut una obligatio; at plures tamen cautiones hîc esse aut plura instrumenta dici possunt. Quod si contraria sententia admittatur, magna occasio præbebitur improbis hominibus fallendi bonos creditores suos: quippe in proclivi est duo chirographa ejusdem argumenti conscribere, quorum alterum tradatur creditori, alterum à debitore retineatur, ut si quando, ex eo, quod traditum est, conveniatur, proferat retentum, dicatque illud sibi redditum esse à creditore: atque ita fenestra aperiatur fraudibus. Censent igitur Duar. Garz. & Busius, unius chirographi redditione non debere intelligi factam esse debiti remissionem, nisi id actum esse probetur. Quod si id doceri non possit. potius actori, quam reo, juramentum deferendum, quo affirmet chirographum à se redditum non esse animo remittendæ obligationis: quibus & nos subscribimus: facitque huc bonus textus in *l. ult. de his quæ in test. del.*

16. Superest, ut respondeamus argumentum-

gumentis Bachovii. Ajo igitur, quod in *l. veteribus. 39. hoc tit.* de interpretatione pacti obscuri aut ambigui traditum est, non esse temere trahendum ad ea pacta, quæ tacitè ex facto aliquo colliguntur, ad hoc ut donatio intervenisse præsumatur etiam eo casu, ubi alius istius facti finis dari potest. Vel frivola causa excludere debet donationis præsumptionem cum nemo facile præsumatur suum jactare aut effundere velle. *l. cum de indebito. pr. de probat. & ibi DD. Ias. in l. 3. hoc tit. Cyn. Bald. & DD. in l. 3. C. de non num. pec.* Idemque ad secundum argumentum responsum esto; nempe non usque eo liberationi indulgendum, præsertim ubi constat de præcedente obligatione, ut quis sine causa suum perdere voluisse præsumi debeat: donare enim, perdere est, *d. l. cum de indebito. 25. de probat. l. 7. pr. de donat.* Ad tertium, definitionem *d. l. 2. §. 1.* restringendam esse ad eam speciem, ubi una duntaxat cautio exposita, & eadem reddita est. Ad quartum respondeo, cum creditor unum duntaxat è duobus ejusdem debiti chirographis, quæ habet, debitori reddit, non continuo credendum esse,

voluisse cum debitum remittere, cum alius hujus redditionis finis esse possit, qui potius præsumendus sit; nimirum ideo id factum esse, quia ex altero, quod retinuit, debitum satis probari possit, ut supervacuum videatur utrumque retinere. Et cur quæso si animum remittendi debiti creditor habet, non utrumque restituit, sed alterum retinet? Actus agentium, ut vulgo dicitur, non operantur ultra eorum intentionem. *l. non omnis. 19. de reb. cred.* Adde & hunc finem, ne videatur creditor utroque chirographo retento aliquid malitiose velle machinari adversus debitorem. Ad quintum, loqui nos de eo casu, cum quis unum è duobus chirographis reddit simpliciter, nec id se donare profitetur. Legare, est donare. *l. 36. de legat. 2. §. 1. Inst. eod.* Nec dubium est, quin quemadmodum donatis, sic etiam legatis tabulis, nomen ipsum seu debitum donatum legatumque intelligatur.

CAP. XIII.

De pactis in rem & in personam, deque eorum vi ac potestate.

1. *Quid sit pactum in rem, quid in personam.*
2. *Pacta in rem quibus prosint.*
3. *Species l. 17. §. 4. hoc tit.*
4. *Pacta in personam, non egrediuntur personam ejus, cui facta sunt.*
5. *Iure novissimo pactum rei, quantumvis personale, etiam fidejussori prodesse.*
6. *Vnde estimandum, utrum pactum in rem sit, an in personam.*

PRæterea pactorum alia in rem sunt, alia in personam *l. 7. §. pactorum. 8. hoc tit.* quæ divisio ab effectu sumpta est. Sunt, qui ratione materiæ sic distinguere pacta existimant: sed errore perspicuo labuntur: siquidem personæ non possunt esse objectum pactiōis.

1. Pacta in rem sunt, quoties generaliter paciscor, ne petam. In personam, quoties ne à persona petam, pu-

ta

ta à L. Titio. *d. l. 7. §. pactorum.* Mos loquendi veterum juris auctorum est, ut quod generaliter & sine personæ designatione fit, id in rem fieri ab ipsis dicatur. Sic actiones exceptionesque in rem scriptas, interdicta in rem concepta, nuntiationem operis novi in rem fieri legimus *l. metum. 9. §. ult. quod met. caus. l. 2. §. 1. l. 4. §. pen. de dol. mal. exc. l. 1. §. pen. de interdict. l. operis. 10. de op. nov. nunt.* Cum igitur quis generaliter paciscitur, ne petat, nec personam nominat, à qua petiturus non sit, in rem pactum dicitur conceptum esse. In personam vero, cum exprimitur certa persona. Nec inutilis est hujus distinctionis cognitio. Nam quæ pacta in rem concepta sunt, ea omnibus profunt, quorum obligationem dissolvituram esse, paciscentis interest. *l. & heredi. §. ult. hoc tit.* Itaq; pactum reale debitoris proficit & fidejussori, quoties debitoris pecuniariter interest, ut fidejussori quoque profit; scilicet quando fidejussor ejus nomine, quod pro reo solverit, mandati aut negotiorum gestorum actionem cum eo habet. Quibus autem casibus fidejussori adversus debitorem regressus non datur, veluti si da-

si donandi animo fidejussit, aut pro invito & vetante, pactum rei fidejussori non prodest. *d. l. & heredi. §. ult. junct. l. quod dictum. 32. eod. l. si pro te. 40. mandat.* nempe quia rei nihil hinc interest à fidejussore non peti. Eademque ratione nec pactum fidejussoris generale prodest reo principali, aut confidejussori, qui socius non est; scilicet quia nihil fidejussoris principaliter interest, à quoquam eorum non peti, cum nullam adversus eum nomine ejus, quod solverint, actionem habeant. *l. fidejussoris. 23. hoc tit. l. 39. de fidejuss.* Profunt porro pacta in rem & heredibus nostris. *l. tale pactum. 40. eod. l. si pactum. 9. de probat.* atque ut profint, etiam nostra semper interesse intelligitur, crediturque unusquisque eo esse animo, ut non minus heredibus suis, quam sibi prospectum velit. *d. l. 9. de probat.*

3. Non obstat *lex 17. §. 4. hoc tit.* quoniam illic exemplum proponitur pacti personalis, si quis paciscatur, ne à se, neve à Titio petatur, & ratio Jurisconsulti eo tantum pertinet, ut significet ei, qui non ut heres adjectus est, etiamsi postea heres extiterit, tale pactum

pactum non prodesse, nec ex postfacto confirmari, quod ab initio in persona adjecti non constitit.

4. Pacta autem in personam concepta ejus, cui facta sunt, personam non egrediuntur. *l. idem in duobus. 25. §. 1. eod.* qua de causa nec heredibus profunt. *d. l. 25. §. 1. d. l. 17. §. 3. & 4. eod.* nec fidejussori. *l. nisi hoc. 22. eod.* quanquam vix est, ut hoc procedat jure novissimo. Jure veteri creditor electionem habebat à reo vel à fidejussore petendi, poteratque hunc etiam ante illum convenire. *l. 5. l. si alienam. 19. C. de fidejuss.* neque hoc jus conveniendi fidejussorem omisso reo, pacto personali sibi adimebat.

5. At jure novo fieri non potest, quin pactum rei, licet personale, fidejussori quoque profit. Nam cum hoc jure *Nov. 4. c. 1. unde auth. presente. C. de fidejuss.* reum principalem prius conveniri atque excuti necesse sit, quam ad fidejussores veniatur, nec antecum his efficaciter agi queat, quam si suum creditor à debitore consequi non possit; hoc beneficium ordinis & excussionis fidejussori jure publico datum, pactione debitoris ei auferri non potest.

Itaque

Itaque nunc etiam pacto personali cum debitore facto juvabitur fidejussor, nisi ipse beneficio suo ultro renuntiaverit, quod facere potest *l. pen. C. de pact. Cuiac. in d. l. & heredi. 21. hoc tit. Borcholt. de pact. c. 2. in tertia divis. n. 4. diss. Iul. Pac.*

6. Utrum autem pactum in rem sit, an in personam, non tam ex verbis, quam ex mente paciscentium æstimandum est: adeoque in dubio, quantumvis persona adjecta sit, in rem tamen esse præsumitur: quia plerumque persona pacto inseri solet, non ut pactum personale fiat; sed duntaxat ut demonstretur, cum quo pactum factum sit. *l. 7. §. pactorum. 8. hoc tit.*

C A P. XIV.

Qui cum quibus pacisci possunt.

1. *Furiosi nullum omnino negotium gerere possunt.*
2. *Ratum habetur, quod gestum ante furorem aut in furoris intermissione.*
3. *Mente captorum & ebriorum eadem, qua furiosorum ratio.*

4. Pro-

4. *Prodigi & furiosi dissimilitudo.*
5. *Quibus in rebus dispar conditio prodigi & minoris 25. annis.*
6. *Ipsone jure prodigo bonis interdicatur, an decreto magistratus.*
7. *Quid per verba ipso jure in l. 1. de cur. fur. significet Iurisconsultus.*
8. *In his, qua animo & affectu geruntur, infans vix distat à furioso.*
9. *Comparatio infantis & infantia proximi.*
10. *Comparatio infantia proximi & proximipubertati.*
11. *Pupillum pubertati proximum ex conventionem sua naturaliter obligari, etiamsi locupletior factus non sit.*
12. *Quo sensu nostri dicant, pupillum sine auctoritate tutoris contrahentem nenaturaliter quidem obligari.*
13. *Puberes minores 25 annis, curatorem habentes, sine consensu ejus, jure civili non obligantur.*
14. *Confutatio sententia contraria.*
15. *Exponitur l. obligari. 43. de obl. & act.*
16. *Consideratio auctoris circa l. puberes. 101. de verb. oblig.*

PAcisci possunt omnes, qui consentire & jure gentium se obligare possunt. Igitur & mutus. *l. 4. §. 1. hoc tit.* & deportatus. *l. sunt quidam. 17. §. 1. de poen. l. 15. de interdict. & releg. & filiusfa.* ut sibi præjudicet. *l. & heredi. 21. §. 3. & 4. l. in persona. 30. hoc tit.* & servus ex persona sua, ut naturaliter obligetur & obliget. *l. 14. de oblig. & act.* Removentur autem hinc furiosi, mente capti, ebrii, infantes.

1. Furiosum nullum negotium gerere aut contrahere posse natura manifestum est, *l. 1. §. furiosus. 12. de obl. & act. l. si à reo. 70. §. 4. de fidejuss. l. 5. de reg. jur.* quia expers est voluntatis & mentis. *l. furios. 40. eod. tit. l. 2. C. de contr. empt.* est enim furor mentis ad omnia cæcitas. *Cic. 3. Tuscul.* unde furiosus per omnia & in omnibus absentis, quiescentis, dormientis & ignorantis loco habetur. *l. 2. §. pen. de jur. codicill. l. ubi non voce. 124. §. 1. de reg. jur. l. 1. §. 3. de acq. poss. l. 4. de divort. & repud.* quæ res etiam facit, ut nec accedente curatoris auctoritate ullum negotium rectè gerat. *d. l. 5. de reg. jur.* Prius enim est, ut quid agi aut geri intelligatur, quam curator dici possit, quod

quod agitur aut geritur, probare.

2. Enimverò si furiosus dilucida habeat intervalla, quod gessit in intermissione furoris, id ratum habetur, nec ullum negotium antea rectè gestum furore postea interveniente perimitur. §. 1. *Inst. quib. non est permiss. fac. test. l. 9. C. qui test. fac. & ibi DD.*

3. Quod de furioso, *μανροδύα*, dicitur, id etiam pertinet ad mente captum, *ἐνόντων* seu dementem, qui furore non corripitur, sed in quiete est: quoniam non alia ratione in furioso obtinet, quam quia mente caret, nec intelligit, quod agit. §. *furiosus. 8. Inst. de inut. stipul.* Sed neque ebrius i. qui vino gravis & ob id sui est impos, hac in causa à furioso separandus. Nihil enim aliud est ebrietas, quam voluntaria infania: nec minor est furore, sed brevior. Senec. *epist. 83.* Platoni. 1. *de leg.* non solum senex bis puer, verum etiam ebrius. Prodigum quoque procures nostri furioso comparare solent; quasi non magis illius, quam hujus ulla voluntas sit. *d. l. furiosi. 40. de reg. jur. l. 1. de cur. furios.* Verum hæc similitudo claudicat, & locum tantum habet, cum de prodigo obligando agitur, cum quid de bonis
nis

nis suis vult deminuere, alienare &c. quibus casibus furioso assimilatur, quia in his exitum furiosi facit. *l. his qui. 12. in fin. de tut. dat. ab his.*

4. In acquirendo autem dissimilitudo est: quippe furiosus nullum negotium rectè gerit, neque quo obligetur, neque quo obligationem sibi acquirat, aut ipse obligatione liberetur; quia nec mentem nec voluntatem habet. *l. 1. §. furiosus. 12. de obl. & act. l. 5. de reg. jur.* At prodigus paciscendo, stipulando, aut aliter contrahendo sibi acquirere potest; licet promittendo non obligetur, non magis, quam furiosus. *l. 6. de verb. obl.* Itaque cum non de alienando, actionem remittendo, de se obligando, aliove modo conditionem suam deteriore faciendo agitur; sed de acquirendo, de sibi paciscendo aut stipulando, aliave ratione conditionem suam meliorem faciendo, *l. 3. de nov.* hic prodigus non cum furioso, sed cum pupillo pubertati proximo comparandus est. *l. certi conditio. §. 7. de reb. cred.* aut cum pubere minore 25 annis curatorem habente. *l. 3. C. de in int. rest. min.* quos constat etiam inconsultis tutoribus aut curatoribus alios sibi obli-

obligare posse, & conditionem suam quoquo modo facere meliorem. *pr. Inst. de auct. tut. l. 11. de acq. rer. dom.* Denique ut pupillus auctore tutore, pubes cum consensu curatoris omnia gerere potest *l. 5. dereg. jur. §. pupillus. 9. Inst. de auct. tut.* Ita & prodigus accedente curatoris consensu. *arg. d. l. certi conditio. 9. §. sed & si. 7. de reb. cred. d. l. 3. C. de in int. rest. min. l. 5. §. 1. de acq. her.* ubi scriptum est, eum, cui bonis interdicitur, hereditatem sibi delatam adire posse: nempe cum consensu curatoris, ut recte *Gloss. & DD.* in hoc enim distat à furioso, quod solum significare voluit Jurisconsultus.

5. Planè in eo quoque à pubere minore 25 annis distat prodigus, quod pubes & testamentum facere potest, & ad testamentum testis adhiberi. *l. 5. qui test. fac. §. 1. Inst. de test. ord.* quorum neutrum concessum prodigo. *l. is cui lege. 18. d. t. §. testes. 6. Inst. eod. §. 2. Inst. quib. non est perm. fac. testam.* Quæri vulgò solet, prodigusne intelligendus sit, qui factio talis est, qualem describit Ulpianus *l. 1. de cur. furios.* an verò decretum magistratus expectandum. Hoc est, an ipso jure & lege in tabu-

tabularum dissolutè & luxuriose viventi bonorum administratio interdicta intelligatur; an verò tum demum, cum talis esse sententia magistratus declaratus est. Dicendum est eum, qui moribus talis est, qualis in *d. l. i.* describitur, re vera quidem & ethicè prodigum esse (nam vitia & virtutes non pendent à sententia & cognitione iudicis, sed propriam naturam & formam habent) cæterum quod rerum administrationem attinet neminem ante politicè & effectū juris pro prodigo haberi, quam ea administratio causa cognita decreto magistratus ei adempta sit: cuiusmodi decreti extat vetus formula apud Paulum *lib. 3. sent. 4.* Nimirum bonorum administrationis ademptio sive interdictio non juris, sed jurisdictionis est, hoc est, nemini speciatim bonorum administratione lex interdicit, ac ne potest quidem interdici: sed generaliter interdici jubet omnibus, idque auctoritate magistratus, quos prodigos esse causa cognita constabit, eumque, cui publicè bonis interdictum est, jubet esse in curatione agnatorum. Ulpian. *tit. 12. §. 1. fac. §. 2. Inst. quib. non est perm. fac. test. l. 6.*
 de

de curat. fur. qui tamen & lege bonis interdici dicitur. *l. is cui. 18. qui test. fac. poss. l. 5. §. 1. de acq. her.* propterea quod lex id fieri jubet, & à lege curatorem accipit. Bene igitur & rationi juris convenienter Horatius 2. *serm. 3.*

Interdicto huic omne adimat ius

Prator, & ad sanos redeat tutela propinquos.

Furiosi alia ratio est: nam cum furor per se emineat, & vera sit mentis ac voluntatis privatio, ut furioso à magistratu bonis interdicator, non requiritur. At vero an quis prodigus censeri debeat, ex multis & variis circumstantiis æstimandum est, de quibus magistratum cognoscere & pronuntiare oportet, ne quis temere in hominem sui juris, & liberalem forte magis, quam prodigum, potestatem aliquam sibi usurpet, aut cuiquam probabilis ignorantia noceat.

7. Atqui, inquis, prodigus receptis sanis moribus & cum frugalitate in gratiam reversus desinit ipso jure esse in curatione *d. l. 1. de cur. fur.* Sed ne hoc quidem excludit cognitionem & declarationem magistratus. Nimirum textus juris ita sunt explicandi, ut ne

certæ rationi, aut principiis aliarum disciplinarum repugnent. Qui fieri possit, ut citra magistratus cognitionem & auctoritatem, is cui publicè bonis interdictum est curatore dato, se liberet à curatione, & curator ipsi datus curam & administrationem rerum deponat? aut quis secure cum tali contrahere poterit? Neque enim aut ipsi prodigo, aut curatori ejus, aut aliis privatis hoc permitti debet, ut statuant & judicent, an morum redierit sanitas. Itaque dicam per verba *ipso jure in d. l. 1.* non excludi sententiàm declaratoriam; sed opponi quodammodo curam prodigi curæ minoris 25 annis, quæ certo & statuto tempore, anno sc. vigesimoquinto, finitur, secus atque illa prodigi, quæ finitur mutatis in melius moribus, cujus rei cognitio magistratui competere debet. *Gail. 2. obs. 51. Ant. Fab. Cod. suo forens. tit. de cur. fur. defin. 7. Tulden. Cod. eod. n. 5. Christin. vol. 1. decis. 163.* Nostri moribus semper requiritur sententia declaratoria, ejusque publicatio, teste *Grot. 1. manuduct. 11. add. Iod. Damhoud. c. 8. de tut. & cur. mun. n. 26.*

8. Infans quoque seu septennio minor,

nor, *l. 1. §. 2. de adm. tut. l. 14. de sponsal. l. 18. C. de jur. delib.* in his, quæ animo & affectu geruntur, non multum à furioso distat; utpote qui non magis intelligat, quod agitur, aut affectu acquirendi ducatur, quam furiosus. Proinde nec cum tutoris auctoritate quicquam gerere potest, nec contrahendo obligari, aut obligationem sibi acquirere. *§. pupillus. 9. Inst. de inut. stip.* Illud tantum utilitatis causa receptum est, ut infans tutore auctore possit incipere possidere, iudiciumque infantis in re, quæ facti magis est, quam juris, suppleatur auctoritate tutoris. *l. 1. §. 3. l. 32. §. ult. de acq. poss. l. 3. C. eod.*

9. De proximo infantia quoque dicitur, nullum cum habere intellectum. *d. §. pupillus.* nihil scire aut discernere. *l. 9. de acq. her. non intelligere, quod agitur. l. 1. §. huic proximus. 13. de obl. & act. l. 6. rem pup. salv. actum rei non intelligere. l. 5. de reg. jur.* Cæterum cum in *d. §. pupillus.* aliisque omnibus istis locis proditum sit, cum qui infantia proximus est, & stipulari & promittere, & hereditatem adire, omniaque tutore auctore non minus rectè agere possit, quam cum,

qui proximus sit pubertati, quantumvis id benignè receptum sit, comparatio hæc infantis & infantia proximi cum mica salis accipienda erit; quod ille scilicet nullum omnino intellectum habeat, hic nullum perfectum: ille omnino non intelligat, hic non omnino. Nam si nec proximus infantia ullum intellectum haberet, ne tutore quidem auctore quicquam agere posset, neque illa interpretationis benignitas magis in hoc admittenda esset, quam in infante. Denique non alia ratione receptum est, ut septennio major idemque infantia proximus sponsalia contrahere, item sine tutoris auctoritate incipere possidere queat, quam quod ea ætas jam aliquem intellectum habere credatur, ut disertè testantur Jurisconsulti in *l. in sponsalibus. 14. de sponsal. l. 1. §. 3. de acq. poss.* Igitur infantia proximi idem juris habent, quod proximi pubertati nimirum ut paciscendo, stipulando, aut aliter contrahendo sibi prodesse & obligationem acquirere possint, & cum tutoris auctoritate omnia recte gerere.

10. Cæterum cum hoc illis benigniter præstitum dicatur. *l. 1. §. huic pro-*

proximus. 13. de obl. & act. l. 9. de acq. her. l. 6. rem pub. salv. sciendum est in aliis adhuc manere differentiam; veluti quod qui tam impubes est, ut adhuc infantiae sit proximus, seu adhuc consistat intra annum decimum & dimidium, expers doli & injuriae habeatur, quorum & poenae capax est proximus pubertati. *l. pupillum. 111. dereg. jur. l. 5. §. pen. ad leg. Aquil. l. 3. §. 1. de sepulc. viol. l. impuberem. 23. de furt. l. heredibus. 13. §. 1. de dol.* Et cum infantiae proximus, quando remoto tutore de eo obligando agitur, in eadem plane causa cum infante & furioso, tanquam nullum intellectum habens ponatur, de pupillo pubertati proximo, quæri intelligitur, cum quæritur, an non saltem pupillus ex conventionem sua vel contractu sine tutoris auctoritate inito obligetur naturaliter. Videamus autem, quid de hac quaestione statuendum sit.

II. Et posito eo, quod pupillus pubertati proximus intelligere potest, quod agitur, naturaue velle & consentire, consequens est omnino, ut etiam ex conventionem sua naturaliter obligetur. At pupillum, quia ea ætate

K ;

fit,

fit, actum rei intelligere, ac proinde consentire posse satis ostendunt textus in *l. 13. §. 1. de dolo. l. pupillum. 111. de reg. jur. l. 1. §. 3. de acq. poss. §. pupillus. 9. Inst. de inut. stip.* in quibus hoc solo intuitu infantiae proximus separatur à proximo pubertati, quod ille non intelligat, quod agitur, hic intelligat; ille doli expers sit, hinc capax. Quod vero de impuberibus omnibus pronuntiatur, nullum esse eorum animi iudicium. *§. 1. Inst. quib. non est perm. fac. test.* id quidem rectè dicitur etiam de pubertati proximis; sed in re, de qua illic agitur, scilicet de dispositione testamentaria; in qua merito majus & solidius iudicium requiritur, quam in ullam partem pupillaris ætatis cadere posse creditur. Sed & nonnullis locis expresse traditum est, pupillum (intellige semper pubertati proximum) sine tutoris auctoritate contrahentem, naturaliter obligari. *l. cum illud. 25. §. 1. quand. dies leg. l. si pupillus. 21. ad leg. Falc. l. Stichum. 95. §. 2. de solut. l. in numerationibus. 44. eod. l. si ejus. 64. ad sen. Treb.* Idem quoque arguunt effecta huic obligationi jure civili tributa; veluti quod fidejussor acceptus
pro

pro eo, quod pupillus promisit, teneatur. *l. si pupillus. 127. de verb. obl.* quod præcedens obligatio pupillo eam in se suscipiente citra tutoris auctoritatem novetur. *l. 1. in fin. de novat.* Unde etiam corrui distinctio eorum, qui eo demum casu pupillum sine tutore naturaliter ex conventionē obligari statuunt; cum locupletior factus est. Nemo enim ex sola promissione sua aut susceptione alienæ obligationis unquam fit locupletior. Hoc quidem interest, quod locupletior factus ne quidem ante Divum Pium solutum condicere potuit. *l. naturaliter. 13. §. 1. & l. seq. de condict. ind.* Puto etiam hoc casu compensationem pari debuisse. At divus Pius etiam actionem in eum dedit, in quantum locupletior factus est. *l. 5. pr. & §. 1. de auct. tut.* ex quo tempore efficax & civilis quoque esse cœpit hæc pupilli obligatio. Quando autem locupletior factus non est, tunc & solutum repeti potest; & compensationi locus non est. *d. l. 13. §. 1. l. quod pupillus. 41. de cond. ind.* non quod nulla verè hic subsit obligatio: sed quod personæ pupilli hoc tributum, ne obligatio ei noceat.

12. Planè quoniam obligationis naturalis, quæ ex conventionione oritur, effectus præcipuus consistit in jure compensandi & soluti retinendi *l. 6. de compens. l. 10. de obl. & act.* obligatio autem pupilli hunc effectum non habet, nisi quatenus locupletior factus est, inde fit, ut de pupillo sine tutoris auctoritate contrahente sic aliquando Jurisconsulti loquantur, quasi ne natura quidem isto modo obligaretur. *d. l. 41. de cond. ind. l. pupillus. 59. de obl. & act.* habita inquam ratione personæ pupilli, in cujus gratiam & favorem propter debilitatem consensus obligationi vis omnis detracta est, quatenus ipsi nocere possit; non autem considerata conditione obligationis, tanquam nulla omnino subesset; alioqui ne accessiones quidem admitteret, alii sive nocere aut prodesse posset. Multò magis ex conventionione & promissione sua jure naturæ obligantur puberes minores 25 annis: quippe qui si curatorem non habent, etiam jure civili ex contractu obligantur, ita ut læsis necessaria sit in integrum restitutio. *l. 3. C. de in int. rest. min.*

13. Quod si curatorem habeant, con-

consensum ejus adhibere debent: alio-
qui nulla jure civili ex eorum contra-
ctu obligatio nascitur *d. l. 3. ubi mino-*
res curatorem habentes in negotiis
contrahendis eodem jure censentur
cum iis, quibus bonis interdictum est;
quos constat jure civili sine curatorum
consensu non obligari. l. 6. de verb. obl.

14. Ac proinde admittenda non est
sententia Cuiacii ad *l. puberes. 101. de*
verb. obl. Vult. disc. 16. Fachin. 3. contr.
9. Bronch. 1. ass. 33. distinguendum in-
ter alienationem & obligationem,
quasi alienare quidem res suas minor
sine curatore non possit; obligare au-
tem se possit ad alienandum. Hæc
enim distinctio & verbis *d. l. 3. C. de in*
int. rest. min. manifestè refellitur; &
ratio, qua Imperatores utuntur, per-
spicue probat, quod de una specie di-
citur, ad alteram quoque pertinere.
Loquuntur de venditione, de contra-
ctu; non de alienatione, quæ demum
fit, cum ex contractus causa res tra-
ditur. *l. traditionibus 20. C. de pact. §. 3.*
Inst. de empt. & vend. quanquam & si
de sola alienatione loquerentur, ta-
men id quod de ea diceretur, etiam ad
contractus & obligationem minoris

referendum esset, ut mox demonstra-
bitur. Ajunt ideo minoris contractum
non esse servandum, quia minor cura-
rorem habens similis sit ei, cui bonis
interdictum est. Quod si hanc ob cau-
sam minor sine curatore alienare non
potest, quia eodem jure, quo prodi-
gus censetur: ob eandem causam nec
sine curatore poterit obligari. *l. 6. de
verb. obl.* Quid quod hoc ipso quod
minoribus denegatur rerum suarum
administratio *l. 1. in fin. de minor.* non
minus jus sese obligandi sine curato-
re, quam res suas alienandi ademptum
intelligi oportet. Hæc enim duo se-
mutuo ponunt & tollunt, ita ut divel-
li nequeant. Qui jus habet personam
suam obligandi ad rem alienandam,
ille quoque jus alienandi habet. & con-
tra. Item cui alienandi jus non est, ei
nec obligandi. & contra. argumento
est ipsa obligationis definitio. *pr. Inst.
de oblig. l. 3. de obl. & act.* Nam si obli-
gationis civilis hæc vis est, ut actio-
nem producat, & necessitate solvendi
debitorem adstringat, utique cum eo,
qui ita obligatus est, etiam judicio agi
poterit, & res debita ab eo exigi, atque
ille consequenter recte quoque cam-
præ-

præstabit, & ad creditorem transferet, cum etiam ad id cogi possit. Itaque malè nonnulli sic colligunt: curator rerum puberis & negotiorum administratio commissæ est; non personæ. *l. sciendum. 20. de rit. nupt.* proinde de persona sua promittere pubes potest sine curatore suo. Imo contra sic colligi debuit; curator negotiorum impuberis administratio commissæ est, ergo & rerum contrahendarum & obligationis puberis: nam in re contrahenda negotium geritur. *l. 7. pr. §. 1. &c. de minorib.* Neque obligationis summus finis hic est, ut personam nobis obligatam habeamus; sed ut id, quod in obligationem deductum est, consequamur. *l. 3. de obl. & act. l. stipulatio. 38. §. alteri. 17. de verb. obl.* Denique vel ex eo ipso, quod in *d. l. sciendum. de rit. nupt.* Jurisconsultus ait, utrum puella nubat, nec ne, ad officium curatoris non pertinere, quia id non sit ex administratione negotiorum, in qua officium curatoris consistit, satis intelligimus nuptiarum hoc esse proprium, eoque ad alias obligationes transferri non debere. Nam in nuptiis contrahendis non agitur de rebus

bus extra personam positis, de dando aliquo aut præstando, sed de mera & sola conjunctione personarum. Cæterarum autem rerum obligationes ad conjunctionem personarum non pertinent, sed ad dandum vel faciendum, id est, ad minuendum debitori & creditori augendum patrimonium. At ita futurum est, inquis, ut inter pupillum & adultum curatorem habentem non multum intersit. Quid tum postea? *ἐν ὀλίγῳ γὰρ πάντα ἀφλάττουσιν οἱ κερδέτορες ἀπὸ τῶ ἐπιτροπῶν*, teste Modestino in *l. εἰδέναι χρὴ. 13. pr. de excus.* id est, *valde pauca sunt ea, in quibus distant curatores à tutoribus.* & alias nullum esset discrimen inter habentem curatorem & non habentem: cum tamen tam notabile afferatur in *d. l. 3. C. de in int. rest. min.*

15. Confirmat, non evertit hanc sententiam locus Pauli in *l. obligari. 43. de obl. & act.* ubi sic scribit, *Obligari potest paterfam. sua potestatis pubes.* His enim verbis, *sua potestatis pubes*, significatur is pubes, qui nec in curatione sit, removenturque pūberes curatorem habentes, & ii, quibus bonis interdictum est: alioqui superfluo verba

ba illa adjicerentur, cum nullus sit paterfamilias, qui non sit suæ potestatis suive juris, si verba ista accipiantur in sensu vulgari, ut in *titt. Inst. & D. de his qui sui vel al. jur.* Sic & Ulpianus in *l. 2. §. 1. de pollicit.* ait, voto obligari patres fam. puberes sui juris. *sui juris*, id est, suæ curæ, qui nec sint in potestate administratoria curatoris: quomodo & Cuiacius ipse hoc explicat *21. obs. 23.*

16. Ac mihi planè persuadeo, neque Cuiacium, neque quenquam alium ab hac sententia, cæteris ferè interpretibus probata, recessurum fuisse, nisi eos movisset responsum Modestini in *l. puberes. 101. de verb. obl.* Verba Modestini sunt; *Puberes sine curatoribus suis ex stipulatu obligari possunt.* Si ex hoc uno loco res decidenda esset, protinus subscriberem sententiæ Cuiacii: sed quoniam ex professio in contrariam sententiam scripta est *d. l. 3. C. de in int. rest. min.* & quidem ita, ut in aliam trahi nequeat (omitto nunc rationes & alios locos supra adductos) danda potius opera, ut verbis *d. l. 101.* ea apertur interpretatio, qua fiat, ut ne illa *d. l. 3.* repugnet. Et dictio quidem illa
rela-

relativa & reciproca *suis* non patitur, ut verba Modestini sic interpretemur; *puberes qui sunt sine curatoribus* &c. nec argumentum aut titulus, ut ea restringamus ad nuptias aut sponsalia. At hæc interpretio colorem habet; *Puberes sine curatoribus suis* &c. id est, absentibus curatoribus, quos habent, contrahentes; puberes alibi versantes sine curatoribus suis ex stipulatu obligari possunt; non utique sine illorum consensu, sed præsentia: ut intelligamus hoc inter impuberes puberesque interesse, quod tutor in ipso negotio præsens esse & statim auctor fieri debeat. *l. 9. §. pen. de auct. tut.* curatoris autem consensus etiam postea interveniens, atque ejus etiam, qui præsens non fuit, sufficiat. Nec video quid speciosius afferri possit ad evitandam legum pugnam, nisi putamus Modestinum ita scripsisse: *Ἐφ' ὧς οἱ ἀνδρες νεγροτόπων*, &c. id est, *puberes sine curatoribus constituti*, ut Impp. in *d. l. 3.* quod male conversum sit. Sane pleraque Modestini de tutoribus & curatoribus Græco sermone scripta esse constat ex *litt. de confirm. tut. Qui per. tut. De tut. dat. De excus. tut.* Consuli interim poterunt.

terunt DD. in d. l. 3. & d. l. 101. Robert.
1. animad. 12. Goëdd. tract. de contr. &
comm. stip. c. 7. Lyclam. 7. membr. 15.
Tim. Fab. anniverf. diff. 9. Porro pa-
cisci cum omnibus possumus, quibus-
cum juris gentium communio est. Er-
go & cum servis, cum deportatis, aliis-
que peregrinis, cum hæreticis, cum
hostibus, quibus omnibus fides data
jure gentium servanda est. l. nam &
Servius. 21. de neg. gest. l. bona fides. 31.
depos. de quo luculentius sup. c. 2. & 3.

C A P. XV.

An quis pactione sua alteri no-
cere, aut prodesse queat.

1. Quibus casibus pactum reale servi aut
filii fa. domino aut patri noceat.
2. Quando pactum personale filii, ne ipse
petat, utile.
3. Quibus casibus pactum procuratoris,
ne dominus petat, domino noceat.
4. Quando tutoris, curatoris &c. pu-
pillo, minori &c. noceat.
5. Cur pactio emptoris hereditatis & de-
bitoris hereditarii noceat venditori he-
reditatis.

6. Pa-

6. *Pactum servi & filii ne à domino aut patre petatur, prodest domino & patri.*
7. *Quid juris, si filius fa. aut servus pacti, ne à se peteretur.*
8. *Quid si pater pactus, ne à filio petatur.*
9. *Pactum procuratoris negotiorum domino prodest ad exceptionem doli.*
10. *Ejus, qui planè extraneus est, pactum nobis non prodesse.*
11. *Contemplatio auctoris circa l. 3. C. de don. qua sub mod.*
12. *Quantum vi & effectu differunt prohibitio alienationis testamentaria & conventionalis.*

Nemo pactione sua alteri nocere potest, ne ei quidem, cujus est in potestate. *l. si tibi. 17. §. pen. l. si unus. 27. §. 4. vers. ante omnia. l. contra juris. 28. §. 2. l. ult. hoc tit.*

1. Cæterum pactum à servo aut filiofam. in rem factum, ne pecunia petatur, domino aut patri interdum nocet, videlicet si de re peculiari, cujus liberam habent administrationem, non donationis causa, sed transactionis, aliave simili, quæ non excedit fines administrationis, factum sit. *d. l. contra juris.*

juris. §. 2. hoc tit. Quinetiam pactum de re dominica aliquando utile est, veluti si servus dominicam pecuniam credens pactus sit, ne ea ante certum tempus petatur. *l. sin autem. 29. eod.* Quod si servus aut filius pacti sint, ne ipsi peterent, inutile est pactum. *d. l. contra juris. §. 2. eod.* Nam cum neque servus, neque filiusfam. regulariter petere seu agere possit. *l. filiusfam. 9. de obl. & act. l. 6. C. de judic.* pacta de non petendo frustra in eorum personam concipiuntur.

2. Quibusdam tamen casibus in persona filiofam. id aliter se habet; veluti si paciscatur, ne injuriarum agat, vel alia quapiam actione ex earum numero, quæ jure singulari filiofam. comperunt. *d. l. filiusfam. de obl. & act.* quod & Caius significat in *l. in persona. 30. hoc tit.* Item cum pactum à filiofam. confertur in id tempus, quo sui juris effectus agere poterit. *l. & hered. 21. §. 3. eod.*

3. Sed nec pactum à procuratore factum, ne dominus petat, nocet domino, præterquam tribus in casibus. quorum primus est, si dominus procuratori suo mandavit, ut paciscere-

tur;

tur: alter, si sit procurator omnium rerum, totorum seu universorum bonorum. *l. nam & nocere. 12. eod.* quibus verbis veteres compendio sermonis significant eum, cui plena liberaque rerum administratio concessa est. *l. procurator cui. 58. l. procurator totorum. 63. de procur. l. iusjurandum. 17. §. ult. de iurejur. Vaud. 1. quæst. 47. Duar. ad l. 1. §. per procuratorem. 20. de acq. poss. Ar-* que huius procuratoris tam ampla potestas est, ut exigere, novare, aliud pro alio permutare, eaque omnia facere possit, quæcunque ad administrationem magis, quam ad profusionem dissipationemve patrimonii pertinent. Nam donationis causa pacisci non potest, ac ne eas quidem res vendere, quas diligens attentusque paterfamilias distrahere non solet. *d. l. contra iuris. 28. §. 2. hoc tit. d. l. 63. de procur. l. si consensit. §. 1. quib. mod. pign. solv.* Tertius casus est, cum quis procurator in rem suam constituitur, id est, cum ei actio ceditur; quia hic, ut ait Paulus, domini loco habetur. *l. sed si. 13. §. 1. hoc tit.*

4. Similiter nec pactum tutoris aut curatoris donationis causa factum pupillo

pillo aut adulto nocet. *l. pactum. 22. C. eod.* nocet autem si factum sit de re dubia transactionis causâ. *l. interdum. 56. §. pen. de furt. per l. tutor. 35. pr. de jurejur.* Curator quoque sive administrator reipub. aut civitatis paciscendo non magis reipub. aut civitati, quam tutor pupillo, nocere potest. *l. Imperatores. 37. hoc tit. l. praeses. 12. C. de transact.* eademque causa est ejus, qui societatis vel universitatis magister dicitur. *l. item magistri. 14. hoc tit. l. actor. 9. rat. rem hab.* atque ita accipiendum quod Ulpianus *d. l. 14.* ait, magistri pactum & prodesse & obesse.

5. Pactio facta inter emptorem hereditatis & debitorem hereditarium nocet venditori. *l. si cum. 16. hoc tit. nec mirum*, cum totum commodum ad emptorem pertineat, qui etiam utiles actiones proprio nomine habet ex constitutione Divi Pii. *d. l. 16.* Facilius admittendum fuit, ut quis pactione sua alteri possit prodesse: quod & ipsum tamen regulariter receptum non est. *l. si tibi. 17. §. 4. l. si cum. 36. l. tale pactum. 40. §. ult. hoc tit. l. stipulatio. 38. §. alteri. 17. de verb. oblig.* Pactum filii aut servi, ne à patre aut domino petatur,

tur, utile est, prodestque patri & domino. *d. l. si tibi. in fin. cum 2. ll. seqq. eod.* quoniam per eas personas, quæ in potestate nostra sunt, melior conditio nostra fieri potest, etsi deterior fieri non potest. *l. melior. 133. de reg. jur. l. 3. l. filius. 23. C. hoc tit.* Idemque dicendum & de eo servo, in quo usumfructum habemus, aut qui nobis bona fide servit. *l. si debitor. 55. eod.* Si filiusfam. pactum fecerit, ne à se petatur, proderit ei. *l. acquirent. 19. §. 1. eod.* Nam ex omni causa filiusfam. conveniri potest, sicut paterfam. *l. filiusfam. 39. de obl. & act.* ac tamen si pactum istud personale sit, nihilominus tamen & patri proderit, si nomine filii conveniatur; utique quamdiu filius vivit; morte enim filii extinguitur, quia personale est. Quod si servus, ne à se peteretur, pactus sit, nihil valebit pactum; quia ab eo peti non potest. *l. cum servo. 107. de reg. jur.* At enim si in rem paciscatur, proderit domino pacti conventi exceptio. Si vero in personam pactum conceptum fuerit, dabitur domino hoc casu exceptio doli subsidiaria. *l. & heredi. 21. §. 1. hoc tit.*

8. Pactum à patre factum ne à filio petatur,

tatur, filio non prodest, etiamsi postea heres filius extiterit. *l. si tibi. 17. §. 4. eod.* quod tamen cum Cuiacio sic accipio, hætenus non prodesse, ut filius pacti exceptione directa utatur: nam doli exceptio non videtur ei deneganda. *arg. d. l. & her. §. 2. hoc tit. & ita quoque Zas. in d. l. si tibi. §. cum possessor. n. 7. & Pac. in §. 4. eod.* Sed si pater paciscatur filio, ut heredi futuro, quod facere intelligitur, cum super ea obligatione paciscitur, ex qua non potest filius, nisi ut heres, conveniri, exceptio pacti filio danda est: nam heredi consuli concessum est: & nihil prohibet uni ex heredibus providere; cæteris autem non consuli, auctore Celso in *l. avus. 33. hoc tit.* quod & Pomponius probat. *l. 10. de pact. dotal.* Huic tamen sententiæ obloqui videtur Iulianus *l. eum qui. 56. §. 1. de verb. oblig.* ubi ait, si quis promiserit se & Titium heredem suum daturum, nihilominus cæteros quoque heredes teneri, quamvis convenisse videatur, ne à cæteris peteretur; Nolo hîc examinare varias responsiones cum veterum, tum recentiorum interpretum in *d. l. 33. & d. l. 56. §. 1.* sed quid mihi ad *d. l. 56. §. 1.* responden-

dendum videatur, breviter exponam. Ajo igitur Iulianum illic principaliter agere de constituenda obligatione in unum ex heredibus, quod fieri propter legem 12. tabb. non potest: utpote ex qua obligatio, quæ in defunctum cœpit, in omnes competit pro portionibus hereditariis. *l. 2. C. de her. act. l. 6. C. fam. etc.* Et quamvis, si verba stipulationis spectamus, in qua solius Titii mentio facta, possit videri tacite convenisse, ne ab aliis heredibus, sed à solo Titio peteretur; tamen taciti hujus, & tantum non imaginarii pacti rationem non habendam, propterea quod verisimile non est eam fuisse mentem stipulatoris decem sibi dari stipulantis, ut à solo Titio eam summam peteret, à cæteris nihil peteret, atque ita integra decem non posset consequi. Certum enim est, Titium ultra portionem hereditariam obligari non potuisse, & vel ideo, quia heres ultra eam portionem habetur pro extraneo. *l. 14. C. de rei vind. l. pen. C. de her. act.* Atque hinc est, quod Iulianus ait, Titii personam supervacue comprehensam esse. Ex converso quoque qui stipulatur sibi & Titio heredi suo

suo dari, omnibus heredibus suis obligationem acquirit propter eandem legem 12. tabb. ex qua etiam obligatio à defuncto cœpta heredibus omnibus pro hereditaria cuiusque parte acquiritur. quod cum procul dubio cum effectu accipiendū sit, consequens omnino est, neminem partem suam petentem exceptione summo veri posse, contra quam existimat Accursius in *d. l. 33. h. t.* At verò apud Celsum *d. l. 33.* non agitur de uno ex heredibus obligando, neque de obligatione uni acquirenda; sed de uno per pactionem liberando, eique ita consulendo, ut huic soli exceptio profit, cæteris non item. Hoc autem etsi tacita pactione non efficitur, expressa tamen effici potest. Tutoris quoque & curatoris pactum prodest pupillo, adulto, furioso & prodigo. *l. tutoris. 15. l. contra. 28. §. 1. eod. l. curatoris. 22. C. eod.* quia etsi personæ extraneæ sunt, tamen ob hoc ipsum rebus nostris administrandis sunt præpositi, ut faciant conditionem nostram meliorem. Sed & pactum procuratoris negotiorum domino prodest, quanquam non ad exceptionem pacti, sed ad exceptionem doli, quæ exceptionis pacti plerumque

rumque subsidium est. *l. rescriptum. 10. §. ult. eod.* Quippe exceptio doli non tam ex facto procuratoris nobis nascitur, quam ex dolo creditoris nostri; quem certum est dolo facere, si id petat, quod procuratori nostro, id est, pene alteri domino, & quidem nostro nomine remiserit. *l. 1. §. 1. & 2. de dol. mal. except.* Et generaliter quicunque stipulando nobis acquirere possunt, iidem & paciscendo possunt conditionem nostram facere meliorem. *l. per quos. 59. hoc tit.*

10. At si quis planè extraneus est, qui nec in potestate nostra sit, nec rebus nostris administrandis præsint, ejus pactum nobis non prodest, nec inde aut actio aut exceptio acquiritur extraneo. *l. stipulatio. 38. §. alteri. 17. de verb. obl. l. 3. C. de inut. stipul. l. quo tutela. 73. §. ult. de reg. jur.* quanquam interdum in subsidium exceptio doli datur. *l. idem in duobus. 25. §. ult. & l. seq. hoc tit.* Illud singulare esse videtur in donatione, quod ex donatoris pacto acquiri potest actio tertio alicui extraneo contra donatarium. *per l. 3. C. de donat. qua sub mod.* cujus rei hanc esse rationem scribit Covar. 1. var. resol.

sol. c. 14. quod id speciale sit in donatore liberalitatem exercente in donatarium, ut possit donator obligationem exigere in alicujus tertii favorem. obiter inspicitur potest & *Ant. Fab. Cod. suo forens. ad d. tit. C. de donat. quæ sub mod. defin. 2.*

11. Tentari tamen potest, in *d. l. 3. C. eo tit.* occurrere speciem fideicommissi in contractu constituti. Sane enim & in contractibus interdum fideicommissum constituitur *l. Publia Mævia. 26. pr. depos. l. si pecunia. 77. de legat. 1.* Et sic possum in traditione rei meæ pacisci, ne res alieneretur. *l. ult. C. de pact. int. empt. & vend. l. ult. C. de reb. al. non al. l. in traditionibus. 48. hoc tit. l. 3. C. de cond. ob caus. dat.* cui non obstat *l. pen. hoc tit.* quippe quæ ad eum casum non pertinet, cum pactio intercessit in traditione rei meæ, sed inter duorum prædiorum dominos, quorum alter ab altero nihil accepit.

12. Atque hæc est prohibitio conventionalis, inter quàm & prohibitionem testamentariam, ut id obiter addam, hoc interest, quod ex testamentaria prohibitione æquè ac ex legali, ad revocandam rem alienatam actio

L

in

in rem competit. *l. ult. §. 3. C. comm. de legat.* At si contra conventionale fidei-
 commissum alienatio facta sit, perso-
 nalis duntaxat actio contra alienantem
 datur. *d. l. 3. C. de cond. ob caus. dat.*
 Quapropter quamvis in *d. l. ult. C. de*
reb. al. non alien. prohibitio fiat aliena-
 tionis rei non modo quæ in testamen-
 to, sed etiam quæ in contractu alienari
 vetatur, ex eo tamen non oportet col-
 ligere eundem esse utriusque prohibi-
 tionis effectum, sed accommodanda est
 vis ac potestas prohibitionis ad eum
 modum, quem species singulæ illic po-
 sitæ pro natura sua admittunt; quod &
 interpp. vulgo observant. *Bronch. cent.*
1. assert. 36.

C A P. XVI.

Quatenus pactum debitoris fide-
 jussori, aut fidejussoris debi-
 tori profit. & de pacto
 unius è duobus reis.

1. *An utilitas exceptionis fidejussori qua-
 sita ex pactione rei, contraria rei pactione
 ei auferri queat.*

2. Pa-

2. *Pactum fidejussoris nec reo nec confidejussori prodest.*
3. *Iurisjurandi alia ratio. & quare.*
4. *Quid juris, si expresse convenit, ne à reo quoque petatur.*
5. *Pactum unius ex correis debendi sociis alteri quoque prodesse: nec obstare l. 3. §. 3. de lib. legat.*
6. *Si socii non sunt, non prodesse.*
7. *Species l. 2. C. de duob. reis.*
8. *Quid si uni ex correis debendi reddita cautio, & ita tacite pactio inducta?*
9. *Pactum unius è duobus reis credendi sociis ita alteri non nocere, ut neque profit.*
10. *Explicatio l. si duo. 34. de recept. arbitr.*
11. *Si rei credendi socii non sint, pactum unius alteri nullo obesse modo.*

PActum debitoris in rem conceptum fidejussori quoque prodesse constat, non tam propter vicinitatem obligationis, quam ob regulam traditam *l. & heredi. 21. §. ult. hoc tit.* ut jam intelleximus. Personale autem pactum debitoris diximus fidejussori non prodesse (utique jure veteri) *l. nisi hoc. 22. eod.* Atqui, inquis, etiam hic interest

rei, ne à fidejussore petatur. Sed id in proposito considerari non debet: quippe ubi reus expressè pactum ad suam personam restrinxit, creditori, qui aliter pactus non fuisset, non poterit obijci exceptio à fidejussore, aut si obijciatur, replicatione elidetur. Quid si simpliciter sine particula taxativa pactus sit debitor ne à se petatur? Puto hoc pactum etiam fidejussori profuturum & omnibus, quorum principaliter & pecuniariè interest, ne ab aliis petatur. *arg. l. si tibi. 17. §. prope. hoc tit.* Procedit igitur *d. l. nisi hoc. 22.* in pacto, ut loquitur Bartolus, personalissimo, quando pacto est inserta dictio taxativa; veluti si convenit, ut à reo duntaxat non petatur. Potest autem & sine persona sua reus pacisci, ne à fidejussore petatur, ut pactum sit efficax. *l. si unus. 27. §. 1. eod.*

I. Quæstionis est, an utilitas exceptionis semel fidejussori quæsitæ ex pactioe debitoris ei iterum contraria debitoris pactioe auferri queat. Et Furius Anthianus respondit, non posse. *l. ult. hoc tit.* cui obstare videtur *l. si unus. 27. §. 2. vers. eadem ratione. eod.* ubi Paulus ait, prius pactum eadem

ratione fidejussoribus non prodesse, qua prius non prodest debitori, qui postea pactus est, ut petere liceret. Sed non sunt hæc contraria. Nam hoc tantum significat Paulus, ut pactum de non petendo debitori factum posteriore debitoris pacto de petendo tollitur, non ipso jure, sed ope replicationis, ita & pactum factum debitori vel fidejussori pacto contrario ipsius fidejussoris per replicationem elidi, ut noceat fidejussori. Longè autem diversum est, quod Anthianus definit, exceptionem fidejussori vel sua vel debitoris pactione semel quæsitam, ipsi invito extorqueri non posse. *Pac. i. cent. 98.*

2. Ex converso pactum fidejussoris reo non prodest, quoniam ut profit reo, nihil interest fidejussoris; quippe in quem reus, si solverit, nullam actionem habiturus sit: ac proinde etsi fidejussor simpliciter pactus sit, ne pecunia petatur, nihilomagus id proderit reo. *l. fidejussoris. 23. hoc tit.* eademque ratione nec confidejussori hujusmodi pacta proderunt. *d. l. 23.*

3. Jurisjurandi alia ratio est: id enim solutionis loco cedit. *l. iusjurandum.*

dum. 27. & l. seq. §. 1. de jurejur. dummodo de ipso contractu & de re juratum sit: quoniam tunc perinde habetur, quasi nihil debeatur. *l. in duobus. 28. §. 1. d. tit.* Pactum autem non facit, ut ne quis debeat, sed ut defendatur exceptione.

4. Cæterum si expressè convenit, ne à reo quoque petatur, placet tale fidejussoris pactum etiam reo proficere. *l. idem in duobus. 25. §. ult. & l. seq. hoc tit.* quo tamen casu debitori non exceptio pacti, sed doli exceptio datur. *d. l. 25. §. ult.* nimirum ex æquo & bono: est enim exceptio doli subsidiaria illius, quæ alias ex pacto competeret, ut supra quoque monuimus. *l. rescriptum. 10. §. 2. eod.* Placet autem hoc casu etiam reo exceptionem dari propter *συμπελεκτώ*, seu connexum obligationum, quia reus & fidejussor unum & idem debent. Idem est & in confidejussoribus. Excipitur & hîc casus, si fidejussor quis sit in rem suam: quoniam hîc reus potius est, quam fidejussor, & is pro quo fidem interposuit, fidejussor verius, quam reus. *l. sed si. 24. eod.*

5. Si unus ex correis debendi, qui
&

& focii sint, pactus sit, ne à se petatur, quin id pactum cæteris quoque profit, vix ambigitur, propter regulam *l. C. heredi. 21. §. ult. hoc tit.* Nam hîc quoque paciscentis pecuniariter interest, à socio promittendi reo non exigi, quia si solvat, id alteri judicio societatis reputabitur. Obstare tamen videtur, quod Julianum respondisse Ulpianus *l. 3. §. 3. de liber. legat.* refert, si uni ex coreis sociis liberatio legata sit, non pacto, sed per acceptilationem eum liberari debere, ne dum ab altero petitur, ille inquietetur: quibus verbis non obscure significat, pactum unius rei debendi alteri non prodesse, licet socii sint. Sed rectè respondet Bachovius Jurisconsultum in specie illic proposita liberationem fieri voluisse per eum modum, quo penitus & ipso jure obligatio perimitur, ut in omnem eventum legatario prospectum sit; cum alioqui actione ipso jure non sublata fieri possit & aliquando contingere, ut actione adversus alterum instituta ipse inquietetur.

6. Quid si socii non sint? pactum unius alteri non prodesse probatur ex *l. idem. 25. hoc tit.* quæ lex conjungen-

da est cum *l. fidejussoris. 23. eod.* ut inscriptio & res ipsa indicat. Cessat quoque hîc regula *d. l. 21. §. ult. eod.* quia non interest paciscentis à correo, qui socius non sit, non peti. Et huc in primis facit *d. l. 3. §. 3. de lib. legat.* ubi Jurisconsultus ait, alterum ex correis debendi, cui liberatio legata, agendo quidem consequi posse, ut pacto liberetur; sed non ut per acceptilationem, ne alteri liberatio prosit.

7. Plerique tamen credunt huic sententiæ contrarium esse, quod rescriptum est *l. 2. C. de duob. reis*, si unus ex duobus debendi reis conventus integrum debitum creditori, exolvat, quod ultra dimidiam suam solvit, posse repetere: quod sic accipiunt, posse repetere etiam citra cessionem in correum actionis, videlicet subsidiaria actione negotiorum gestorum: & secundum id sæpe judicatum esse testantur *Ant. Fab. Cod. suo for. de duob. reis. defin. 1. Christin. vol. 3. decis. 114. & vol. 4. decis. 178.* Ego verò puto *d. l. 2.* commode accipi posse de correis sociis, propterea quod pecunia ibi dicitur communiter mutuò accepta. *vid. eund. Fab. 11. conject. 6. & seqq. Perez ad tit. C. de*

C. de duob. reis. n. 10. & seq. Planè si quis nominatim correo quoque suo paciscatur, proderit ei pactum ad exceptionem doli, *arg. l. idem in duobus. §. ult. cum l. seq. hoc tit.*

8. Quid si tacitè pactum inducatur ex chirographi redditione uni ex correis debendi facta? Non alii prodesse posse Alexander ad *l. 2. hoc tit.* scripsit, quam ei cui redditum est. Tacitum enim pactum ex facto inducitur. Factum autem nullum intercedit creditoris nisi cum eo ex correis, cui chirographum redditur. Et potius redditio illa conjecturam inducit & probationem mandatarum ei adversus correum actionum, *arg. l. 1. C. de donat. l. Marcia. 49. solut. matrim. l. servum filii. 44. §. eum qui. §. de legat. 1.* Ex quo apparet non posse correo ex ea causa quæri exceptionem pacti de non petendo; alioqui videretur creditor mandasse actionem inutilem; quippe quæ per exceptionem pacti elidi posset: idemque creditoris factum & actionem præberet, & simul exceptionem, qua hæc actio clideretur. quod est absurdum. Fidejussorum alia ratio est. Quid ni enim iis profit exceptio pacti, cum non

possit redditio instrumenti facere, ut adversus eos ulla actio mandata videatur: Namque reus principalis regressum habere non potest adversus fidejussorem suum, cui ex contrario ipse indemnitatem præstare debet. Plane si in rem suam fidejussit, aliud dicendum est: nam hoc casu nec pro fidejussore habetur. *l. sed si. 24. hoc tit. l. 8. §. 1. qui satisf. cog. l. 5. de liber. legat. & ita judicatum refert Ant. Fab. Cod. suo. hoc tit. defin. 6. vid. & sup. c. 12. n. 13.*

9. Illud adhuc videndum, an pactum unius ex reis stipulandi aut credendi alteri credendi correo noceat, nempe si pactus sit se non petiturum. Et hic iterum interesse putem, socii sint, nec ne. Si socii sunt, pactum unius alteri ita non nocebit, ut neque profit: nam saltem pro parte obstabit correo petenti exceptio, pro ea videlicet parte, quam ille socio restituere teneretur judicio societatis: eam autem partem, quam ipse consequitur, communicare non tenetur socio, cujus pactio-
ne effectum, ne integrum consequi potuerit. Et ut ut summi juris ratio efficere videtur, ut nullo modo unius pactum alteri obsit, propter conditionem

nem obligationis duorum reorum, in quorum singulorum persona tota obligatio consistit: æquitatis tamen ratio facit, ut agenti saltem obstat exceptio pro parte.

10. Objicit huic sententiæ *Ant. Faber l. si duo. 34. de rec. arbitr.* Ex qua ita, argumentatur; Si compromissum unius ex correis sociis in totum alteri nocet, ergo nocebit & pactum: at compromissum nocet &c. *d. l. 34.* Respondeo, falsum est assumptum: idque vel ex eadem *l. 34.* liquere potest. non enim quaritur eo loco, an socius petere, quod promissum est, possit; sed an petente eo stipulatio pœnalis interposita à socio, qui compromisit, committatur; quod non obscure affirmat Jurisconsultus. Unde facile intelligitur compromissum socio, qui non compromisit, non nocere: quamvis & eo petente stipulatio pœnalis committatur adversus eum scilicet, qui compromisit.

11. Quod si correi credendi socii non sint, pactio unius alteri non obest ullo modo: quoniam talia pacta vim suam nunquam exerunt extra personas paciscentium. *l. si unus. 27. in fin.*

fin. pr. junct. §. 4. vers. ante omnia hoc tit. Aliud est, si unus promissori acceptum tulerit. *l. 2. de duob. re. aut novandi animo alium reum acceperit. l. si rem. 31. §. 1. de novat.* aut jusjurandum detulerit. *l. 28. de jurejur.* quia hæc omnia vicem solutionis obtinent. Sed & vim litis contestatæ jusjurandum habet. *l. 9. §. 3. de jurejur.* Petitione autem unius alterius jus consumitur. *l. 2. de duob. reis. l. 31. §. 1. de novat. l. 11. §. sic evenit. 21. de legat. 3.* Hæc nunc pro instituto sufficiant : alio fortassis tempore & loco nonnulla opulentius.

C A P. XVII.

De pactis majoris partis creditorum.

1. *Pactio debitoris, licet facta cum majore parte creditorum, aliis creditoribus non nocet.*
 2. *Excipitur casus, de quo l. 7. §. ult. & 3. ll. seqq. hoc tit.*
 3. *Exceptionis hujus ratio.*
 4. *Major pars creditorum non ex numero personarum, sed ex modo debiti aestimatur.*
- §. Cre-

5. *Creditores absentes, rectè & tempestive citatos, sequi debere exemplum praesentium.*
6. *Non excipi in hoc negotio creditores privilegiarios.*
7. *Hypothecarios excipi, & qui fidejussorem habent. & quare.*
8. *Sententia Pauli in l. si praecedente. §. 1. mandat.*

Creditores cum debitoribus suis Cobæratīs qui solvendo non sunt, interdum paciscuntur de parte aliqua debiti non petenda: & hæc quidem pacta certo jure nocent illis, qui pacti sunt de certa portione remittenda: sed an aliis creditoribus, qui forte noluerunt pacisci, noceat pactio majoris partis creditorum, ut nec ipsi possint totum petere, quæritur.

1. Dicendum est debitoris pactio-
nem licet cum majore parte credito-
rum factam, cæteris non obesse. *l. de-
bitorum. 25. C. hoc tit. per l. non debet.
74. de reg. jur. tot. tit. C. res int. al. act. l.
solvendo. 39. de neg. gest. item arg. l. ult.
C. qui bon. ced. poss. ubi pars major cre-
ditorum minori quidem parti præjudi-
care potest in danda dilatione seu in-
ducūs.*

duciis ad solvendum secundum formam illius constitutionis : cæterum non idem statuitur de remittenda parte debiti.

2. Quo pertinet ergo disputatio Jurisconsultorum in *l. juris gentium. 7. §. ult. C. 3. ll. seqq. hoc tit.* de pactione majoris partis creditorum ? nimirum ad casum singularem ; cum scilicet hæres , qui vocatur ad hereditatem debitoris obærat , æs alienum metuens ita se instituit ; ut nolit aliter hereditatem adire , quam si à creditoribus sibi caverit , eos certa parte debiti contentos fore. Hoc casu placet pacta majoris partis creditorum nomine omnium facta , non tantum nocere paciscentibus , sed etiam iis , qui pacti non sunt. *d. l. 7. §. si ante. 17. junct. d. §. ult. eod. arg. l. quod major. 19. ad municip.*

3. Atque hoc non sine evidenti ratione æquitatis constitutum est , quoniam creditorum omnium , etiam eorum , qui pacti non sunt , interest heredem adire hereditatem , ut saltem partem aliquam debiti , salvam habeant , cum alias fieri posset , ut totum amitterent , aut de eo in dubium venirent , quia hereditate non adita neminem habere

haberent, quem possent convenire. §. 2. *in fin. Inst. de leg. Falcid.* Hæc autem ratio cessat, ubi heres jam hereditatem adiit nulla pactione interposita: quoniam cum nunc sit aliquis, qui conveniri possit, non debet aliorum, licet majoris partis, pactio obesse his, qui pacti non sunt. Ita recte *Bart. Bald. Angel. Salic. Castr. in dd. ll.* Unus tamen casus est, ubi etiam vivente adhuc debitore principali obærato pactum majoris partis creditorum nocet cæteris: nempe ubi debitor fugitivus est, nec potest commode conveniri. Tunc enim eadem hîc ratio est, quæ allegata fuit in debitore defuncto, cujus heres recusat adire hereditatem. *Iason in l. majorem. 8. hoc tit.*

4. Porro in toto hoc negotio majorem partem æstimari placuit ex modo debiti, non ex numero personarum. *d. l. 8. l. ult. C. qui bon. ced. poss. l. si quis. 14. depos. l. cum bona. 16. de reb. aut. jud. poss.* Enimvero hæc ita in supra dicta specie procedunt, si major creditorum pars de remittenda aliqua debiti portione, non de toto remittendo inter se disceptent, *Paul. Castr. ad d. l. 7. §. ult. hoc tit.*

§. Et

5. Et quidem hîc etiam absentes creditores exemplum præsentium sequi debebunt, inibiturque majoris partis computatio ex iis, qui præsentibus sunt. *l. rescriptum. 10. eod.* Cæterum non aliter hoc procedet, quam si rectè & tempestivè citati sint absentes, ut bene *DD. comm.* quamvis Angelus, Castrensis & Pacius dissentiant: qui licet fateantur tutius esse absentes citari, tamen necessarium negant. Etenim cum hîc partes suas prætor interponat, ejusque decreto opus sit, *d. l. 7. §. ult. hoc tit.* speciem judicari hæc res continet, ut iis, qui citati non sunt, ea præjudicare non debeat. *arg. l. de unoquoque. 47. de re jud. l. etiamsi. 29. §. ult. de minor. l. nam ita. 39. de adopt.* Eoque jure utimur.

6. Quod autem major pars creditorum præsentium ita, uti diximus, statuerit, nocebit aliis etiam absentibus creditoribus, quantumvis privilegariis; *d. l. rescriptum. 10. hoc tit.* nempe iis etiam, qui personale privilegium inter creditores chirographarios habent, ut in *l. qui in navem. 26. l. quod quis. 34. l. bonis. 38. §. 1. de reb. auct. jud. poss. l. si sponsa. 74. de jur. dot.* Item fisco, cum.

cum non hypothecam, sed tantum privilegium exigendi personale habet. *d. l. rescriptum. hoc tit.* veluti cum in privati locum fiscus successit. *l. fiscus. 6. de iur. fisc.* Alias ex contractibus suis habet fiscus hypothecam, sicut & ex causa tributorum. *l. 1. l. 2. in quib. caus. pign. tac.*

7. Hypothecariis verò creditoribus pactio creditorum chirographariorum non nocet. *d. l. rescriptum. hoc tit.* cuius rei ratio perspicua est: neque enim iis obesse debet aliorum pactio, qui jus hypothecæ habent, propriaque actione rem sibi obligatam persequi possunt. Sed neque nocere debet creditoribus qui fideiussorem vel mandatorem habent; quoniam his etiam satis prospectum est, etsi heres non adierit hereditatem, cum habeant electionem, utrum debitorem, an fideiussorem convenire velint. *l. si præcedente. 58. §. 1. mandat. add. Trentacinq. resol. lib. 3. sub tit. de solut. c. 3.* In dandis verò induciis, quia minus præjudicii vertitur, etiam hypothecarii creditores sequi tenentur suffragium majoris creditorum partis. *l. ult. vers. nulla quidem differentia. C. qui bon. ced. poss.*

8. Quod

8. Quod autem diximus etiam privilegariis creditoribus pactionem majoris partis creditorum nocere ex Ulpiano in *d. l. rescriptum. hoc tit.* ei obstare videtur *d. l. si pracedente. §. 8. §. 1. mandat.* ubi Paulus scribit per pactum majoris partis creditorum præsentium non auferri absenti creditori pignus aut privilegium. Cæterum nulla est inter Ulpianum & Paulum pugna: neque enim Ulpianus hoc dicit, pactione majoris partis creditorum præsentium auferri absentibus privilegariis privilegium, ut putavit Cuiacius, & Bussi; sed ipsos etiam sequi debere exemplum creditorum præsentium, & portione debiti esse contentos. At vero privilegium, quod inter actiones personales vertitur, non amittunt, & præferuntur nihilominus in portione debiti reliquis creditoribus chirographariis, si forte propter heredis inopiam suam singuli partem consequi nequeant; quod sæpe evenire potest: & hoc solum est, quod Paulus vult in *d. l. si pracedente. §. 1. mandat.* Nam comparatio illa pignoris & privilegii apud Paulum non absolutè, sed *relatè* accipienda: nimirum sicut pactione majoris

ris partis non aufertur pignus creditoribus hypothecariis, ita nec privilegium auferri creditoribus privilegiariis. Illud verò discrimen adhuc manet, quod conventionem illam nec in parte debiti præjudicetur creditoribus hypothecariis, privilegiariis autem præjudicetur, ut rectè post Bartolum & alios veteres interpretes Baro & Costalius in *d. l. rescriptum. Borcholt. de pact. c. 5. n. 21. & seqq. Pac. cent. 1. quest. 89.*

C A P. XVIII.

De quibus rebus pacisci possumus.

1. *Privatorum pactis ius publicum mutari non posse.*
2. *Non valere pacta, quæ contra juris regulas, seu contra formam juris civilis aut prætorii fiunt.*
3. *Valeatne conventio vivo testatore facta, ne heres Falcidiâ utatur.*
4. *Interpretatio l. pactum. 46. hoc tit.*
5. *Valere pactiõnem gratuitam de remittendo legato conditionali, contra Ant. Fabrum.*
6. *De*

6. *De controversiis, quæ ex testamentis oriuntur, etiam non inspectis tabulis rectè paciscimur.*
7. *De alimentis testamento relictis gratis pacisci citra pratoris auctoritatem licere.*
8. *Pactum de quota litis cur improbatum.*
9. *An non saltem pactio, quæ per se non valet, vires accipiat à jurejurando.*

PAcisci possumus de re privata duntaxat & familiari, veluti si quis paciscatur, ne judicati, incensarum ædium, depositi, furti agat, ne operis novi nuntiationem exequatur. *l. juris gentium. 7. §. si paciscar. 13. & 2. seqq. hoc tit.* ne debitorem ultra quam quatenus facere possit, conveniat. *l. si quis crediderit. 49. eod.* ne ab herede hereditatem adituro totum petat. *d. l. 7. §. si ante. 17. eod.* ne legatorum sibi relictorum nomine satisfactionem ab herede exigat. *l. pactum. 46. eod. fac. l. 2. C. ut inposs. legat.* ne utatur fori præscriptione. *l. pen. C. eod.* Eadem ratione valet pactum, ut res deposita sit periculo ejus, apud quem deponitur. *l. 7. §. sed & si. 15. eod. l. 1. §. sape evenit. 35. depos. l. con-*

l. contractus. 23. de reg. jur. ne iumentum vitiosum aut morbosum venditor teneatur emptori actione redhibitoria. *l. 31. hoc tit.* Licet enim id pactum fiat contra edictum ædilium, ad rem tamen paciscentium privatam & familiarem tantum spectat, & renunciationem continet beneficii emptori edicto ædilitio concessi. Item si fideicommissi onere invicem gravati sint filii, potest precaria hæc substitutio mutuo consensu remitti. *l. cum proponas. 16. C. eod.* cui simile exemplum est, quod proponitur *l. 1. C. eod.* cum quis spem fideicommissi conditionalis sibi delati pacto remittit, & pro ea remissione quid vicissim accipit. Ex eadem regula & illud est, quod si inter emptorem & venditorem convenerit, ut venditor de evictione non teneatur, pactio servanda sit. *l. in emptionibus. 43. eod. l. 11. §. ult. de act. empt.*

1. De iis vero rebus, quæ ad causam publicam pertinent, pacisci non possumus; puta si quis paciscatur, ne operis novi nuntiationem, quæ reipublica facta est, exequatur. *l. 7. §. si paciscari. 14. hoc tit.* nam jus publicum privatorum pactis mutari non potest. *l. jus publi-*

publicum. 38. eod. Et hoc est, quod generaliter definit Ulpianus *d. l. 7. §. & generaliter.* quoties pactum à jure communi remotum est, servari hoc non oportere. *à jure communi,* dictum videtur pro *à jure singulorum & re cujusque privata. l. si unus. 27. §. pacta. 4. eod.* Et ideo si is, cui oppigneratur prædium, paciscatur cum debitore, ne onus tributi prædii oppignerati agnoscat, sed ejus solvendi necessitas incumbat debitori, hoc pacto non convellitur forma juris fiscalis. *l. inter debitorem. 42. eod.* quanquam quod ad paciscentes attinet justum, ac proinde servandum est. *l. epistola. 52. §. 2. eod. l. ult. C. sin. cens. vel reliq.*

2. Aliter hæc cum Græcis explicat Cuiac. *lib. 1. obs. c. 24.* res autem eodem recidit. Similiter non valent pacta, quæ contra juris civilis regulas seu contra formam juris civilis aut prætorii fiunt. *l. contra. 28. hoc tit. l. 27. de reg. jur.* veluti si pupillus sine tutoris auctoritate pactus sit, ne à debitore suo petat. *d. l. 28.* aut si convenerit, ne omnino, vel ut longiore tempore dos reddatur. *l. 2. l. 12. §. 1. l. licet. 18. de pact. dot.* aut si constante matrimonio vir & uxor

uxor paciscantur, ne ob res donatas ageretur. *l. 5. §. 1. d. t.* Item si quis cum aliquo paciscatur, ne ejus frater sit. Nam jus agnationis aut cognationis pacto tolli non potest. *l. jus agnationis. 34. hoc tit.* Conjunctio sanguinis necessaria est & naturalis conjunctio, quæ ex voluntate arbitrioque nostro non pendet. Quam ob causam Isocrates amicitiam consanguinitate potior esse dicebat, quod hæc ἐκ τῆς ἀνάγκης, ex necessitate, illa ἐκ τῆς ἀγαπῆρας, ex voluntate proficiscatur. Eademque est ratio sententiæ, si forte judex adeo excors sit, ut agnationem inter duos existentem ratione aliqua motus dirimat; aliter atque si nullam inter eos agnationem esse pronuntiet, quo casu merito jus facit sententia & pro veritate habetur. *l. 1. in fin. l. 2. l. 3. pr. de lib. agnosc.* Et in universum status hominis vel conditio personæ pactis mutari non potest. *l. liberos. 10. C. de lib. causa.* Denique sicut pacto effici non potest, ut is agnatus sit, qui agnatus non est, nec contra: ita quoque ut coheres sit aliquis, cui neque testamento neque lege defertur hereditas, frustra cavemus. *l. epistola. 52. pr. hoc tit.*

3. Quæ-

3. Quæsitum est, an valeat conventio vivo adhuc testatore facta, ne heres Falcidia utatur, & certam pecuniam, si contra fecerit, præstet? Et Papinianus in *l. quod bonis. 15. §. 1. ad leg. Falc.* respondet hujusmodi conventionem tanquam juri publico contrariam non valere. Qua eadem ratione nec testator ipse olim in suo testamento Falcidiam prohibere potuit: quia nemo potest in testamento suo cavere, ne leges in suo testamento locum habeant. *l. nemo potest. 55. de legat. 1.* Cæterum quoniam jure novissimo testatori permissum est vetare, ne heres Falcidia utatur. *Nov. 1. c. 2.* putavit Cuiacius in *l. pactum. 46. hoc tit.* & cum Cuiacio Busius, hodie etiam vivo testatore privata conventionem remitti Falcidiam posse, contra responsum Papiniani in *d. l. quod bonis. §. 1. ad leg. Falcid.* Quod probare non possum. Abutitur Cuiacius ratione Jurisconsulti, dum eam nimis generaliter accipit. Quod potest fieri, inquit, testamento, potest & pacto. Verum est; sed id demum procedit mortuo testatore, cum jam hereditas aut legatum delatum est, aut saltem testamentum morte confirmatum, ut jam

am-

amplius voluntas revocari nequeat.

4. Hæc enim est sententia *d. l. 46.* sicut testator potuit testamento suo cavere, ne ab herede satisfactio legatorum nomine exigatur ita & post mortem testatoris legatarius, qui satisfactionem exigere poterat, eam pacto potest heredi remittere. Neque vero cur olim heres Falcidiam vivo testatore remittere non potuerit, hæc ratio est, quod nec testator huic legi derogare potuit; sed hæc, quod eo tempore institutus nec dum heres dici potest, nec ullum planè jus ei natum est, cum testamentum pro libitu testatoris mutari queat: quæ ratio etiamnum obtinet. Et sic omnino accipiendum, quod Iurisconsultus in *d. l. 46.* ait licere sui juris persecutionem aut spem futuræ perceptionis deteriorem constituere. nimirum non juris prorsus incerti; & quod in nuda atque imaginaria spe positum sit, cujus remissio jure nostro nullum momentum habet: sed juris aut jam delati, aut alias ita oblata, ut nisi die aut conditione differretur, statim illud agnoscendo acquirere possemus. Sane post mortem testatoris conventio facta, ne heres Falcidia utatur,

M

valet:

valet: eaque Ulpiani sententia est in *l. qui quod. 46. ad leg. Falcid.* & Marcelli in *l. si patronus. 20. §. 1. de donat.* confirmata à Iustiniano *l. ult. C. ad leg. Falc.* ex quo loco apparet inter veteres etiam de hoc ipso dubitatum fuisse. Eadem ratione sanxit idem Iustinianus, ut si quis à patre certas res pecuniamve acceperit, pactusque fuerit de querela inofficiosi adversus patris testamentum non movenda, huiusmodi pacto non prægravetur, possitque nihilominus non agniti patris iudicium oppugnare: quamvis post mortem patris recte paciscatur de querela inofficiosi, quæ jam ei nata est, non movenda, ei-que renunciare possit. *l. si quando. 35. §. 1. & 2. C. de inoff. test.* additur & hæc ratio, quod filii meritis magis ad paterna obsequia provocandi sunt, quam pactionibus adstringendi.

§. Hoc amplius putat Ant. Faber non valere conventionem, quantumvis post mortem testatoris factam, de remittendo legato aut fideicommissio conditionalis. Valet quidem talis pactio, si transactionis causa facta sit aliquo accepto vel retento. *l. 1. C. hoc tit. l. 11. C. de transact.* Sed valere negat Faber

Faber eam, quæ fit gratuito & citra causam transactionis tantum animo remittendi. Et quare? quia, inquit, tale pactum destruit voluntatem testatoris, quam ex contrario transactio præsupponit. facit Paul. 4. *sent.* 1. §. *rogati*. Ego autem didici etiam gratis pacisci licere, *l. & uni.* 21. §. 4. *hoc tit. l. cum proponas.* 16. *C. eod.* Nec obstat, quod legatum aut fideicommissum pendente conditione repudiare non possumus. *l. si ita scriptum.* 45. §. 1. *de legat.* 2. nam repudiationis & pacti diversa ratio est. Non repudiantur nisi quæ jam delata sunt. *l. is qui.* 13. *l. nec is qui.* 17. *in fin. cum l. seq. de acq. her. l. delata.* 151. *de verb. sign.* Pacto remitti possunt, & quæ nondum delata. *d. l. & uni.* 21. §. 4. *d. l. 1. & d. l. 16. C. de pact.* Qui repudiat, remittit in præsens, quod ei delatum est & poterat agnoscendo acquirere. At legatum conditionale non defertur, ac proinde nec acquiri potest, quamdiu pendet conditio, mortuoque ante conditionem existentem legatario ad heredem ejus non transmittitur. *l. 4. l. 5. §. 2. quand. dies leg. l. 1. §. sin autem.* 7. *C. de caduc. toll.* Qui autem paciscitur, potest etiam in futurum

rum remittere , scilicet cum legatum vel fideicommissum deberi & peti posse cœperit. Qui repudiat, dicit se nolle rem, quæ delata est, ad se pertinere: qui paciscitur, hoc dicit, se etsi post cœperit res deberi, tamen eam non petiturum. Quin nec repudiari potest legatum, cujus dies nondum venit, licet cesserit, veluti si ex certa die nobis legatum sit. *d. l. 45. §. 1. de legat. 2. Gædd. c. 6. de contr. & comm. stip. n. 15. & seq. post Alciat. Don. & alios ad d. l. 1. C. hoc tit.* Zasius in *l. 17. §. pen. hoc tit.* etiam hanc affert rationem, quia repudiatio tantum nititur consensu unius, & est fragilis: sed pactum nititur consensu utriusque, legatarii & heredis.

6. De controversiis, quæ ex testamento oriuntur, placet non aliter rectè transigi, quam inspectis cognitisque testamenti verbis. *l. 6. ubi Gloss. & DD. de transact.* Unde quæsitum, an hoc ipso etiam prohibita videri debeat, gratuita de hujusmodi controversiis pactio facta ante tabularum inspectionem. Affirmat *Bart. in d. l. 6.* negant *Cassrens. & Iason*; quorum sententia meo iudicio probabilior; eaque defenditur his argumentis. 1. Quia *d. l. 6.* ubi transactio

actio duntaxat prohibetur, aliquid singulare continet, ac proinde extendi non debet. 2. Quia potest quilibet legatum aut jus sibi delatum repudiare. 3. Quia inter pactum & transactionem in casu proposito magna differentia est. quippe qui transigit, accepto forte minimo pro magna summa, decipitur; cum utique velit habere, quod sibi ex testamento debetur: at is, qui ultro totum remittit, non decipitur.

7. Huic quæstioni affinis est & illa, an quis alimenta sibi testamento relicta ex liberalitate donationis causa remittere possit, sive quod idem est, an gratis de futuris alimentis citra prætoris auctoritatem pacisci liceat, quamvis de his transigere sine prætore licitum non sit. *l. 8. per tot. de transact.* Et puto licere, idque ob hasce rationes:

1. Quia id nullibi prohibetur: est autem transactio ex genere prohibitorum. 2. Quia hæc transactionis prohibitio est contra regulas juris communis; ideoque non producenda ad consequentias. *l. quod vero. 14. & seq. de legib.* 3. Quia nemo prohibetur, quod sibi relictum est, repudiare & contemnere. Et quæso qua ratione quis im-

pedietur , quo minus omittat & non petat, quod sibi relictum est? Quid denique interest, utrum non petat prorsus repudietve, an remittat? 4. In pacto cessat ratio , quæ in transactione cognitionem prætoris requirit, ne scilicet alimentarius circumveniatur: non enim videri potest decipi, qui ultro remittit: sed facile decipitur, qui pro alimentis aliquid accipit, & mavult aliquid integrum in præsens habere, quam singulis annis particulam. Visum est voluntatem testatoris conservari ei, qui liberalitate ejus uti vellet, non qui contemneret. Non movet, quod relatum est in *d. l. 8. §. si uni. 15. de transact.* non posse alimentarium inconsulto prætore fundum in alimenta oppigneratum liberare: Nam qui vult alimenta persequi, sine prætore nihil facere potest, quo eorum conditio deterior fiat. In eadem autem *l. 8. §. si prætor. 17.* non de alimentario remittente, sed de prætore negligente agitur. Porro pacta de re impossibili facta, aut quæ turpem & inhonestam causam continent, quæve contra leges aut bonos mores fiunt, nullius momenti sunt. *l. 7. §. ait prætor. 7. l. si unus. 27. §. 3. & 4.*

hoc

hoc tit. l. 6. C. eod. l. generaliter. 26. & seq. de verb. oblig. puta de furto faciendo, aliove quovis maleficio. Sed & si quis paciscatur cum aliquo, ne ob dolum suum aut furtum teneatur, si postea admissum fuerit, æque reprobatum hoc pactum, cum magna sit illecebra peccandi spes impunitatis. *d. l. si unus. §. 4.* Diversa causa est ejus pacti, quo convenit, ut ne quod maleficio perpetretur. Cur enim de eo, quod legibus caveretur, pacisci hominibus privatis non liceat? *l. non impossibile. 50. eod.* Cæterum si ob eandem causam promittatur pecunia, nulla nascitur obligatio propter turpitudinem conventionis. *d. l. 7. §. si ob maleficio. 3. eod.*

8. Inter pacta, quæ contra bonos mores fiunt, memoratur & pactum, quo causidicus à litigatore litem redimit, τὸ δίκης μίσθωσις, sc. quo convenit, ut is nomine mercedis certam partem ejus pecuniæ, quæ adjudicata fuerit, vel majorem aliquam summam in eventum litis accipiat. *l. sumptus. 53. eod. l. 7. mandat. l. 5. C. de postul.* Nam ejusmodi pactio causidicis calumniose litigandi occasionem præbet, iisque

artibus & strophis veritatem oppugnandi, quas homines in foro ac litibus triti vel nolentes ediscunt. Lite autem finita pacisci vetitum non est de parte residui debiti remittenda advocato ob causam ejus patrocinio & fide defensionem. *l. 5. C. hoc tit. Perez. add. tit. n. 5.* Illæ quoque conventiones & pacta, ut turpia & bonis moribus contraria, jure civili improbantur, quæ circa viventis fiunt successionem sive obtinendam sive repudiandam. sed de hoc genere dicemus ex professo cap. seq.

9. Hoc autem loco non intempestive quæritur, an non saltem pactio, quæ per se non valet, vires accipiat à jurejurando, quod ejus confirmandæ gratia adhibitum est. Et Ulpianus in *d. l. 7. §. & generaliter. 16. hoc tit.* auctoritate Marcelli probat, hoc jusjurandum non majorem pacto vim tribuere, quam pactum per se habet. Et sanè si conventio ideo non valet, quia natura aut turpis est aut iniqua, non debet à jurejurando ullum robur accipere; cum jusjurandum non debeat esse vinculum turpitudinis aut iniquitatis. *c. 1. ext. de jurejur. c. inter cetera.*

tera. 2. quest. 4. Sed disceptationem habere potest, si lex aliqua civilis conventionem, quæ alioqui ratione objecti per se sit ἀνάφορον, tantum contemplatione alicujus utilitatis, quæ principaliter non universos, sed singulos respiciat, valere non patiatur, an ea jurejurando firmata servari debeat. verbi causa; non valet donatio inter virum & uxorem, nec ea, quæ excedit summam quingentorum aureorum, nisi actis insinuata sit: non peccat tamen, qui donationes istas non revocat. *Gail. 2. obs. 39. & seq.* ubi & plura hujus generis exempla. Et siquidem hoc solum quaeritur, an tale jusjurandum jure civili sit efficax aut obligatorium, constanter dicimus nullam eo jure vim habere, multoque minus confirmare posse conventionem, quæ jure civili nullius momenti sit. *l. 5. C. de legib. d. l. 7. §. & generaliter. 16. hoc tit. l. si quis inquilinus. 112. §. ult. de legat. 1.* Cæterum dicere nè conscientiam quidem jurantis religione obstringi ejus juramenti, quod neque iniquum per se nec contra bonos mores sit, nimis grave est. Rectè ergo & verbo Dei convenienter juramentis omnibus sponte præstitis

M s hæc

hæc vis jure canonico tributa est, ut sine exceptione servari debeant, si servata non redundant in alterius præjudicium, nec in dispendium vergant æternæ salutis. *c. cum contingat. 28. ext. de jurejur. c. quamvis. de pact. in 6. c. non est obligatorium. de reg. jur. in 6.* Atque hoc in foro quoque seculari hodie servandum esse volunt. *Coller. de process. p. 1. c. 10. n. 215. Gail. 2. obs. 39. & seq. & ibi citati.*

C A P. XIX.

De pactis circa successiones.

1. *Pactiones de viventis hereditate obtinenda legibus nostris improbata : & qua hujus rei ratio.*
2. *Non excipiuntur pacta de successione mutua, nisi militum ad communem Martis aleam pergentium.*
3. *Defenditur contra communem pacta hujusmodi naturâ turpia non esse.*
4. *Respondetur ad locum Papiniani in l. 29. §. 2. de donat.*
5. *Varia variarum gentium pacta circa mutuum successionem.*

6. Con-

6. Concluditur ex precedentibus, posse statuto induci, ut pactis hereditas detur; & jure Canonico hujusmodi pacta juramento confirmari.
7. Pactiōem de obventura hereditate generaliter conceptam sine designatione certa personæ valere.
8. Eandem pactiōem non valere, si is, de cujus hereditate agitur, certus sit; nisi is consentiat, & in ea voluntate usque ad extremum perseveret.
9. Aliter, quam vulgo, exponitur l. 2. §. 2. de hered. vel act. vend.
10. Explicatio §. ult. Inst. de leg. agn. success.
11. Pactis hereditatem non magis conservari, quam dari posse, contra quam vulgò creditur, multis documentis ostenditur.
12. Respondetur ad argumentum in contrarium allatum ex l. non aliter. 18. de adopt.
13. Etiam pacta de non succedendo improbata esse: ut ut hac minus odiosa, quam illa de succedendo. & cur minus odiosa.
14. Quibus distinctionibus adhibitis respondendum, cum queritur, an pactum, quo successioni renuntiatur, valeat,

*leat, si renuncians tantum acceperit,
quantum ei obventurum fuerat.*

1. **A** Pud Romanos turpe atque
impudens habitum fuit, de
hereditate viventis sollicitum esse: ob
eamque causam pactiones de futura
successione, quæ hereditatis captandæ
mortis alienæ, & more vulturum cada-
ver (ut ajunt) expectandi occasionem
præbent, ut odiosæ ac periculosæ, le-
gibus civilibus merito improbatæ sunt:
quales illæ in primis, quæ fiunt de here-
ditate viventis obtinenda: interpretes
pacta de succedendo affirmativa vocât.
ut ecce, pactus sum cum Titio, ut ille
mæ, aut ego illum heredem facerem,
vel ut ille mihi, ego illi succederem;
hæc conventio inutilis est. *l. pactum
quod. 15. C. hoc tit. l. 5. C. de pact. conv.
tam sup. dot. l. 4. C. de inut. stip.* in tan-
tum ut nec pœna in contrarium pro-
missa peti possit. *l. stipulatio hæc. 61. de
verb. oblig.* Idque non unam ob causam
constitutum est: primum ne turbetur
ordo publicus, quo hereditates defe-
runtur: non deferuntur autem nisi te-
stamento aut lege. *d. l. 5. C. de pact. conv.
tam sup. dot. l. ult. de suis & legit. 5. ult.
Inst.*

Inst. per quas pers. cuiq. acq. Deinde quia huiusmodi pactio tollit aut constringit libertatem testandi, quod leges nostræ averfantur. *l. 1. C. de sacros. eccles. d. l. 15. C. h. t.* Pactio enim revocari nequit. *l. 5. C. de obl. & act.* voluntas autem testatoris ambulatoria esse debet usque ad vitæ supremum exitum. *l. 4. de adim. leg.* Tertio quia contra bonos mores esse tales pactioes creduntur, ut quæ votum inducant desiderandæ & captandæ mortis alienæ. *d. l. stipul. 61. de verb. obl. l. 4. C. de inut. stip. l. 11. C. de transact.*

2. Cūque eadem rationes militent & in pactis reciprocis de successionē mutua, ne hæc quidem jure nostro rata esse rectè defendit *Goedd. tract. de contr. & committ. stip. c. 6. conclus. 7. n. 82. contra Myns. 2. obs. 33. & Gail. 2. obs. 126.* Atque hoc satis perspicuè elucet ex *l. licet. 19. C. hoc tit.* ubi nominatim etiam mutua huiusmodi pacta improbantur exceptis militum ad discrimē prælii pergentium, ἐπὶ τοῦ θανάτου ἐξιώντων *Bas. h. t. c. 60.* in quo jus singulare, quod ad consequentias trahi non oportet. *l. 14. & seq. de leg.* Et tamē ne hoc quidem casu pacta commilitonum ἀλλήλων ἀλλοκληρονομίας valent in vim pacti, sed
in

in vim ultimæ voluntatis ac reciprocæ institutionis, ut pro arbitrio paciscantium revocari queant, sicut rectè docet *Cyn. in l. ult. C. hoc tit. n. 19. & DD. comm. d. l. licet. 19. C. eod. add. Boer. de ris. 204. n. 14. & seq.* Itaque pacta illa reciproca de succedendo inter conjuges, facta in dotalibus instrumentis, quæ hodie plerisque locis recepta, non tam sustinentur auctoritate juris, quam vi consuetudinis aut legis municipalis. Et quoniam istiusmodi pacta liberam testandi potestatem constringunt, votumque inducunt captandæ mortis, atque ideo bonis moribus contraria esse dicuntur, ob hanc causam nec statuto nec jurejurando ea confirmari posse plerique tradiderunt. *Borcholt. tract. de pact. c. 5. n. 66. & seqq. Gail. 2. obs. 125. Sichard. in l. 3. n. 3. C. de collat. Fachin. 8. contr. 72. & ibi alleg.* quatenus in re vix est, ut iis simpliciter assentiri queam.

3. Etenim si seposita juris civilis auctoritate ex ratione juris naturæ aut gentium rem æstimare velimus, non sunt talia pacta naturâ turpia, sed more civitatis Romanæ, sive, ut Cuiacius. *in l. 26. de verb. oblig.* sunt contra bonos mores.

mores populi Romani. Nam primo naturâ turpe non esse libertatem coërcere testandi ex eo patet, quod multis etiam è repub. visum est, nimiam testandi licentiam præcidere, utique hætenus, ne cui liceat prædia paterna aut avita legare. Quinetiam Bodinus *lib. 5. de repub. c. 2.* auctor est, solis Atheniensibus usurpatam fuisse infinitam illam legandi licentiam, eamque ab his acceptam Decemviros in duodecim tabulas retulisse: Cæterarum autem gentium unam legem fuisse, ne prædia testamento legare liceret; eoque jure adhuc Polonos, Danos, Suecos aliosque populos uti. Sed & apud gentes quasdam nullus omnino testamentorum usus fuit, ut apud Germanos, teste Ta- cito *de morib. Germ.* ac ne nunc quidem testamenti faciendi jus obtinet in Gel- dria & diœcesi Trajectina, locis Bata- viæ nostræ finitimis. Ut proinde libe- ræ istius facultatis testandi non usque adeo magna ratio habenda videatur, præsertim quod ad eas personas atti- net, quibus alias debetur hereditas. Sed & Imperator Leo, qui ob singularem sapientiam Philosophus appellatus est. aperte *d. l. pactum quod. C. hoc tit.* ut ini-

iniquam damnat & abrogat, eo quod
 statuat ἐναντία τῇ φυσικῇ ἀρχῇ γενέων
 τέκνοις ὀφειλομένης ἰσονομίας, ἀδικίας δὲ
 ἴσταν ἀνοίγει καὶ τῇ πατρὶς, &c.
contraria naturali, quæ à patribus libe-
ris debetur, æquabilitati, patrique ad-
versus filium ad iniquitatem fenestram
aperiat: Atque hanc Leonis constitu-
tionem, qua abrogatur d. l. pactum
quod. Gallorum moribus receptam ef-
se testatur Cuiac. in l. 26. de verb. oblig.
 Altera illa ratio, quod hujusmodi pa-
 cta inducant votum captandæ mortis,
 & consequenter peccandi præbeant oc-
 casionem, neque certa est, neque
 necessaria. Quorundam vero ho-
 minum improbitas impedire non de-
 bet, quominus id quod in se nullam
 iniquitatem aut turpitudinem conti-
 net, jure publico fieri permittatur. Et
 alioqui eadem ratione nec bonorum
 omnium donatio retento usufructu. *l.*
si quis argentum. 35. §. sed siquidem. 5.
C. de donat. nec pupillaris substitutio
 in iisdem tabulis scripta, quibus pater
 sibi heredem instituit. *§. sin autem.*
3. Inst. de pupill. substit. nec mortis cau-
 sa donationes, nec denique heredis pa-
 lam facta nuncupatio permittenda fue-
 rit;

rit: quæ tamen omnia jure civili permiffa funt; & haud dubiè ideo, quia certum & conftans votum captandæ mortis non inducunt.

4. Nec movet *l. 29. §. 2. de donat.* ubi Papinianus fatis aperte indicat, pacifcentes de hereditate viventis adverfus bonos mores & jus gentium facere & feftinare. Nam in hoc genus difputationibus non auctoritate, fed ratione certandum eft: & folent Jurifconfulti Romani etiam id appellare jus gentium, quod à lege civili vim accepit, non folius populi Romani, fed aliarum quoque circa nationum; quod tamen cum non fit pars illius juris communis, quod proprie jus gentium dicitur, fed ad cujusque populi indolem accommodatum fit, ab uno populo aliis inconfultis mutari poteft, ut multis oftendit *Grot. lib. 2. de jur. bell. & pac. c. 8. & lib. 3. c. 6. & feqq.*

5. In Germania valent pacta, ut vocant, fraternitatum de mutua fucceffione inter Principes, aut alias illuftres perfonas: item pacta de unione prolium. de quibus *Gail. 2. obf. 125. & 127.* Quibusdam in locis etiam pactis dotalibus fuper hereditate vel tota, vel pro

pro parte ita mutuo disponitur, ut ea disputatio altera parte invita aut ignorante revocari nequeat. *constit. Palatin. tit. 5. von testamenten und letsten Willen.* apud alios ita, ut tamen alter inscio aut invito altero dispositionem mutare possit: rata autem maneat, si mutata non fuerit. *Sichard. in l. 3. C. de collat. Myns. 2. obs. 33. Boër. decis. 204. n. 16. VVesenb. cons. 63. in fin.* Quæ autem natura turpia sunt, & honestati contraria, ea semper & ubique turpia sunt, saltem apud gentes moratiores, & bene secundum naturam se habentes. Apud nos etiam pactum dotale, quo parens, qui alteri superstes erit, ad successionem ultimi ex liberis defuncti vocatur, subsistit, tamen si lex patria parentem superstitem ab hereditate liberorum secludat. *Neostad. rer. judic. 2.* Et quamvis non ob id vero pacto dentur hereditates, cum pacto datum actionis jure exigì possit; hereditates autem pacto datæ nullam actionem pariant, sed unius voluntate revocari queant, & hoc tantum pactis sponsalitiis agatur, ut contrahentium singuli sibi liberisque suis jus succedendi ab intestato eligant, vel novum, si velint,

con-

constituant: lege tamen caveri honestè potest, ut ne liceat talia pacta invito aut ignorante altero revocare. Imò non satis honestè facere videtur, qui illa clam altero revocat citra gravem causam.

6. Ex quibus omnibus effici videtur, posse jure publico constitui, ut etiam pactis hereditas detur, si non simpliciter & absolutè; utique tamen multis casibus, veluti inter virum & uxorem, inter fratres & sorores, cæterasque personas, quæ alias jure legitimo aut honorario ad successionem venturæ sunt. Forte & morum populi innocentia spectanda, in quem ob id sinistra illa suspicio non facile cadat. Unde Zasius dicebat, ea quæ de voto captandæ mortis proferuntur, Italici esse relinquenda. *consil. 1. n. 38. lib. 2.* quod si statuto, (utique quod legis vim habet) induci potest, ut pacto detur hereditas, poterit & juramento talis pactio confirmari, ratumque id jusjurandum erit jure canonico, quia servari potest sine dispendio salutis, per ea, quæ *cap. preced. Bald. in. c. 1. §. moribus. si de feud. def. content. sit int. dom. & agn. vas. Decius cons. 516. n. 5. & cons.*

consf. 656. n. 12. Cravett. consf. 139. n. 8. Iohan. Ramat. in c. quamvis. ext. de pact. in 6. n. 17. & seq. Menoch. consf. 1. n. 168. Pacti affirmativi de succedendo speciem faciunt & pactionem de hereditate tertii: cæterum minus rectè. Nam tali pacto non agitur de succedendo, neque ex eo peti aut vindicari potest hereditas: sed nihil aliud est, quam conventio de communicanda aut dividenda hereditate obventura.

7. Et siquidem tale pactum generaliter conceptum fuerit, nullius certi hominis designata hereditate, veluti si inter duos ita coita sit societas, ut si qua hereditas alterutri obvenierit, ea communis sit, placet conventionem valere. *l. 3. §. 2. pro soc.* Ratio est, quoniam cum in genere de incerti hominis hereditate obventura paciscimur, caret illa conventio omnibus illis incommodis, ob quæ diximus pacta de hereditate viventis jure nostro improbari.

8. Si verò is tertius, de cujus hereditate agitur, certus sit, puta si duo paciscantur de hereditate Titii, quam forte jure legitimo sibi obventuram sperant, talis quoque conventio inutilis est, eamque discrete improbat Justinia-

stinianus, propterea quod incivile & contra bonos mores sit, viventis hominis bona in sortem & divisionem vocari, atque ita quasi mortem ejus voto & spe præcipere. *l. ult. C. hoc tit.* addit tamen temperamentum aliquod, nempe ut ita non valeat superior pactio, nisi is, de cujus bonis agitur, consentiat, & in ea voluntate ad extremum usque vitæ spatium perseveret, quo casu hujusmodi pactiorem vult ratam haberi. Non exigit, ut in ipso instanti, quo fit ista conventio, consensus hic interveniat: & ideo licet ab initio tale pactum factum sit in scio illo tertio, de cujus hereditate agitur, si tamen is certior factus postea consenserit, in eaque voluntate perseveraverit, puto pactiorem confirmari. Et quid refert, an tunc, an post vel ante consensus intervenerit, ut nulla consentienti injuria fieri intelligatur? *Ant. Fab. Cod. suo for. hoc tit. defin. 10.* dissentit tamen Jul. Pacius in *d. l. ult.* sed levi argumento, quod cuivis promptum solvere.

9. Huic autem sententiæ, quod non valet pactio de hominis certi hereditate, objicitur *l. 2. §. 2. de her. vel act. vend.*
ubi

ubi Ulpianus scribit substitutum impuberis rectè vendere hereditatem impuberis, & maxime si ea jam delata sit. Ergo valet ea venditio, siue jam impuberis hereditas delata sit, siue non sit: ex quo effici videtur, valere venditionem hereditatis impuberis etiam adhuc viventis. Respondent nonnulli particulam *maximè*, quæ nota est collationis, in *d. l. 2. §. 2.* positam esse pro *utique*, quæ nota est καὶ ὅλως, ut hic sit sensus, valere venditionem hereditatis impuberis, cæterum ita, si jam delata sit, hoc est, si impubes jam mortuus sit. *Bronch. cent. 1. assert. 30. Diod. Tulden. Cod. de pact. n. 6.* Sed non est necesse, ut ad hanc responsionem confugiamus. imo falsum est non posse vendi hereditatem, nisi quæ delata sit. Potest enim vendi & quæ nondum delata est, puta si vendatur pendente conditione, sub qua venditor heres institutus est, & in specie *d. l. 2. §. 2.* substitutus est impuberi: Cæterum ita, dum sit hereditas, si testator aut impubes jam mortuus sit: nam viventis nulla est hereditas. *l. 1. de her. vend. facit l. & uni. 21. §. 4. hoc tit. l. 1. l. cum proponas. 16. C. eod. add. c. preced.*

Unde

Unde apparet vitiosam esse hanc collectionem, pacisci licet etiam de hereditate nondum delata, ergo & de hereditate viventis. Ita & Iul. Pacius ad *l. ult. C. hoc tit.*

10. Objici solet & quod scriptum est in *§. ult. Inst. de leg. agn. success.* patrem, qui liberos ex pacto fiduciæ sibi remancipatos manumittit, ex eo consequi, ut legitimam eorum successionem obtineat. Sed hoc non eam habet significationem, quasi pater ea lege emanciparet liberos, ut ipsis succederet: sed cum in emancipatione liberi manciparentur alii, atque ita traderentur in imaginariam quandam servitutem. *l. 3. §. 1. de cap. min. §. praterea. 6. Inst. quib. mod. ius pat. pot. solv.* ne in ea servitute manerent, mancipabantur contracta fiducia, id est, ea lege, ut patri ab emptore imaginario remanciparentur, quo ipse deinde eos manumitteret: quæ conventio ad potestatem liberorum, non ad eorum hereditatem obtinendam pertinuit. Quamquam si ex lege fiduciæ sibi remancipatos pater manumisisset, in eorum bonis jus legitimæ successionis nancisceretur. *d. §. Inst. de legit. agn. success.*

11. Qui-

II. Quidam existimaverunt, etsi hereditas pactis dari non potest, posse tamen pactis conservari. *arg. l. non aliter. 18. cum seqq. de adopt. l. quidam. 132. de verb. oblig. cum similib. Sichard. in authent. non licet. C. de lib. prat. n. 18. Gædd. de contr. stip. concl. 6. n. 88. Bart. in l. ult. C. hoc tit. quod & ipsum tamen verum non esse bene post Bologn. in d. l. ult. n. 93. ostendit Tim. Fab. annivers. disp. 21. 1. quia ut filius à patre naturali in adoptionem extraneæ personæ datus jura sui heredis apud patrem naturalem retineret, lege opus fuit. l. pen. C. de adopt. §. sed ea omnia. 14. Inst. de her. qua ab int. def. 2. quia nec filius, quem pater emancipat, retinere sibi potest jus legitimæ successionis in bonis patris, nec agnati in facultatibus emancipati, nec pater filio, quem dat in adoptionem. d. l. pen. C. de adopt. d. §. sed ea. 14. & §. emancipati. 9. Inst. de her. qua ab int. 3. Quia nemo potest libertatem de supremis judiciis constringere, vel cognatum ulteriorem proximioribus paciscendo præferre. l. cum duobus. 52. §. idem respondit. 9. pro soc. Sic in specie l. pactum quod. 15. C. hoc tit. pacto non potuit pater servare successionem*

sionem filia: quemadmodum nec in casu *d. l. quidam. 132. vers. quare sic. de verb. obl.* sed conventio illic proposita non ad aliud prodest, quam ut pœna promissa, si contra factum sit, committatur: qui locus proinde non oppugnat, sed confirmat hanc sententiam.

12. Similiter non obstat huic sententiæ, quod adrogator impuberis tenetur cavere servo publico, se si intra pubertatem pupillus decesserit, restitutum ea, quæ ex bonis ejus consecutus est, illis, ad quos ea res pertinet. *l. non aliter. 18. & seq. de adopt.* Nam hæc cautio non ad conservationem juris eorum, ad quos alias res perventura esset, pertinet; quippe qui & omissa ea idem juris haberent. *l. his verbis. 19. §. 1. d. tit.* sed ad eorum securitatem. Adveniente denique ea adrogati ætate, quâ testamentum facere possunt, qui sui sunt juris, evanescit. *§. 3. Inst. eod.*

13. Non tantum pactum affirmativum de succedendo, verum etiam negativum de non succedendo jure nostro improbat, puta quo quis futuræ successionis renuntiat. *l. ult. de suis & legit. her. l. 3. C. de collat. c. quamvis. ext.*

N

hoc

hoc tit. in 6. Hoc vero pactum, cum neclibertatem testandi impediatur, nec votum inducat captandæ mortis alienæ, longè minus odiosum est, quam superius illud de succedendo: & ideo à statuto robur accipere posse pene extra controversiam est, & jurejurando quoque confirmari Canones expresse voluerunt. *d. c. quamvis.* Tantum ideo improbatum est, quia privatorum cautiones, auctoritate legum, quæ certos duntaxat modos non modo acquirendæ, sed etiam amittendæ hereditatis constituunt, non censentur. *l. ult. de suis & legit.*

14. Quid si is; qui pactus est, tantum acceperit, quantum ei ex hereditate, cui renuntiavit, obventurum fuisset? Adhibenda hîc non una distinctio. Primum interesse puto, utrum is renuntiaverit, qui solummodo jus habet succedendi ab intestato, an qui & jus querendi de inofficioso. Deinde an ille, cujus successionem renuntiatum est, testatus decesserit, an intestatus. Si intestatus non obstante pacto, succedatur ex lege, ut tamen, quod renuntians accepit, reliquis conferatur. *l. 3. C. de coll.* Si vero testatus, cessat potestas legis
proxi-

proximo hereditatem deferentis, & illud quaeritur, an vi renuntiationis & pacti renuntians à querela excludatur. Tamen si autem hoc quidam simpliciter affirmant, si quantitas accepta exaquet portionem legitimam. *arg. l. 1. §. 3. si à par. quis man.* referre tamen hic arbitror, quo titulo quid datum acceptumque sit; & praeterea distinguendum inter jus verus & novum. Jure veteri quod mortis causa donatum erat, quamvis filio, & nulla interveniente renuntiatione, id imputabatur in legitimam, & querelam excludebat. *l. 8. §. si quis mortis. 6. de inoff. test.* quod autem inter vivos donabatur non aliter, quam si ea contemplatione donaretur, ut in quartam haberetur. *l. si non. 25. d. tit.* Jure autem novo ne pactum quidem renuntiatorium obstat filio. *l. si quando. 35. §. 1. C. de inoff. testam.* multoque minus jure novissimo, quolibet legitimum habere debent titulo institutionis. *Nov. 115. c. 3.* Ad hunc ferme modum haec explicat & *Bachov. ad Treutl. disp. hoc tit. thes. 8.* ubi etiam observandum notat, quod in specie *d. l. 1. §. 3. si à par. quis man.* pater non ipso jure, sed beneficio exceptionis exclu-

cluditur: licet ibi non de querela inofficiosi, sed bonorum possessione contra tabulas agatur.

C A P. XX.

De pactorum cæterarumque
conventionum inter-
pretatione.

1. *In omnibus negotiis, etiamsi verborum aliqua sit ambiguitas, primum spectandum esse, id quod actum est: atque ejus sententiam inspicere, qui sermonem protulit.*
2. *Si non apparet, quid actum sit, id accipi debere, quod est verisimilius & rei gerenda aptius, aut quod plerunque fieri solet.*
3. *Si ne illud quidem appareat, in dubio sequendum quod minus est, quod noceat ei, qui loqui potuit apertius.*
4. *Pactionem obscuram vel ambiguam non tantum venditori, locatori, stipulatori nocere: verum etiam emptori, conductori, promissori, si ipsi legem obscuram dixerint.*

s. Spe-

5. *Species l. si mihi & Titio. 110. §. 1. de verb. oblig.*
6. *Respondetur ad l. in lege. 29. locat.*
7. *In judiciis orationem ambiguum pro actore interpretamur.*
8. *Redditur diversi hujus juris ratio.*
9. *Locus Vlpiani in l. 5. §. ult. de rei vind. expositus.*

1. **I**N omnibus negotiis, etiamsi re consent, primum inspicienda est paciscentium & contrahentium voluntas, atque id quod actum est, pro cauto habendum. *l. semper. 34. de reg. jur. l. 3. de reb. cred. & quamvis verborum aliqua sit ambiguitas, id tamen ante omnia spectari oportet, quod cogitatum taciteque actum est, l. ubi. 21. l. cum in testamento. 24. de reb. dub. l. in lege. 77. de contr. empt.* Nam qui ambigue loquitur, id loqui intelligitur, quod ex his, quæ significantur, cum sensisse credibile est. *l. Nepos Proculo. 125. de verb. sign.* in quo placet ejus sententiam & affectionem maxime spectari, qui sermonem protulit, *ἡ ἀφ' ἧς ἀρχὴ l. in ambigui. 26. l. rapienda. 168. §. 1. de reg. jur. l. 3. de reb. dub.* Atque hîc habet locum, quod dici solet, unum-

quemque esse interpretem suorum verborum. Exempli causa, si quis triticum sibi dari stipulatus sit sine adjectione mensurae, hæc quidem stipulatio imperfecta est. *l. ita stipulatus. 115. de verb. oblig.* cæterum si forte ex tractatu prius habito appareat, de certi generis certæque quantitatis tritico cogitatum & actum esse, id pro expresso habebitur. *l. triticum. 94. eod.* Nec obstat *l. quidquid. 99. eod.* quoniam ille textus tunc deumum locum habet, quando non apparet, quid actum sit. Semper enim, etiam in stipulationibus, quod actum est, in primis attendi debet. *l. semper. 24. de reg. jur.* Aliud exemplum supeditat *l. qui cum tutoribus. 9. §. ult. de transact.*

2. In dubio autem si non apparet, quid actum vel cogitatum sit, commodissimum est id accipi, quod rei gerendæ est aptius. *l. quoties. 67. de reg. jur.* seu quo res, de qua agitur, magis valeat & in tuto sit, quam pereat. *l. 12. l. ubi. 21. de reb. dub. l. quoties. 80. de verb. oblig.* Omnino autem hîc inspiciendum erit, quod est verisimilius. *l. in obscuris. 114. de reg. jur.* Exempla habemus in *l. si venditor. 38. §. 2. de act. empt. l. in lege.*

gē. 29. locat. & elegans in l. insula. 13. qui pot. in pign. ubi quod in lege venditionis non aperte dictum est, in dubio pro venditore Jurisconsultus interpretatur; quoniam ex conjecturis verisimile est id in specie illic proposita inter contrahentes actum esse, ut jus pignorum ob pensionem ab inquilino acceptorum ad venditorem primum pertineret, cui prioris anni pensio ex obligatione principali, quam pignus sequitur, accederet. Stipulatus est aliquis intra certum tempus Carthagini sibi dari, cum duæ sint Carthagine. verborum est ambiguitas. Cæterum etsi promissor cogitaverit de una, in quam intra id tempus perveniri non potest, stipulator autem de altera, stipulatoris potius accipietur sententia, quoniam rei gerendæ aptior est: & alioqui res contracta tuto in loco esse non potest. *l. ubi. 21. de reb. dub.* Eadem ratione, ut res magis valeat, quam pereat, in hac specie, cum tabernam debitor creditori pignori dedērit, & quæsitum esset, utrum eo factō nihil egerit, an tabernæ appellatione merces, quæ in ea erant, obligasse videatur, Scævola respondit, ea quæ mortis debi-

debitoris tempore in taberna inventa sunt, pignori obligata esse videri: *l. pen. de pign.* Hoc enim inter contrahentes potius actum fuisse verisimile est. Sequemur autem in hujusmodi negotiis id quod in regione, in qua actum est, frequentatur, aut τὸ ὡς ἐπὶ τὸ πλεῖστον γινώμενον. *Harmenop. lib. 1. tit. 15. §. 15.* quod plerumque fieri solet. *l. semper. 34. l. in obscuris. 144. de reg. jur.* Exempla in *l. quod si nolit. 31. §. quia assidua. 20. de adil. edict. l. qua conditio. 39. §. 1. de cond. & dem. l. si pactum. 9. de probat.*

3. Quod si ne id quidem appareat, locus erit regulæ Ulpiani in *l. 9. de reg. jur.* atque in dubio sequemur, quod minus est. Idque non in conventionibus tantum & contractibus observatur. *l. inter. 83. §. 3. l. quicquid. 99. de verb. obl. l. ult. de prat. stipul.* verum etiam in aliis causis, puta in irrogatione pœnarum. *l. si praeses. 32. l. interpretatione. 42. de pœn.* in diversis judicium sententiis. *l. inter pares. 38. §. 1. de re jud. l. diem proferre. 27. §. 3. de rec. arbitr. in testamentis. l. cum servus. 39. §. scio. 6. de legat. 1. l. Sempronius. 47. de legat. 2. l. qui concubinam. 29. §. 1. l. nummis. 75. eod.* 3. Ex ejusdem regulæ ratio-

ne

ne est, quod veteres probaverunt, in ambigua vel obscura oratione id accipioportere, quod noceat ei, cui liberrum fuit re integra loqui apertius, & verba latius concipere.

4. Et Papinianus quidem respondit, veteribus placuisse, pactionem obscuram vel ambiguam venditori & qui locavit, noscere; utpote in quorum potestate fuerit, legem apertius conscribere. *l. veteribus. 39. hoc tit.* ut & Paulus *l. in contrahenda. 172. de reg. jur.* Et Celsus, cum quæritur in stipulatione quid actum sit, verba contra stipulatorem interpretanda esse ait; quia stipulatori liberum fuit verba latè concipere. *l. quidquid. 99. de verb. obl. l. cum quæritur. 26. de reb. dub.* Quibus etiam hæ Græcorum regulæ *lib. 11. Basil.* & apud Harmen. *lib. 1. tit. 15.* conveniunt; *ὅν τοῖς ἀμφιβόλοις πρὸς ἐπερωτήσιν καὶ ὅς ἐπερωτήσαντες ἐρμηνεύουσιν.* item, *τὸ ἀσαφὲς ἢ ἀμφίβολον σύμφωνον καὶ ὅς πράττει καὶ ὅς μειδιάσαντός ἐστιν.* Cæterum id ipsum quoque & in emptore & conductore, & promissore similiter admitteri debet, si & ipsi legem obscuram dixerint, nec appareat, quid inter contrahentes actum sit. Etenim vel ipsa

naturalis ratio docet, unumquemque contrahentium sibi imputare suæque imprudentiæ expensum ferre debere, quod non apertius locutus fuerit. Merito itaque Paulus pactum emptioni appositum secundum venditorem, contra emptorem, qui legem contractui dixerat, minusque apertè locutus fuerat, interpretatur in specie *l. si in emptione. 34. pr. de contr. empt.* item Marcellus in *l. comprehensum. 60. eod.* Sed & Celsus in *d. l. quidquid. 99. de verb. oblig.* postquam de stipulatore verba fecit, statim subjicit de promissore in eandem sententiam, *Nec rursus promissor ferendus est, si ejus intererit, de certis potius vasis fortè aut hominibus actum esse.* quod valde circa hanc questionem considerandum arbitror. quoniam autem plerumque à venditore, locatore, stipulatore pactum interponitur & lex contractui dicitur, inde est, quod contra eos pactionem obscuram vel ambiguam exponi auctores nostri tradiderunt.

§. Quod si quis nunc quærat, cur Pomponius in *l. si mihi & Titio. 113. §. 1. de verb. obligat.* respondeat, non quid senserit promissor, æstimari debere,

bere, sed stipulantis mentem spectandam esse. Dicam id ea ratione fieri, quia in casu illic proposito mens stipulantis cum rei veritate omnino congruat, & cum ipso loquendi usu, à quo mens promissoris aliena sit. Denique non esse ibi orationem ambiguam, nec tam contra promissorem ex mente stipulantis, quam ex re ipsa fieri æstimationem.

6. Similiter non obstat responsum Alfeni in *l. in lege. 29. locat.* Nam in dubio semper prius inspiciendum, quod verisimile est inter contrahentes actum esse, ut ante diximus: ait autem Alfenus hoc potius locatorem videri voluisse. Quod si quis propius rem animadvertat, reperiet vix ullam in verbis legi contractus à locatore appositis ambiguitatem inesse: verum ea cum aut latè aut stricte sumi possint, latè potius ac generaliter accipienda esse Jurisconsultus ait; nempe ne superfluo adjecta pacto videatur illa clausula, *neve finito*: cum etsi ea adjecta non esset conductor sylvæ doli vel culpæ nomine teneretur, si quem urentem, cædentem &c. deprehendens, non prohibuisset, ut notum est. ad hunc
ferme

ferme modum & Iul. Pacius *cent. 2. quæst. 7.* Hæc autem ita observantur in conventionibus & contrahendis negotiis, cum in dubio est, quid senserint, quid egerint paciscentes aut contrahentes.

7. In judiciis verò & actionibus exercendis aliud obtinet. quippe in quibus, si quaratur, quid actum sit, orationem ambiguum pro actore interpretamur. In contrahenda venditione, ait Paulus, ambiguum pactum contra venditorem interpretandum est: ambigua autem intentio ita accipienda est, ut res salva actori sit. *l. in contrahenda. 172. de reg. jur.* Cujus regulæ partem posteriorem Harmenopolus *ubi supra* sic interpretatur, ἡ δὲ ἀμφίβολος ἀγωγὴ τὸ πρᾶγμα ἔσθ' ἐν ἀγνότητι καὶ λαβλάπτει. Id est, *ambigua verò actio rem actoris non laedit.* In eandem sententiam Ulpianus *l. si quis. 66. de judic. si quis*, inquit, *intentione ambigua vel oratione usus sit, id quod utilius ei est, accipiendum est.* quod à Græcis in *Basilic.* ita redditum, ἡ ἀμφίβολος ἀγωγὴ καὶ ἀφήγησις ὑπὲρ ἑὸς ποιήσονται αὐτὴν ἐρμηνεύει. Nec mirum, cum non tantum actionem editam declarare, sed etiam

etiam emendare, & mutare quoque auctori liceat. *l. 3. C. de edend.*

8. Finge igitur Stichum iudicio petitum esse, cum ejusdem nominis plures servi essent apud debitorem: is petitus videbitur, de quo actor senserit. At si Stichum stipulatus de alio sentiam, tu de alio, nihil actum videri poterit. *l. inter stipulantem. 83. §. 1. de verb. oblig.* ubi Paulus hujus differentiae hanc esse rationem scribit, quod stipulatio ex utriusque consensu valet: iudicium autem etiam in invitum redditur; & ideo auctori potius credendum esse: alioquin semper negaturum reum se consensisse. Nimirum cum nulla sine consensu utriusque obligatio ex contractu oriri queat. *l. 1. §. 3. hoc tit. l. in omnibus. 55. de oblig. & act.* ideo in contrahenda obligatione non valet, quod actum est, si error aut dissensus eorum, qui contrahunt, intervenit in rei, de qua agitur, corpore. *l. in venditionibus. 9. de contr. empt. l. continuus. 137. pr. de verb. oblig. §. si de alia. 22. Inst. de inut. stipul.* Iudicium verò propter dissensum auctoris & rei non fit irritum, contraria videlicet ratione, quia hic utriusque consensus non requi-

requiritur, sed in invitum quoque iudicia redduntur. Sequimur autem hîc id, quod apparet actorem, qui ambigua oratione usus est, sensisse, quod ei utilius est, non quod senserit reus, ne alias eludendi iudicii reo præbeatur occasio seu, ut Græci, ἵνα μὴ τὸ διχασθῆαι αὐτῷ τοῦ ἀπομείνῃ, *ne iudicium incertum & confusum reddatur*, nempe tergiversatione rei. Pertinet huc locus Demosthenis orat. κτ' εὐφάνε ψόδε μαρτυροῦν α'. ubi iudices alloquens, iurasse eos ait, se iudicaturos non de iis, quæ reus vellet, sed de iis, de quibus actio esset instituta. hanc autem necesse esse actoris dictione declarari, τῇ δὲ διώκοντι λήξει δηλῶσθαι.

9. Non est contrarium, quod apud Ulpianum *l. 5. §. ult. de rei vind.* ex Pomponio relatum est, si plures sint ejusdem nominis servi, puta plures Erotes; nec appareat de quo actum sit, Pomponium dicere nullam fieri condemnationem. Hoc enim tunc procedit, quando non apparet, de quo actor senserit. At cum id saltem apparet, quod actor voluit, tunc quod nos dicimus, procedit, & quod utilius est actori, qui ambigüe locutus est, sequimur. Hæc paulo

paulo uberius, quam vulgo solet, exposui, ut res tota perfectè cognoscere-
tur.

C A P. XXI.

De effectu & potestate pactorum.

1. *Pacta obligatoria naturalem obligationem pariunt.*
2. *Naturalem obligationem ex pacto natam, nisi persona qualitas obstet, eandem vim jure civili habere, quam habet obligatio civilis, dempta sola actione.*
3. *Ad agendum & petendum efficacem non esse, nisi pactum lege confirmatum, aut contractui bona fidei statim appositum sit, aut placito stipulatio intercesserit.*
4. *Pacto liberatorio obligationem naturalem ipso jure tolli.*
5. *Enodatio l. si unus. 27. §. 2. hoc tit.*
6. *L. qui servum. 34. §. 1. de oblig. & act. explicatur.*
7. *Nuda conventionem rebus integris ipso jure dissolvi & obligationes omnes nudi consensus.*

8. *Eodem modo tolli etiam obligationem pignoris nuda conventionione contractam; nec ob stare l. 17. §. 2. hoc tit.*
9. *Ceteras obligationes pacto convento non tolli ipso jure, sed ope exceptionis, aut pacti, aut subsidiariæ doli.*
10. *Pacta, quæ aliquid obligationi detrahunt, in continenti contractus facta, prædesse reo ipso jure.*

DE vi & effectu pactorum, quæ voce simpliciter prolata passim in jure nostro nuda significantur, multa jam ante à nobis dicta sunt, & dici necesse fuit. Quamobrem hic erimus breviores.

1. Eorum pactorum, quæ ad obligandum comparata sunt, hic effectus est, ut obligationem naturalem producant. *l. 5. §. 2. de solut. l. 3. l. 4. C. de usur.* Nihil enim tam congruum est fidei humanæ; quam ea, quæ inter eos placuerunt, servare. *l. 1. pr. hoc tit.* unde Paulus *l. cum amplius. 84. §. 1. de reg. jur.* cum natura debere ait, quem jure gentium dare oportet, cujus fidem secuti sumus.

2. Atque hæc naturalis obligatio, nisi personæ obstat qualitas, eandem vim

vim etiam jure civili habet, si unam dēmpseris actionem, quam naturalis & civilis simul. Ut ecce, potest hoc naturale debitum cum alio quovis compensari. *l. 6. de compens.* non datur ejus licet per errorem soluti repetitio. *l. naturaliter. 13. l. si poena. 19. de cond. indeb. l. 7. de fidejuss. l. naturales. 10. de obl. & act.* Potest constitui & novari. *l. 1. §. pen. de pecun. constit. l. 1. in fin. de novat.* Potest & pignus & fidejussor huic obligationi accedere. *l. 5. l. 14. §. 1. de pign. l. naturaliter. 13. de cond. ind. §. 1. Inst. de fidejuss. l. 6. l. 7. ff. eod.* & quamvis citra vinculum stipulationis usurae foenebris pecuniae peti non possint, *l. 3. C. de usur.* tamen pacto promissae servari possunt per retentionem pignoris pro sorte & usuris obligati. *l. 4. l. pignoribus. 22. C. d. tit.*

3. Cæterum talis obligatio, quæ ad agendum & petendum sit efficax, jure nostro ex pacto non nascitur, nisi specialiter lege senatusve consulto, aut à prætore confirmatum sit. *l. 6. l. 17. §. 2. hoc tit.* aut contractui bonæ fidei in continenti appositum, eo quod hujusmodi pacta pars sunt & lacinia atque lex ipsius contractus, sine quibus con-

tra-

tractus initus non fuisset. *l. 7. §. quin-
imo. 5. eod. l. in bona. 13. C. eod. l. 1. §. si
convenit. 6. depos. l. contractus. 23. de reg.
jur. l. 5. l. ult. C. de pact. int. empt. &
vend.* Imo tantum abest, ut nuda pa-
ctio actionem pariat, ut etiam si certis
annis, quod nudo pacto convenerat,
datum fuerit, nihilo magis in posterum
actio competat, nisi placitis stipulatio
intercesserit, ut est rescriptum ab Impp.
l. si certis. 28. C. hoc tit. Planè enim si
placiti servandi causa stipulatio inter-
posita fuerit, dubium non est, quin ex
stipulatione agi possit. *l. si pacto. 14. l.
petens. 27. C. eod.* Quod si ad pactum
accesserit & alia causa, puta si præterea
ab uno quid datum aut factum sit, jam
quidem certo jure is qui dedit aut fecit,
alterum sibi ita obstrictum habet, ut
etiam civili aut honoraria actione te-
neatur: sed jam illa conventio non am-
plius nuda censetur. *l. 7. §. 2. l. divi-
sionis. 45. l. in traditionibus. 48. hoc tit.
l. debitori. 7. & seq. l. legem. 10. l. cum
proponas. 21. G. eod.* Neque enim nu-
dum pactum est, quoties certa lege ali-
quid datum aut factum esse probatur.
l. 8. in fin. l. solent. 15. de præscript. verb.
Sed de his satis dictum est supra *capp. 5.*
6. &

6. & 7. ubi item notatum est, aliarum omnium gentium moribus non minus ex pacto, quantumvis nudo, dummodo serio, quam jure Romanorum ex stipulatione, actionem datam fuisse; quod & jure Canonico disertè cautum sit. *c. 1. & 3. ext. hoc tit.* & disciplina horum temporum sequatur.

4. Sicut autem pactum obligatorium naturalem obligationem producit, ita ex contrario pactum liberatorium naturalem obligationem ipso jure tollit. *l. Stichum. §. naturalis. 4. de solut.* Estque hoc consentaneum regulæ traditæ in *l. nihil tam naturale. 35. de reg. jur.* atque obtinet etiam, quamvis non ex conventionione, sed alia ex causa obligatio naturalis profecta est: quoniam vinculum æquitatis, quo solo sustinetur, conventionis æquitate dissolvitur, ut disputat Papinianus *d. l. Stichum. §. 4. de solut.*

5. Non adversatur huic sententiæ, quod Paulus *l. si unus. 27. §. 2. hoc tit.* respondet, prius pactum non elidi per posterius ipso jure, sed opus esse replicatione: quoniam ibi non quæritur de nuda naturali obligatione per pactum tollenda, sed de pacto priore, quo exceptio

ceptio jure prætorio quæſita erat, per
poſterius pactum elidendo, quo redeat
prima conditio & ſtatus obligationis,
actionique vis priſtina reſtituatur.
Quod obligatio naturalis ipſo jure per
pactum tollitur, ei conſequens videri
poterat, etiam pacti hanc eſſe vim, ut
ipſo jure obligationem priorem repo-
nat in priſtinum ſtatum, perinde ac ſi
pactum prius interpoſitum non fuiſſet.
Cæterum hoc minimè ſequitur: nam
cum non obſtante priore pacto de non
petendo obligatio & actio ipſo jure
adhuc teneat, fieri nequit, ut exceptio
debitori pacto quæſita poſteriore pa-
cto ita tollatur, ut ea agenti creditori
in judicio opponi non poſſit. Atque
hoc ſignificat Jurisconſultus in *d. l. ſi
unus. 27. §. 2. hoc tit.* cum ait in pactis
factum verſari. Ait prius pactum per
poſterius ope replicationis elidi, non
ipſo jure, ſicut tollitur ſtipulatio per
ſtipulationem, ſi hoc actum eſt; addita
hac ratione, quia in ſtipulationibus
jus continetur, in pactis factum verſa-
tur. Id eſt, ut ego interpretor, quia ſti-
pulationes ipſo jure vim ſuam exer-
cent, eo quod his ineſt auctoritas juris:
pacta autem auxilio prætoris egent, &
ſine

sine jure ex solo conventu servantur. Itaque quatenus pactum prius tutione prætoris juvatur, hætenus quoque auctoritate prætoris requiritur, ad elidendam exceptionem jure honorario firmam. Hinc est, quod quidem etiam pacta nobis prosint ad liberationem sed factò nostro, si quis initio litis pactum sit contestatus, ejusque exceptionem in judicium deduxerit. Hæc enim contestatio & defensio, cum in factò rei posita sit, rectè dicitur in pactis factum ad liberationem versari: eademque hîc exceptionis & replicationis ratio est. In stipulationibus autè jus continetur, id est, per stipulationem novantem, per stipulationem Aquilianam, eamque secutam acceptilationem hoc assequimur, ut ipso jure liberemur, non factò aliquo nostro, id est, non defensionis contestatione, aut exstipulationis exceptione & objectione.

6. Atque huc pertinet, quod idem Jurisconsultus in *l. qui servum. 34. 1. de obl. & act.* scribit, eum qui rem sibi commodatam surripuerit, teneri quidem & commodati actione & conditione, sed alteram actionem per alteram perituri aut ipso jure aut per exceptionem

ceptionem. Significat enim cum quis ipso jure liberatus est, posse eum tutò negare, se debere, & quamvis exceptionem in judicio non proponat, absolvi debere, si ex pristina actione solvisse se quandoque apud judicem doceat. Si vero per exceptionem actio tollatur, non debere reum negare se teneri: sed cum hoc confessus fuerit, ejus quod præcesserit, exceptionem opponere posse, per quam consequatur idem, quod non teneatur; hoc vero, inquit, facere est tutius: quia scilicet dubitari possit, an eo modo prior actio sublata sit ipso jure *add. Cuiac. Busf. & Ant. Fab. ad. d. l. si unus. 27. §. 2. hoc tit. Donell. ad l. 5. C. eod. Borcholt. de pact. c. ult. n. 58. & seqq. Bachov. ad hunc tit. c. de effect. pact. lib.*

7. Præterea ipso jure nuda conventionem tolluntur obligationes omnes, quæ nudo consensu contractæ, dummodo rebus integris à contractu abeat. *l. 7. §. adeo. 6. l. ab emptione. 58. hoc tit. l. 3. l. 5. §. 1. de resc. vend. l. 1. l. 2. C. quand. lic. ab empt. discedere.* in quo & ipso regulam naturæ de tollendis obligationibus veteres secuti sunt. *l. nihil tam naturale. 35. de reg. jur. l. prout. 80. de*

de solut. Nam etsi hujus generis contractus obligationem quoque civilem, hoc est, efficacem ad agendum producant, quæ videatur pacto ipso jure tolli non posse: tamen quia obligatio ista mero & nudo consensu constat, totaque est ex jure gentium, nihil habens à jure civili præter generalem quandam approbationem, quod extrinsecum quid est, & accidentarium, ideo sublato hoc consensu per pactum sive voluntatem contrariam, tota obligationis substantia evanescit, ut nihil amplius supersit, in quo actio fundetur. Eadem videlicet ratione, qua nulla superesse obligatio intelligitur, si res tradita in contractu reali animo recedendi reddita fuerit.

8. Et secundum hæc rectè defenditur, etiam obligationem pignoris, quæ jure prætorio nuda conventionē constituitur. *l. 1. de pign. act.* contraria earque nuda conventionē ipso jure dissolvitur: licet obstare videatur, quod à Paulo traditur *l. si tibi. 17. §. 2. hoc tit.* de pignore ex pacto jure honorario actionem nasci: tolli autem per exceptionem, quoties paciscor, ne petam. Nam bene à Negusantio tract. de pign. part. 6. memb.

memb 3. n. 3. & à Bachovio lib. 5. de pign. c. 6. observatum est, loqui Jurisconsultum de pacto, quo remittitur debitum principale, non de eo, quod directò tendit ad dissolutionem pignoris.

9. Cæteræ obligationes pacto liberatorio de non petendo, non ipso jure, sed ope exceptionis tolluntur, ut passim *hoc tit. & alibi.* inter quæ quid intersit, ex iis, quæ modo dicta sunt, intelligi potest. Concurrit autem cum exceptione pacti exceptio doli, sicut & cum aliis exceptionibus: dolo enim malo facit, quicumque id, quod quaquæ exceptione elidi potest, petit. *l. 2. §. item quaritur. 4. & §. seq. de dol. mal. except.* Sed & quotiescunque pacti exceptio dari non potest, forte quia personæ, ad quam utilitatem pacti porrigi volumus, exceptio pacti quæri non potuit, aut persona ejus pacto comprehensa non est, toties ad exceptionem doli subsidiariam confugimus.

10. Quæ pacta aliquid obligationi detrahunt, eamve imminuunt, ea si in continenti facta sint, non tantum contractibus bonæ fidei, verum etiam stipulationi insunt, ipsoque jure reo profunt

funt ad liberationem. *l. lecta. 40. de rebus cred.* De furto & injuriis lex duodecim tabularum pacisci permisit: quam ob causam quoque actiones furti & injuriarum per pactum ipso jure tolluntur. *l. sitibi. 17. §. 1. junct. l. 6. l. 7. §. si paciscar. 14. hoc tit.* Nihil autem horum est, quin propriis quoque locis ante explicatum sit, & quidem copiosius.





I N D E X

rerum & verborum.

A.



Cceptilatio an conventio legitima.

44

Actio alia non datur ex pacto in bona fidei contractu interposito, quam ejus contractus, cui appositum. 173. 174. 175. nisi ten-

dat ad dissolutionem contractus. 177. 178. 179

Actio prascriptu verbis & nomine & re incerta est.

80. 81.

Actu plus est in specie quam in genere. 4

Actus agentium non operantur ultra eorum intentionem. 205

Addictio in diem & lex commissoria videntur pacta legitima. 42

Adminicula contractus. 137

Administratio negotiorum puberis etiam ad res contrahendas pertinet. 227

Estimatoria actio an nominata. 97. 98

Alienandi jus qui non habet, nec obligandi habet. & contra. 226

Alienationis prohibitio conventionalis & testamentaria. 241

Αμνησio. 24

Απόρρητα. 31

Argentarius usure debentur ex nudo pacto. 40

Argumentatio à conventionem nominata ad innominata.

minatam non procedit. 118. 119

*Argumentum à pignore generali ad pignus illato-
rum non procedit.* 196

B.

Bona fidei judiciis exceptiones pacti & doli insunt.

153. *In bona fidei judiciis usura etiam ex pacto
debentur.* 156

C.

*Causa etiam frivola excludit presumptionem do-
nationis.* 204

*Causa nomine quid veteres intelligant, cum ajunt
ex conventionem innominata, cui causa subest,
actionem nasci.* 100. 101. 102. 103. 115. 116.
117. 118.

*Causa plerumque pro impleta habetur, cum casu fa-
ctum, ut impleri nequeat.* 82

*Chirographum reddens creditor tacite pacisci vide-
tur, ne petat.* 196. *Quid si, cum duo haberet,
unum tantum reddiderit.* 201. 202. & seqq.

Civitatibus ex nudo pacto debentur usura. 35

*Condictio ob causam dati perpetuo separatur ab a-
ctione præscriptis verbis.* 79

*Constitutum, quod pactum honorarium, pro legiti-
mo habendum.* 41

*Continens quid. Continentes provincia. Continentia
urbis adificia. Ex continenti, sive in continenti.*
142. 143. 144. & seqq.

Contractus quid. 95. 124. 125. *contractus nomi-
nati.* 96

Contractuum innominatorum genera. 99

*Conventio de pignore, qua pactum prætorium, pro
legitima habenda.* 41

*Conventio gratuita de remittendo legato conditio-
nali an valeat.* 266. 267

Conventio nuda. 47. 48

Conventio privata. 34

- Conventio publica.* 22.23
Conventio temeraria, simulata, jocularia non meretur nomen conventionis aut pacti. 64. 65. 91. 92
Conventiones innominatae, quae terminos nudi placiti non egrediuntur, non sunt contractus. 106.
Ex his solo jure conventionis non competit actio. 104. 105. *Non potest his accommodari formula actionis praescriptis verbis.* 107. 108. *Non nascitur ex his duplex actio, una jure conventionis, altera ex perfectione & secundum perfectionem contractus.* 109. 110. *Oblatio in his non habet vim implementi.* 106. 119
Conventionis nomen generale. 8
Conventionis vox πολύσημη. 59. *nunquam usurpatur in specie pro conventionem aliquam oppositam pacto.* ibid.

D,

- D** *Epositum aut precarium ante tempus repetens non facit contra obligationem.* 123
Dolus malus est, qui post fidem datam adhibetur. 30
Donationis pactum in praesens conceptum conventio legitima. 39. 40
Dotis pollicitatio pactum legitimum. 37. 38. 39.
Dux belli citra speciale mandatum pacem facere non potest. 26.
De quibus rebus rectè paciscatur. 25. 27

E.

- E** *Dictum de pactis pertinet ad conventiones omnes.* 10
Effecta naturalis obligationis pupilli. 224
Exceptio doli subsidiaria est pacti. 239. 240
Exceptio fidejussori semel quaesita an ei adimi possit actione debitoris. 244. 245
Exceptio per prius pactum quaesita per posterius non ipso jure, sed ope replicationis eliditur. 308.
 & seq. F. Fa.

FActum in pactis versari quo sensu dicatur. 309
 & seq.

Falcidia an vivo testatore privata conventionem remitti queat. 264. 265

Fideicommissum interdum in contractibus constituitur. 241

Fidei observatio ex jure gentium. 28

Fides data servanda etiam hostibus, praeconibus &c.

28. 29. 30. 31. 31. 32. 33.

Fidejussorū pactum non prodest reo, nisi persona rei expresse comprehensa. 246

Fides sanctissimum humani pectoris bonum. 71

Filii aut servi pactum prodest patri & domino. 235
 & seq.

Frugum aestimatio subinde mutatur. 37

Fumenti mutuo dati usura debentur ex pacto. 36

Furiosorum, & mente captorum pacta. 212. 213.

Genus non est particeps differentiarum. 4. de
 specie sua predicatur & non convertitur. ib.
 & 5.

Gratuita pactio de controversiis, quae ex testamento oriuntur, ante tabularum inspectionem an valeat. 268. An de alimentis testamento relictis citra auctoritatem praetoris. 269

Hereditas vendi potest, & quae nondum delata est. 286. An pactus conservari queat. 288

Heres ultra portionem hereditariam obligari non potest. 238

Hypothecam inter & pignus quid intersit. 18

Infans & infantia proximus non multum a furioso distant, & quibus in causis dispar eorum conditio. 242

I N D E X.

Infantia proximi & proximi pubertati comparatio. 220. 221

Ingressus, initium contractus. 145

Instrumento reddito, quo alius quoque obligatus, quid juris. 199. 200. 249

Intentionem ambiguum pro auctore interpretamur. 300. 301. 302

Interdictio bonorum non juris, sed jurisdictionis est. 216

Intervallum, ex intervallo. 148

Inventa & illata in pradium urbanum, nata in fundo tacite pignori sunt locatori. 185. *Inventa & illata in pradium rusticum non aliter pignoris jure tenentur, quam si id nominatim convenierit.* 186. 187. & seqq.

Jure natura & gentium etiam ex nuda conventionem obligamur. 85. 86

Jus civile non debet exigere ad mera juris gentium precepta. 73. & 74

Jure gentium nemo nulla in civitate vivitur. 74

Jusjurandum omne sponte praestitum servari debet, si non redundet in alterius praedictum, aut dispendium salutis. 274

L.

Legitima conventio. 35

Legitima pacta & in continenti adjecta diverso respectu & nuda & vestita dici posse. 127

Liberatorium pactum ipso jure naturalem obligationem tollit. 307

Locupletior nemo fit ex sola promissione, aut susceptione aliena obligationis. 213

M.

Mandator & *mandatarius* obligantur sub conjunctione, hic ut mandatum impleat, aut tempestive renuntiet; ille, ut impleri patiat, aut revocet. 122

Mer-

Merces indicii peti non potest ante indicium. 78

N.

Natura contractus. 137. 138

Nuda pacta non sunt contractus, ne legitima quidem aut in continenti adjecta, 126. 127. 128

Nudum pactum est, cum quis emere aut vendere pollicitus est. 113. 114

Nudum pactum etiam jure Rom. obligationem naturalem parit. 86. & aliarum gentium & nostris moribus, & jure Canonum etiam actionem producit. 87. 88. 89. 90. 91

Nudum pactum quid. 47. 48. 63.

Nudum non est vox alienans, sed discernens. § 1. 57

Nudum pactum tam proprie pactum, quam vestitum. 64. Nudum etiam quod serium. ibid. & 68.

O.

Obligatio à defuncto cæpta heredibus omnibus acquiritur pro portione hereditaria. 239

Obligatio naturalis ex pacto, nisi persona qualitas obstat, eadem effecta jure civili habet, quæ mixta, dempta una actione. 305. & seq.

Oligationes nudi consensus rebus integrè ipso jure nudo contrario consensu tolluntur. 310

Obligationi, quam quis semel in se suscepit, invito adversario renunciare non potest. 113. & latius 121. & 3. seqq.

Obligationis origo in conventionibus innominatis non à nudo consensu, sed à datione aut facto ad consensum accedente proficiscitur. 116. 117.

Oratio etiam generalis accipienda de his, de quibus actum est. 169

Ordo natura non idem semper, qui scriptura. 163. & 164.

P.

Paciscens cum malefico, qua tali, de remittenda pæna agere censetur. 32. 33

Pacta adjecta traditionibus rerum quid operentur. 169

O 4

Pacta

- Pacta circa adminicula contractus, circa naturam,*
circa substantiam contractus. 137. 138. 139.
 140. 141. *naturam contractus egredientia.* 142
Pacta circa successionem viventis improbata. 276.
 & seqq. *etiam reciproca.* 277. *exceptis mili-*
tum. *ibid.* *An statuto confirmari possint.* 278. &
 seqq. *An iuramento.* 283. *An, quando & qua-*
tenus de hereditate tertii. 284. & seqq.
Pacta contra jus publicum, aut formam juris pu-
blici vel de statu persona facta non valent. 261.
 & seqq.
Pacta ex continenti facta de re, qua in stipulatione
deducta est, stipulatione continentur. 168. 170.
Pacta in continenti adjecta in bona fidei iudiciis
etiam a parte actoris insunt, actionemque pa-
riunt. Ex intervallo adjecta soli reo prosunt ad
exceptionem. 131. 132. 133. 134. 135. 136.
Pacta in continenti facta insunt bona fidei iudiciis
ex parte quoque actoris, non etiam apposta con-
tractibus stricti juris. 152. 153. & seqq.
Pacta in personam non egrediuntur personam pa-
ciscentis. 209
Pacta in rem. 260. 207. *quibus prosunt.* 204. & seqq.
Pacti definitio. 1
Pacti generali significatione contractus quoque con-
tineri. 3. 6. 7. 49
Pacti obscuri vel ambigui interpretatio pro quo
facienda. 293. & seqq.
Pactione uni ex heredibus consuli an possit. 237. &
 seqq.
Pactiones ad liberandum comparatae, de emendo,
permutando &c. non sunt contractus. 3
Pactio, qua per se non valet, an vires accipiat a
jurejurando. 272. & seqq.
Pactum conventum, & pactum figuratè pro instru-
mento pacti. 20
Pactum

- Pactum conventum idem quod pactum simpliciter.*
 8. & 14
- Pactum conventum proprie non est pactum scriptum.* 15. 16. 17. 18. 19.
- Pactum de quota litis illicitum.* 271
- Pactum & pactio idem.* 3
- Pactum filii personale quatenus profit patri.* 236
- Pactum majoris partis creditorum an & quando alius noceat.* 254. 255. an & quando absentibus. 256. an & privilegiarii & hypothecariis. 257. & seq.
- Pactum nudum, licet serium, jure Romano actionem non producit.* 67. 68. 69. 70. 72. 83. 111. 112
- Pactum nudum non explicationis tantum, sed etiam discretionis causa dicitur.* 50. 54
- Pactum nudum producit obligationem naturalem.* 71. 304
- Pactum passim pro pacto nudo* 12. 13. 49
- Pactum quo futura successioni renuntiatur.* 289. & seqq.
- Pactum reale filii aut servi quando patri aut domino noceat.* 232. 233
- Pactum unius ex correis debendi alius non prodest, nisi socii sint.* 297. 248
- Pactum unius ex reis stipulandi an alteri noceat.* 250. 251
- Penitentiam non admittunt contractus innominati, qui finiendarum litium gratia incuntur.* 120
- Patri pactum quando & quatenus filio profit.* 237
- Permutatio an contractus nominatus.* 97
- Personale pactum rei an hodie profit fidejussori.* 209. 210
- Pignore ultro & simpliciter reddito, videtur vinculum pignoris remissum.* 198

<i>Pignus remittere videtur creditor reddens chirographum.</i>	196. 197
<i>Placiti sine stare quid.</i>	63. 64
<i>Pollicitatie.</i>	12
<i>Prædones communionem habent juris natura.</i>	31
<i>Præscriptis verbis actio non datur, nisi ex contractu.</i>	5
<i>Præscriptis verbis actio potest concurrere cum alia, licet vulgari & bona fidei.</i>	178. 179. & seqq.
<i>Prætor pacta conventa servat data actione aut exceptione.</i>	11
<i>Princeps pacem faciendo privatorum injurias per causam belli acceptas remittere potest.</i>	23. 24.
<i>contrahendo cum subditis privatorum jure utitur.</i>	25
<i>Procuratoris pactum prodest domino ad exceptionem doli.</i>	239
<i>Procuratoris pactum quando noceat domino.</i>	233.
<i>& seq.</i>	
<i>Prodigi cum minore collatio.</i>	214. 215
<i>Prodigi & furiosi similitudo & dissimilitudo.</i>	213.
	214. 217
<i>Prodigo an bonis interdicator ipso jure, an decreto magistratus.</i>	215. 216. & seqq.
<i>Promissio impunitatis aut premii facinus aliquod detegentibus servanda.</i>	33
<i>Pubes curatorem habens an ex contractu sine curatore obligetur jure civili.</i>	225. & seqq.
<i>Pupillus pubertati proximus an ex contractu sine tutore inito naturaliter obligetur.</i>	221. 222. & seqq.

Q.

Q. *Verba inofficiosi à defuncto omissa ab herede instaurari non potest.*

75

R. R.

Repudiationis & pacti differentia. 267

Saltus hiberni & æstivi certis temporibus relin-
qui solent. 154

Scriptura interveniens non efficit, ut pactum desi-
nat esse nudum. 48

Speciei tota essentia non est in genere. 4

Socius socio societatem renuntians non renuntiat
constituta obligationi. 122. 123

Studioforum libri illati an legem taciti pignoris se-
quantur. 194. 195. 196

Stipulatio an conventio legitima: 44

Substantia contractus & natura contractus an
differant. 138. 139

Tacitum pignus illatorum locum non habet in
bonis minorum illatis sine consensu curatoris.
193. 194

Transactio neque contractus proprii nominis, neque
contractus species. 98. 99

Tutoris aut curatoris pactum quando noceat pupillo
aut adulto. 234. 235

Tutoris & curatoris pactum prodest pupillo, adul-
to &c. 239

Virtus ex libera potius voluntate, quam ex coa-
ctione pendet. 72

Voluntatis nomine interdum adsignificatur expres-
sa conventio. 192

Votum. 12

Vsura pecunia trajectitia debentur ex pacto. 35. 36

1. The first part of the document is a list of names and titles, including "The Hon. Mr. Justice" and "The Hon. Mr. Justice".

2. The second part of the document is a list of names and titles, including "The Hon. Mr. Justice" and "The Hon. Mr. Justice".

3. The third part of the document is a list of names and titles, including "The Hon. Mr. Justice" and "The Hon. Mr. Justice".

4. The fourth part of the document is a list of names and titles, including "The Hon. Mr. Justice" and "The Hon. Mr. Justice".

5. The fifth part of the document is a list of names and titles, including "The Hon. Mr. Justice" and "The Hon. Mr. Justice".


6. The sixth part of the document is a list of names and titles, including "The Hon. Mr. Justice" and "The Hon. Mr. Justice".

7. The seventh part of the document is a list of names and titles, including "The Hon. Mr. Justice" and "The Hon. Mr. Justice".


8. The eighth part of the document is a list of names and titles, including "The Hon. Mr. Justice" and "The Hon. Mr. Justice".

9. The ninth part of the document is a list of names and titles, including "The Hon. Mr. Justice" and "The Hon. Mr. Justice".

10. The tenth part of the document is a list of names and titles, including "The Hon. Mr. Justice" and "The Hon. Mr. Justice".











3.5

